

PM 250-71
38
27

20-113-45
38

玉山縣志



玉山縣志卷八之上

人物志



名臣 官業 理學 儒林 文苑 忠義

孝友 善士 隱逸 方伎 列女 寓賢

天地大乎道大乎曰道大道者何匹夫匹婦之所能知能
行聖人天地之所不能盡者是已是故蘊之為德性發之
為文章施之為事業守之為節義燦乎若日月之麗天沛
乎若江河之行地而又非必求諸幽深僻遠以為道也必
求諸幽深僻遠以為道則道其所道非吾所謂道矣吾所

玉山縣志

卷八上 人物

一 名臣

謂道在天為元亨利貞在人為仁義禮智在事為親義序
別信無物不有無時不然苟有得焉則皆可以不朽而與
天地無終極人物之志以此

名臣 唐以前
無考

宋

詹丕遠字子猷登進士第崇寧五年除右正言乞謹天戒上曰
龍驤豈能當天變丕遠惶恐未諭上曰廐馬也一夕無疾而斃
或者便為星拂之致應天止如是耶丕遠對此語欺甚不知陛
下何從得之上作色曰京不遠對京大臣宜省愆如此奏對大

非昌言諫官陳瓘嘗劾京愚弄朝廷信有之也陛下知歸過於已天下幸甚上曰此語非欺則佞佞人殆丕遠對佞恐不足以盡京之過再進劄子乞罷修造及止絕諸司浮費并非泛錫予及論當十錢與令學者讀史切中時病除左正言論家安國不合獻移尙書省議上曰曹卽豈容當此人不遠對外人言京待欲作宅第上曰庸有此京欲崇麗移之耳外人不知也只兩月前鄭居中朱諤來留京要得賜第又爲京足疾乘騎難乞就近處踏逐朝廷亦未有指揮近處無以易省中居中莫意有所在否丕遠對外議謂陛下已許之矣上曰無但居中近亦來乞賜

玉山縣志

卷八上 人物

二 名臣

京第亦只欲得近便處且云以彗而罷京爲非若不還京相天將動威當復有大雷電之恐此語殆劫持朕冀其請之必從丕遠對居中人謂京腹心陛下何以語之上曰朕與他道星譴未久黜京以代朕責也銷災弭患尙未知所出遽復京相天下謂何若要賜第却待商量丕遠對觀此則昨來移省之請不無使之者凡所奏對直抵權奸皆人所不敢及後卒爲惡直者所逐晚年優游鄉里人所推敬汪端明歸見公乞言與之語有宜退不宜進宜貧不宜富宜怯不宜勇之說有味其言也子堯謨堯

可堯可知華亭縣有政聲後知房州

前志
祀鄉賢

前志按宋韓流澗泉日記云徽宗語左正言詹丕遠曰比聞中外有三不可之說法度不可變劉逵不可用蔡京不可罷朕得之怵惕不寐者累夕丕遠因問劉逵何故不可用上曰如碎黨人石刻寬上書繫籍人禁皆逵首陳力為朕論時政闕失有何不可用丕遠對此必有媒孽逵者上曰今國是當如何丕遠曰是陛下當與挺之議法度宜隨時損益逵用否在陛下若京不可不去上默然此段即不遠獲罪出知興化軍之由蓋除左正言論移尙書省後語非除右正言論謹天戒時語宋史不載可與編年備考

鄭驥字潛翁登元符三年進士第知溧陽縣歲饑民多逃亡漕司按籍督逋賦不少貨驥患之盡去其籍使者欲繩以法驥曰著令約二稅爲定數今不除則逋愈多民愈貧賦愈不辦使者不能屈時議自建康鑿漕渠導太湖以通大江將破數州民田

玉山縣志

卷八上 人物

三

名臣

調江浙二十五州丁夫所費百萬計朝廷遣官視可否驥條析利病力止之通判岢嵐軍改慶陽府姚古奏爲熙河蘭廓路經畧司屬官錢蓋自涓易熙奏辟幕下地震秦隴金城六城壞驥爲蓋言六城熙河重地宜趣繕治因自請董兵護築益機灘新堡六百步以控西夏堡成以功遷官賜緋衣銀魚吻廝羅氏舊據青唐置西寧州董璫入朝其弟益麻黨征走西夏大觀中羌人假其名歸附童貫奏賜姓名趙懷恭官團練使至是黨征自西寧求歸童貫懼事露議者希貫意欲絕之驥謂貫欺君請辯其僞貫怒將厚誣以罪會敗而止擢京兆府等路提舉常平驥

按格爲常平總目十卷頒之所部時陝右大稔驥奏乞以所部本息乘時廣糴得米六十萬斛高宗初以直秘閣知同州兼沿河安撫使時謀巡近甸金陵南陽長安爲駐蹕計驥言南陽金陵偏方非興王地長安四塞天府之國可以駐蹕會帝東幸揚州復請自楚泗汴洛以迄陝華各募精兵首尾相應庶敵勢不得衝決不報金將婁宿犯同州及韓城驥遣兵拒險擊之師失利通判以下皆遁去驥曰所謂太守者守死而已翼日城陷驥赴井死贈通議大夫樞密直學士謚威愍驥在熙河嘗撫熙甯迄政和攻取建置之跡爲拓邊錄十卷兵將蕃漢雜事爲別錄

玉山縣志

卷八上 人物

四 名臣

八十卷圖畫西蕃西夏回鶻盧甘諸國人物圖書爲河隴人物

志十卷序贊普迄溪巴溫董璫世族爲蕃譜系十卷

宋史 祀鄉賢

楊萬里跋曰近世培植人才忠孝成俗至本朝極盛矣唐季五代全軀賣國之風於是一變慶厯元祐之間忠臣義士充盈朝野非諸老之賢祖宗之勤也其積豈一朝一夕哉自紹聖崇觀之大臣指諸老爲奸邪挫摠銷泯不盡不置也而靖康之禍猶有死國如威愍鄭公者此固前日奸邪之遺種而紹聖崇觀之大臣所銷滅不盡者耶噫慶厯元祐之奸邪可少哉至於銷泯不盡可以觀祖宗之澤矣 誠齋南海集

汪應辰字聖錫紹興五年進士第一人年甫十八初名洋特改賜應辰上欲卽除官職趙鼎言且令厯外任養成其材乃授鎮東軍簽判鼎爲帥幕府事悉諮焉召爲秘書省正字時秦檜力

主和議金人欲以河南歸我應辰上疏謂和議不諧非所患和議諧矣而因循無備之可畏臣願勿以和好爲無可虞而思患豫防常若敵人之至疏奏秦檜大不悅出通判建州遂請祠以歸寓居常山之永年院益以脩身講學爲事張九成謫邵州交遊皆絕應辰時通問及其喪父言者猶攻之而應辰不遠千里往弔通判袁州凡所予奪人無異詞丞相趙鼎死朱崖扶喪過郡應辰爲文祭之檜死召爲吏部郎官遷有司母老乞外出知婺州尋丁內艱服闋除秘書少監權戶部侍郎三十二年建儲以孝宗名與唐盧江王晉楚王同詔改爲熈應辰以爲與唐昭

玉山縣志

卷八上 人物

五

名臣

宗同白左相陳康伯遂改今名集議秀王封爵應辰定其稱曰太子本生之親暨內禪擬於傳位日降赦應辰言唐太宗受禪於高祖明年正月始改元乃從其說又議改元重熙應辰謂契丹嘗以紀年遂改隆興一朝大典禮多應辰所定議乞補外知福州未幾升敷文閣待制舉朱熹自代在鎮二年會朝廷謀屬帥乃以敷文閣學士爲四川制置使知成都府旣至免利州路民餉運徙沿邊戍兵就糧內郡縱保勝義士復業存左藏所解白契貳百萬以備不虞悉奏行之吳璘時駐屬口武興精兵爲天下冠璘死應辰遂攝宣撫之職屢道晏然入覲陛對以畏天

愛民爲言尋兼翰林學士應辰在朝多革弊事中貴人皆側目力請祠自是臥家不起少從呂居仁胡安國遊見張栻呂祖謙

深器許之

宋史 祀鄉賢

前志按呂東萊祭文定文曰既予其資又乘其會蓋南渡羣賢皆在之時而北方餘論未衰之際欵門牆而編厯躋堂奧而獨詣合諸老之規模而融其異同總一代之統紀而攬其精粹著集五十卷程敏政於文淵閣得舊本摘抄八卷刊行餘俱散佚今四庫書錄永樂大典所載重爲編次鴻篇鉅製多非程本所有凡二十四卷直齋書錄解題謂有唐書列傳辯證翰林詞草玉山表奏

韓補字復善號思軒與兄祥同登嘉定癸未進士授朝奉郎知徽州爲政廉明每雞鳴視事據案尊嚴吏曹凜凜尋除淮西總

玉山縣志

卷八上 人物

六

名臣

領上曰韓總領一廉不可磨滅遣使南邦勅曰汝以拔萃之資負有爲之學故命汝特往使遠方殊俗知我有清白吏還對稱旨上嘉之在朝奏疏皆剴切以是忤時宰除寶文閣學士出知太平姦貪摧沮輒相戒曰是故嘗爲總領者不可犯也然治尙清淨民皆安之祥字履善號貞齋英資俊爽好學嗜文仕至吏部侍郎兼太子詹事表章周程張朱及從祀先聖廟庭諸議而百年之曠典以定補守徽時建書院請祀朱子賜額紫陽兄弟宗程朱之學以文章德行顯名世稱二韓理宗御書翁和堂以

榮之

前志 並祀鄉賢

前志按祥趙蕃門人嘗請復舉嚴父配天之典朝散大夫
康熙亦援倪思所著合宮爲言乃以寧宗與太祖太宗並
侑明
堂

明

詹瀚字汝約號燕峰由進士累官刑部郎中有張某者倚權璫
盜官鈔瀚手疏按治之張伏辜京師肅然正德己卯武宗南巡
瀚同姪行人軾諫尼被仗軾死杖下而瀚幸不死嘉靖甲申抗
疏大禮再被杖事載明倫大典瀚兩受廷杖直聲益振時方倚
重聞父疾求歸疏凡四上命未下輒行事親至孝居喪哀毀骨
立廬墓畢撰松城集擢湖廣藩臬吏民曰是嘗欲死諫者相戒

玉山縣志

卷八上 人物

七

名臣

莫敢犯所至有惠政霍渭崖首薦之轉浙江左布政出納悉屬
僚案一毫不染拜都察院副都御史撫治鄖陽告病歸家居徒
四壁杜門吟咏恬如也會漕河役與特召總理瀚建言曰利不
當與水爭智不當與水鬪汲然惟支河是開長堤是防詳見於
一政體明職守重運道諸疏適妖賊猝起瀚訓練河夫俄傾擒
之其應變如此嘉靖丙午陞左侍郎己酉懇疏乞歸瀚侍從兩
朝敷歷中外垂四十年家無羨積僅僅俸祿而已肅皇賜清脩
直節執法之臣二匾以褒美之所著有比部集振美堂稿治河

奏議

前志
祀鄉賢

前志按明史嘉靖二十六年河決曹縣水入城二尺漫金鄉魚臺定陶城武衝穀亭總河都御史詹瀚請於趙皮寨諸口多穿支河以分水勢詔可

夏子陽字鶴田由進士授紹興推官廉幹有卓異稱擢兵科給事中奉命冊封琉球先是萬厯二十八年中山王世子尙甯請封襲位命給諫洪瞻祖行人王士禎往待海寇息警渡海而瞻祖以憂去乃改命子陽子陽懼使命之逗遛以失信於外夷藩而負簡任也卽從前使琉球倉場尙書謝杰講求要領具疏責成地方撫按以三十一年癸卯冬十月入閩時撫按相繼歿造船官吏不力掣肘百端媒檠萬狀按臣方元彥復以海上多事

玉山縣志

卷八上 人物

八 名臣

警報頻仍會巡撫徐學聚疏請仍遣武臣如許孚遠初議子陽以屬國言不可爽使臣義當有終乞堅成命慰遠人疏入未報禮部侍郎李廷機言宜行領封初旨并武臣不必遣於是御史錢桓給事中蕭近高交章爭其不可謂此事當在欽命未定之前不當在冊封旣遣之後宜敕所司速成海艘勿悞今歲渡海之期俟竣事復命然後定爲畫一之規先以文告令其領封海上永爲遵守帝納之乙巳七月乃命子陽速渡海竣事丙午三月海船成自昔奉使造舟未有若是之艱苦者遂於五月初四日啓行二十二日開洋六月朔世子遣法師王富等官來勞七

月行封王禮是年中山百穀順成民間豐裕權若更生益信天朝之威德廣大也子陽居使館數月王候問宴會一如故事每次所餽宴金往復固却供應必稽覈節省夷眾悅服九月報倭將來寇子陽諭之曰若國雖弱小不可無備禦計吾爲爾輩策選兵礪刃據守要害乃令王舅毛繼祖率夷眾禦守米牙磯無何倭數舸至則賀國王及來貿易者也子陽下令禁從者勿與通倭知有備斂戢不敢動請一見天使左右皆曰倭佩刀性如犬羊勿與見子陽曰拒之是示怯也陳兵衛坐見之倭稽顙再拜出語琉球曰見吾國王未嘗懼今見天使膽落矣將返國王

玉山縣志

卷八上 人物

九 名臣

遣官慰留躬自出餞十月十五日祭海登舟歸途洶險幾隕其身顧謂士禎曰僕與君共使雖地方抑鬱數年而於君命已幸不辱則使事畢矣今日之遇天也當與君慷慨受之是時精誠所格神燈神雀屢顯靈異十一月初三日入都復命賜一品服陞大常寺卿自是琉球外禦日本強隣內修貢不絕者四十年著琉球錄載鶴田集中子九河舉人未仕卒

前志
祀鄉賢

前志按孔子論士先使命不辱而本諸行已鶴田非行已有素能却餽金籌官備以固夷情戒通市陳兵衛以落夷膽乎若威德旣彰成命而反死豈所恤焉明史不立專傳見於琉球傳中諸志徒以所著書載山川風俗物產人民及所經屬國錯雜成文稱海國奇觀嗚呼何輕視天下士也讀琉球錄猶見古名臣風矣

國朝

徐旭齡字敬庵父一鴻母昌氏崇禎壬申旭齡甫能言父挈之依舅氏國華於錢唐順治乙未成進士歷試吏禮二曹擢御史風采所著以廷尉鎮撫山東

聖祖南巡書清漪以旌其潔尋陟司空出爲漕帥無弊不剔嘗一日十上封事俱蒙

俞允以積勞卒年五十有九諡清獻

賜塋葬焉旭齡原配卒兩淮間無出繼娶樓恭人生女德音字淑則及勘災楊屬得許迎年者乃丙午典試江南所取士之孫

玉山縣志

卷八上 人物

十 名臣

也以女字之後登庚辰進士官中書旭齡以從弟撫州教諭望

齡子嗣曰繼芳

前志

吳廷金字毓西號麗生吉安教授覃仲子也道光戊戌進士觀政比部以廉能著聲治獄明察不苟無留牘鉅公某以洩秘謀杖殺家奴嫁禍讐家庭金偕同官按驗某故驕橫眾睥視莫敢櫻廷金研鞫底蘊治如律順天地多

皇莊莊頭每玩法犯科州縣莫可如何其魁某尤縱恣侵蝕民產恃輿援不屈廷金痛繩之并發其往日匿奸強婚事置諸法於是諸莊頭惕息有顯宦某投刺疑弗納至署知名在爰書按

治不少貸廷金既歷辦大獄直聲震朝右或謂宜稍貶損則慨然曰讀書承家訓行吾志耳禍福非所計甲辰丁外艱歸始廷金入署安徽司行走主本司稿兼辦秋審至是服闋入都江蘇山西司僚友各請於長官延主稿事而舊司同事堅執不允長官調停命主三司檔案牘旁午日無暇晷退食後坐小室治官書夜分炬猶熒熒沈寃滯獄多所平反辛亥三月補貴州司主事才望日隆積勞成疾逾年卒於京邸時幾無以為斂朋好賻助始成禮子士俊扶櫬歸新增

按廷金生平敦內行供職春明恒以不得迎養為恨遺產悉推同氣急人急恒若弗及立朝尚風概矢精勤使得竟

玉山縣志

卷八上

人物

十一

名臣

其用雖古名臣何讓焉年甫艾資志以歿都人士及鄉人士蓋莫不咨嗟嘆悼為當世人才惜云

宦業

宋

王珉字仲玉登進士第後為侍從端重老成善楷書嘗作夢山

堂一時名流如東萊呂舍人皆有題咏

華黼郡志

前志按朝野雜記一集紹興二十五年春董使院德言王正言珉並兼侍講非臺丞諫長而以侍講為稱自此始則中玉官正言而兼侍講是時成進士四十一年矣

周世脩字純德宣和進士知興國縣有平盜功簽書建康府錄諸將園田之逋欠者都督府以民居侵冒市衢檄令撤之拒弗

聽子師清字畏知徽州婺源令好學有文通志

徐仁一作傑字漢英紹興進士故相趙忠簡深器重之後以御

史中丞廖剛薦得召對一日暮夜秦檜來招甚急適與客飲且

醉客強請速往笑答曰醉不可往矣陞對惟以復仇恥清境土

為言遂忤檜請祠歸平生不治產業歿之日惟圖書數篋而已

著有檀弓傳易傳春秋發微前府志

前志按忤檜請祠後提舉江西茶鹽任滿奉祠見明一統志

俞勝字克晦畢從弟由太學登第為安樂尉數獲強盜或以應

賞為言勝曰盜為民害尉任其責獲盜民安吾責塞矣又因以

玉山縣志

卷八上 人物

十二 宦業

為利乎好為詩名閒止集端明汪公為之跋前志

劉允迪字德華一字桂亭隆興進士知德安縣為政一本儒術

以惠愛得民累官至朝奉郎參議沿海制置司軍事後居家建

義學以教族子弟及鄉人之願學者通志 祀鄉賢

陳銘字日新博學能文淳熙進士判撫州剛方廉介不徇人私

嘗以考績至都適有天變因陳親正直遠奸佞黜職濫凡十事

皆人所不敢言者特授奉訓大夫通志

徐輝淳熙間令浮梁興學養士至今祠之前府志

汪季良字子駟通直郎知平陽縣平陽號稱難治為浙東三陽

之冠季良治有聲乃以一邑財計撰平陽會四卷自兩稅而下
爲二十一篇終於歲會旁通沿革本末大略備矣又爲外篇五
條如砧基副本催科檢放及書手除科敷之類以爲此財用所
從出也季良端明之孫能吏也得年不永士論惜之

前志

明

詹恩字蓋臣由貴州戎籍登進士授大理評事轉本寺副居官
以廉平稱治家崇禮讓其孝友之性尤得之天成

前志

徐寄字寓安永樂辛卯舉人初任縣丞判嘉定州薦知內江縣
清白自守執法不阿爲權貴所嫉退歸鄉里文詞雅健高古尙

玉山縣志

卷八上 人物

十三

宦業

書蹇公重之嘗欲拔以顯職力辭不赴

前志

王受字謙益舉人任清城遂安丞薦授南京監察御史陞廣西
僉事景泰初酋賊韋萬秀攻掠慶遠甚亟受捧檄守禦躬冒矢
石又製飛鎗火箭一發九中賊懼而退及覃萬統寇天河累以
奇兵破之軍民爲立生祠已而田州土官爭立制府委令坐鎮
帖然無事致政歸天順八年進階一級

前志

周銓字仲衡由進士厯知北流丹徒奉化縣廉靜寡欲擢御史
陞四川參議所得俸入輒出以濟饑乏雖屢空弗恤也陞陝西
按察使述職至京石亨知其賢數以禮鉤致之終不與接尋致

仕行李蕭然同官贖以百金亦不受成化改元詔進階賜帛以

旌其廉前志
祀鄉賢

祝同字秉文永樂間監生刑部主事擢河南參議有惠政以疾

謝歸名陞湖廣布政使辭不赴前志

周鵬字雲翔由進士官刑曹陞山東僉事尋改汀漳兵備廉慎

執法不敢干以私嘗平劇盜野王劉廷用等以不屈權貴謝事

家居窘約如寒素性孝友微時因父疾不就鄉試又推所得繼

產以給諸猶子之貧者前志
祀鄉賢

祝濬字仲源宏治進士累官刑部郎中時銓部辦事者倚勢凌

玉山縣志

卷八上 人物

十四 宦業

毆御史同官者具云聞而後發濬奮然曰御史朝廷之憲臣以

賤役犯之王法安在倘聞而有呵護何以明法竟置重典卽有

所忤弗顧武皇南巡上疏諫止杖幾死考績例陞藩臬冢宰以

濬素有廉名故置之監運以試之操守益勵毫無所染尋遷程

番府知府惠愛流洽邊隅向風所著有苦行集致仕家居環堵

蕭然卒之日無以爲殮邑人稱清白吏前府志

前志按通志選舉注濬宏蕃之孫誤濬祖啟先
生鍾鎬鈺濬鎬之子宏蕃鈺之子爲從父昆弟

夏瑛字潤甫母楊少而寡嘗夜績以督瑛讀有孟母風瑛由鄉

薦授醴陵令醴當要衝瑛請遷泗州驛於醴以均勞逸疲民得

息宥土豪張某謀奪民田不遂竊刈禾民格殺之獄成抵死瑛
援律請從末減輿論咸服貧民陳繼保輸官租容甚慘瑛叩之
泣曰粥兩兒數猶未盈也瑛惻然贖還之以俸代輸賊劉齊寇
湖湘間瑛設方略禦之闔境無虞用薦陞廬州府馬政通判與
印馬御史不合遂引疾歸置田贍族子浚舉進士別有傳

全上
祀

鄉
賢

舒瑞字天祥由舉人授蘇州通判三吳災民多逋負瑞設法催
科革除常例民困遂蘇以忤上官判郤武府會衛軍作亂瑞討
平之陞南雄府同知田舊無額豪強多兼并瑞爲區畫均齊至

玉山縣志

卷八上 人物

十五 宦業

今賴之二郡皆祀名宦

全上

王輝義烏縣丞警敏有才遇事能決催徵得體力節夫役因忤

總戎不屈解綬歸

義烏
志

李玘字孟玉正德進士授浙江金華縣令有惠政章楓山先生
稱之曰李侯奉法勤職不爲容悅以求獲上語在金華修學記
中陞工部主事監杭州抽分舊例法子每五十兩重五兩玘取
重法子投諸井語其子曰此上欺天子下賤民膏吾不願以此
爲若曹累也轉刑部員外郎飄然有解綬之想凡三疏而允家
徒四壁縣令欲一見其面而不可得乃厚餽之玘不受報以詩

曰釜甑生塵久不炊忽聞餽廩喜盈眉滿庭官貺驚生眼一榻清風愧報施餓死祇須埋駮骨浮生豈敢負明時迂儒不爲饑寒恤種粟還應問伯夷縉紳爭傳誦之玘令金華日過趙清獻祠輒下車瞻戀不忍去邑人立祠祀玘遂與清獻祠並峙嘉靖丁酉祀鄉賢

前府志

董良佐字茂衡私淑陽明之門由鄉舉知甯陽縣事甯陽故漳平陽巖地爲流賊蟠據當道奏立縣時方草創良佐至首立鄉約擇耆德爲長躬至會所教以禮讓築城池建學宮定里甲均徭役清積逋勸耕種招流移諸務畢舉邑舊有鐵冶例金悉却

玉山縣志

卷八上 人物

十六 善士

之民風丕變部院使交薦其賢陞鬱林守致仕

前府志

鄭宗堯字允中由歲貢知長陽縣時張江陵嫺有王侍郎者來謁曰吾荆屬俱有庄惟長陽無今以此累先生宗堯笑曰大人天下爲家其何有於一邑也居官廉潔自盟三年謳歌載道撫按考最江陵相府在荆凡過門率下車公曰此君門禮也難乎爲上矣吾不能爲此遂解綬去士民追立去思碑亭居家優游泉石不一濡足公門年八十猶能作蠅頭細字日輯百家名言訓式子姪郡邑鄉飲率推舉大賓所著有青癯集

前府志

董繼周字茂文號八礫萬厯進士少貧力學博洽經史秦漢旁

及形家言俱極精透初授海豐令豐文風久頡賴政餘磨切所
拔葉高標姚恭等先後雋南宮尋擢刑部郎會邊警慷慨請纓
抗疏三上不報居南部十載遷鄖陽守秩滿解綬還家杜門以
著述山水自娛有八礫山房詩文集金魚社稿行世粵東政績
載崇祀錄中 全上

國朝

姜天正字敬修號璞齋志學子丙午舉人隨父好讀有用書癸
酉旱饑率先賑濟粟盡繼以豆麥更戒家人啜粥以日減餘粟
接濟族鄰後知武鄉縣却鹽規革官價清訟牘未幾卒於官邑

玉山縣志

卷八上 人物

十七 宦業

人士重爲於邑

節前志

李仲良字漢侯號淡齋乾隆丁巳進士知廣西平南縣平邑向
有田轉鬻而糧存者富據實產貧輸空稅仲良廉得其實卽布
令許以自陳設法更正計均攤荒糧百餘石至里泠總催兩稅
是責民舍本業疲於奔命破家墊賠悉除之聽民自輸亦無逋
賦古雍灘兩岸迫束復有盤渦水沸如湯舟多覆溺乃傍灘更
鑿水道期年功成榜人平安以過往來爭頌之邑文風敝陋爲
建武城書院延名師勤訓課士興於學纂輯平南縣志十年俸
滿調任天保又二年以疾告歸 採平南志



邱宏謀字穀貽歲貢任南豐訓導雅懷高致邈然絕俗諸生謝鳴謙工古文辭每見輒進辭說宏謀改容禮之會同官某糾禍於先賢程山搆僉壬私毀其祠宏謀曰嗚呼程山之學聞於天下祀鄉賢七十有五年此而可忍孰不可忍力爲辯雪同官者適以他故罷去宏謀年近大耋告歸諸生爲立教思碑

採南豐謝鳴謙

墓誌

印日榮字向宸號木亭五歲能屬對從祖宏謀學寓目成誦補邑庠隨任南豐益肆志經史究心經濟已卯中式第二名闈中擬元數日矣辛巳春闈後遄歸抵家始聞捷音時宏謀病篤越

玉山縣志

卷八上 人物

十八 宦業

五日卽世癸未入庶常館分習

國書改戶部主事授刑部山西司主事浙江司員外郎以御史記名授奉天司郎中凡在刑部五年所讞獄悉歸持平辛卯授福建道監察御史轉掌道署工科給事中巡視天津漕務奏對有遺被議先是日榮奏請京員京察必在本衙門歷俸三年方准一等及各省等員揀發凡應投供者須供限滿方准揀選經部議駁至是蒙

上垂詢復下部詳悉酌定分別議行抵津糾查積弊復巡視濟甯漕務其裨益漕政如在津時復

命詢東省年歲及地方情形奏對稱

旨審大興宛平文童音署刑科給事稽查祿米倉事務京察一等卒於官日榮幼時以母疾不應縣府試及疾革號捨泣血不進湯粥累日既大祥猶有餘哀

節翁方綱撰行畧

尹文炳字繡虎號孚軒父經綸繼娶徐生文炳兄弟四人文炳以進士除知山東武城未抵任丁內外艱却海觀察聘不赴服闋起攝商河篆有盜金保者高閔崇垣役捕爲其耳目且趨捷能日行二百里邑令偶舉動輒遠颺坐不獲免者二人文炳集健捕營卒給之曰牒送汝曹聽府差遣匿不行者罪先授意弁

玉山縣志

卷八上

人物

十九

宦業

尉具兵械行數里按筭其後至者將抵盜所曰非赴府實擒盜也亟馳之弁尉率兵捕圍其垣爭功排闥入盜擁白刃箕踞上坐弁尉股栗欲遁而文炳至盜變色起問公何爲曰繫汝耳盜仰天嘆曰不意公來何速也乞宥妻子慷慨受械他郡縣積案一鞠盡發其覆先是邑多豪矜挾制官長有十虎二十豹之目文炳密請於大吏牒下致數人於庭訊不服示以牒鞠治其罪餘皆歛跡令博興時東省飛蝗遍野成災者四十州縣文炳躬歷原野督捕凡旬有八日盡殲旃比秋博興賦獨登調任泰安大旱徒步行烈日中上泰山禱雨甫入城雨注歡徹街衢再調

冠縣密邇元城巨盜江三與其黨往來竄匿文炳偵知夜率捕立擒之事

聞晉知州旋授濟南同知庚子

高宗皇帝自江南迴

鑾山左特擢沂州知府甲辰復南

巡連日

召見

行在將大用以奏對不實致仕

前志

尹名選字衡齋號丹崖優貢充正白旗教習分發直隸知香河

玉山縣志

卷八上 人物

二十 宦業

縣雪冤婦獄調吳橋起補涑水縣恭辨

陵差三次不浮派而供頓立辦攝易州篆改知河間縣忤郡守乞假解任明年知蠡縣蠡西南蕭家灣小陳河所經地高水陡城當其衝不沒者三版名選思所以悍民患者非分疏以殺其勢不可條其議於當事報可卽請帑疏鑿四里有奇護以堅堤四閱月渠成而瀦龍河決瀦龍河出中山唐水至祁州會沙滋經蠡東北入高陽南北兩岸逶迤七十餘里每歲修隄費出於民吏胥包辦爲奸以故卑薄善潰名選更定爲法歲斂錢使各鄉之殷實者司其會屆期躬赴隄所戶置夫圩置長視勤惰而

酬以直費減於前隄固於舊當事善之著爲令方河決時適名
選巡河防秋取渡舟幾覆旣抵北岸雨傾盆注衣履盡濕猶立
隄上督民夫百計捍禦蝗起制府立捕蝗法名選曰官捕不若
民自爲捕納蝗一石給百錢費私錢不及百緡而蝗盡瘞矣某
邸司收者侵佔民地訟於官不直之卽聽請當事名選持之益
力蠹訟牘月以千計計日定程繼之以燭漏盡猶對狀剖決無
倦容丁外艱歸卒先是蠹不登甲科五十餘年名選於治東建
文昌閣戊辰捷南宮者二人蠹人爲立生祠紀德政有云心勞
繼以力勞民事治如家事名選改爲龍神廟

前志

玉山縣志

卷八上 人物

二十一

宦業

王樹荀字守卿一字醅齋爲諸生試輒冠軍偕族弟樹芸肄業
豫章一時名噪舉於鄉屢薦春闈旋以大挑分發湖南署桃源
縣事時苗匪滋事軍需旁午桃源當孔道差繹不絕先是縣中
夫役照糧科派不勝困憊樹荀廉得其情革去糧差一切夫役
胥出官雇民困以蘇凡爲治因民之敝撫以慈柔不務苛切解
任之日遮道攀轅者四十里及署湘鄉則易慈柔爲剛斷不屑
屑以煦嫗爲德湘俗狡而健訟且多水賊王文表者性黠暴爲
湘匪渠魁哨聚逾千人藏匿水次商民皆爲所苦樹荀偵知踪
跡遣捕快往緝皆舌吐不能收樹荀誓除民害不盡不止因設

法懸賞且密令其族首獲免罪未幾就擒解送正法賊黨潛踪
訟獄寢息民重樹荀之去亦如去桃源時也改任永順以疾卒
樹荀機警善謀在京時囊空無有能爲同郡購置會館於宣武
門外之鐵門諸凡擘畫俱非儕輩所能測咸期之曰他日謀民
事當如是會館矣其契券猶藏樹荀家 全上

王樹芾字拜襄一字召亭由選拔試用直隸州州判分發湖南
時苗匪滋事姜中丞一見心契招作行軍記室未數月假署湘
潭朱亭丞事朱亭距縣治百里積賊譚姓尤爲民害樹芾莅任
卽領弓兵往捕賊首就擒餘黨散逸上官聞而賢之曰是真能

玉山縣志

卷八上 人物

二十三

宦業

急所當務者署武岡州州同樹芾導以請水龍湫故法甫至山
麓甘霖輒沛及卸篆留別詩有云山村犬吠慚驅暴川澤龍呼
快作霖蒼實滿田霜信晚機聲比戶月痕沉宦楚廿載餘清釐
各州縣積案不下百數暇則以善畫詩文自娛 全上

楊雲開字超羣號霽菴嘉慶辛酉進士初任浙江天台縣天台
多逋賦雲開自勵廉潔諭民以義催科不擾賦倍登聽訟尤勤
慎有姦婦毒殺其夫事覺堅匿其所姦不承雲開恐刑濫則齋
宿而禱於城隍之神以夢索解得之民謂官以誠求神以誠應
也調署鄞縣充丙子鄉試同考官得人稱最再調餘姚以廉幹

陞處州同知仍授平陽縣平陽瀕海海盜有十八羅漢之目爲商民害胥役交通號難治雲開偵知踪跡聲色不露措置機密一夕請兵率以往俘其渠十人以歸置諸法餘黨逃散邑自是肅然任事不辭勞瘁案無留牘會病癱告致民爭請留上官委員代理縣事令留任養疴卒弗瘳解組以歸行李蕭然祖道及道旁觀者皆感泣先是任天台時大吏贈聯云爲悉民艱甘菜味欲知官貺問梅花士民傳誦新增

蔡世鉞字邵源號石坪前志所屬藁也幼貧嗜學弱冠領鄉薦後益沉酣經史究心經濟尋失怙依母以居顏其讀書樓曰愛

玉山縣志

卷八上 人物

二十三

宦業

日爲文力追先正以截選任福建平和縣平和素稱難治世鉞一以培養元氣爲主與民開示誠信榜聯曰視苦猶甘立脚處無如潔已知難莫避到頭時不過休官時有張吳何三姓世械鬪命案迭出世鉞信宿其地爲講成已成物之理卒釋其衅各泣下誓敦嫺睦調漳平繕城修志葺書院延課朔望講學士風蔚然任三年卒囊如洗民感慟爲醵賻治喪歸其櫬至有哭奠於路者生平著作甚富惟禹貢讀讀舊唐書都門閩南文鈔試帖梓行其四書五經困學錄鄉黨考愛日樓古文時藝雜體詩鈔俱燬於寇採上饒辜滢撰墓誌

吳覃原名潭字延甫號月千嘉慶丁卯舉人丁丑大挑二等攝
新昌教諭補授袁州府訓導推陞吉安府教授卒於任所覃少
有異稟能強記爲文本先進範圍合有司繩尺講學尤以躬行
爲務邑中名宿多出其門司鐸袁郡課士兼文行下及愚民無
不諳諳化導申之以孝弟之義在郡十年風俗以厚士民德之
道光丙辰袁大水諸生或災不能自存卽慷慨資助雖囊傾不
惜曰猶記吾作秀才時也覃家素貧藉館穀供甘旨歡兄弟析
饗喪葬躬任之先是伯兄未娶早卒覃貴後迎仲兄至署寢食
與共終其身至今鄉人士稱碩德耆儒必曰配高先生配高覃

玉山縣志

卷八上 人物

二十四

宦業

小字也 新增

陳正頤改名壽頤字粹涵號藕橋嘉慶甲戌進士官山西靜樂
知縣調靈石縣靈石當孔道戍卒往來騷擾頤指揮帖然回回
來朝其從使驕甚逼勒州縣不勝累獨過靈石無絲毫留難後
改官嶺南時潮陽民殺其令洶洶思亂大府檄頤隨轅審訊定
擬四十九人省釋無辜百餘人民帖然服尋擢儋州牧州民贈
以鏡一臺水一盂謂如鏡之明水之清也後卒於官 全上

吳祁字小宋道光乙酉浙江錢唐籍舉人初任四川富順縣知
縣補授蓬溪縣視民事如家事尤以振文風端士習爲先務嘗

曰邑宰於民最親於士爲尤近接以禮聯以情等以推誠相與之心動以束脩自愛之念未有不樂於爲善者不此之務而徒咎士風之不古可乎以故終其任士無干文網者在官三年以勞瘁卒邑人感其惠建祠祀之紀以聯曰脩其孝弟忠信可使制挺故曰仁者無敵保我子孫黎民尙亦有利此以沒世不忘

採陸以恬
冷廬雜識

蕭炳椿原名秉瑩字素村號南垣弱冠領鄉薦援例以郎中隸秋官派福建司主稿學習期滿

奏留補用循選拔京官例得與會試捷南宮列二甲蒙

玉山縣志

卷八上 人物

二十五 宦業

特旨卽用除司封兼選司歷掌勳封二司印秩滿保繁擢守滇南之羅伽訓士恤民覆盆賴白期年權特磨地隣交趾號難治炳椿平鹽筴寬榷貨整飭義學捐建石梁贈士子鄉會之資裁土目科派之擾審結詞訟誣緝匪徒瓜期廿閱月民歌頌之總理省志局門類條分多所釐訂護理糧儲道查勘金汁銀汁二河多開涵洞以時宣洩無衝決患庖代八閱月留省監試辛卯科文武鄉闈調署曲陽統轄八州縣入滇首站稽查奸宄權關并銅廠處之裕如值俸滿調取以內諱歸服闋補授山東萊州府修舉廢墜倡建關西夫子祠昌邑戕夫疑獄研鞫得情他多

平反適海疆夷匪戒嚴督防各隘口絕無張皇以忤署廉訪某
解組歸優游林下十餘年登大耋以無疾終

新增

按炳椿精鑒別古今書畫石刻源流津逮歷歷能數有六一居士金石遺文一千卷之風京居傾倒公卿朱繼堂先生以爲具有夙慧良然

陳億字景揚號寶齡嘉慶甲子優貢丁卯舉人大挑一等分發
直隸試用知縣在讞局以明敏見重於上官歷任安肅東光行
唐蠡縣所到有政聲補授玉田值歲歉億先事豫備向豐稔處
採辦米石減價平糶無饑民調滿城脩葺城隍廟後陞永定河
北岸同知加知府銜引疾歸親睦宗黨周卹嫻戚修葺懷玉書

玉山縣志

卷八上 人物

二十六

宦業

院費千金整飭院規井井有條砌懷玉山嶺路行者便之年七
十九卒

全上

王黻字贊元號淡春道光癸巳進士以卽用知縣分發山西授
夏縣邑民有李某者向賈於平陽歲一二歸路出村頭里與鐵
匠某交好一日李歸懷金十餘兩將至家遇妻弟某投焉而已
就匠匠留飲出沽酒還則見李裸體倚大甕手白刃自洞其胸
匠噪集隣里至則李又自抹其項元未殊者寸許眾縛匠鳴官
黻馳驗男婦觀者如堵無何李蠕蠕動起坐地以兩手徐整其
元既先屈右膝次左膝若將叩白者黻念我至而死者復甦殆

以自明不累及無辜也盍取生供因諭李人命至重果匠殺汝
乎抑被崇自殺乎萬勿含糊問匠殺李手搖者再問被崇則以
手指心者再問畢僵元晝然矣匠得白眾驚嘆悅服黻任夏凡
九年七典縣試所拔取多寒素距城數十武爲關聖故里後裔
式微黻召諸子弟擇其聰穎者送入書院肄業不數年應試遂
多關姓者年四十一以疾告歸逾年卒

新增

理學

宋

喻樛字子才由南昌徙嚴州十六世祖喻藥仕梁至安州刺史

玉山縣志

卷八上 人物

二十七

理學

武帝賜姓爲喻樛性質直好議論少慕伊洛之學登進士往謁
趙鼎鼎時罷樞筦居常山因諷之曰公之事上當使啟沃多而
施行少啟沃之際當使誠意多而語言少鼎竒之引爲上客紹
興初鼎都督川陝辟爲屬高宗親征樛見鼎賀曰六龍臨江兵
氣百倍然公自度此舉果出萬全乎或姑試一擲也鼎曰中國
累年退避不振敵情益驕義不可更屈故贊上行耳若事之濟
否則非鼎所知也樛曰然則當思歸路毋以賊遺君父憂鼎問
策將安出樛曰張德遠有重望方今居閩不可終棄若使爲江
淮荆浙福建等路宣撫俾以諸道兵赴闕府庫軍旅錢糧皆得

專之其來路卽朝廷歸路也鼎善之入奏今沿江經畫大計畧定非得大臣相應援不可帝曰然遂起浚知樞密院事浚至執鼎手曰此行軍措皆合人心鼎笑曰子才之功也樗自是往來鼎浚間多所裨益頃之薦授秘書正字兼史館校勘金旣退師鼎浚相得懽甚人以爲必並相樗獨言二人立事任人未甚相遠若同處相位萬有一不合則是賢者自相背戾矣又嘗譬推車者遇艱險則相詬病及車之止復欣然如初士大夫於國家亦若是而已後皆如其言久之檜怒樗先言和議非便言者希旨劾爲訕謗出知懷甯轉通判衡州檜死起爲大宗正丞轉工

玉山縣志

卷八上 人物

二十八

理學

部員外郎知蘄州孝宗卽位遷提舉浙東常平以治績聞淳熙七年卒平生善識鑒宣和間許其友沈晦當魁多士建炎初又謂張九成當第一凌景夏次之會風折大槐作二簡以遺後果然鼎嘗以樊光遠免舉事訪樗言今年省試不可無此人未幾光遠亦第一其二女方擇配不與富人後適汪洋張孝祥咸及

第 宏簡錄道學列傳 祀名宦

前志按樗受業龜山楊氏所著有大學中庸論語解玉泉語錄後家於玉卒葬北鄉喻村蓋初尉玉山在成進士之明年己酉而隆興改元提舉浙東後乃家玉山其道學實開文定父子之先雖祀名宦而實鄉賢也通志選舉喻樗注南昌人建德籍均就其始居地言

汪達字季路應辰子乾道進士官國子司業韓侂胄用事斥偽學善類皆不自安劉德秀因乞考核邪正真偽所逐多名士達入劄子辯之德秀以達爲妄言并斥之間居七年參政李璧力言於朝嘉定初召爲太常卿累遷至吏部尙書

通志
祀鄉賢

前志按樵川慶元黨禁始末云偽黨共五十九人宰執趙忠定公爲首待制以下朱文公爲首餘官劉光祖爲首國子司業汪達居第十六侂胄伏誅黨錮諸臣以次召用矣

儒林

宋

葉虞仲字聖參皇祐進士通判江州持身廉謹貧甚至不給饘

玉山縣志

卷八上 人物

二十九 儒林

粥有邦人解官歸者遽置田數十頃以誇虞仲虞仲笑曰吾貧不能辦此請以二十櫃書當之

明一統志
祀鄉賢

前志按聖參判睦州時爲福勝院記元豐八年乙丑也建炎三年玉泉尉玉山聖參下世已久又二年辛亥書碑陰宜傷不得見矣二十櫃書卽碑陰語然則玉泉謂其好面折人其卽所由出判江州也歟

李封字元伯少有俊聲累舉不第奮然自陳奉旨兩制覆試熙甯中以推恩授官晚年學益進稱鄉先生者必歸之

通志

俞畢字克成紹興五年釋褐嘗知和永二州湍石喻提舉樗誌其墓謂其在太學四方之人稱爲善類所厚善皆一時聞人所居學者漸漬薰蒸展轉成就爲不少其爲政簡而豫不表暴不

詭隨雖自信而務盡人言故卒行其所無事

唐志

汪涓字養源應辰之兄也踐履篤實有古君子風登進士第爲中書舍人與應辰同處禁塗人稱二汪

通志

詹叔善字繼道紹興進士拜奉議郎諸王宮大小學教授滿歲卽求致仕壽皇嘉之特官其子復賜誥有知止足勵士風之語先時叔善築書屋榜曰知止與詔語合秘書省校書郎吳興莫濟爲記其事中書舍人姑蘇范成大爲之銘人多題咏之其昆弟叔窳叔迴叔沅叔羲俱第進士而叔羲尤以文學著名於時

明一統志
祀鄉賢

玉山縣志

卷八上 人物

三十 儒林

程千里字偉明登進士第有經學嘗與范陽張侍郎講論後爲秘書省正字有書傳及雜著百篇

前府志

韓大甯字孝先紹興進士通洽經史有經世志嘗著續百將傳周易集註乾道間天子垂意治平因爲書正論十五以獻皆剴切精到天子覽而異之知饒州德興縣有惠政敦孝崇禮用成美俗後終於官袁正肅公題其墓曰純孝先生之墓

明一統志

趙蕃字昌父其先鄭州人大父暘建炎初爲秘書少監提點坑冶寓信之玉山蕃以暘致仕恩補州文學爲泰和主簿受知楊萬里調司理參軍與郡守爭獄罷時稱其直其始受學劉清之

因清之守衡求監安仁贍軍酒庫思以卒業既至適清之罷卽
丐祠從以歸真德秀稱之曰昌父於師友之際如此肯負國乎
家居書祠官考者三十有一理宗立以大社令與劉宰同召不
拜特改奉議郎直秘閣致仕卒年八十七蕃賦性寬平與人樂
易而剛介亦不可奪年五十猶問學於朱熹旣耄猶患末路之
艱命所居曰難齋周必大與之契屢加引薦不受劉宰亦稱蕃
曰文獻之家典型之彥巍然獨存有以繫學者之望一人而已
信州守吳旂乞錄其後詔補其子遂按遂字景初上州文學亦辭以
承務郎致仕與一子恩澤景定三年修撰鄭協請諡乃諡文節

玉山縣志

卷八上 人物

三十一 儒林

宋史

前志按四庫全書簡明日錄載蕃著有乾道稿一卷淳熙稿二十卷章泉稿五卷蕃本詞人晚乃從朱子講學然無所成就據此故史附文苑宏簡錄列道學今移入儒林

元

鄭元善字復初性穎悟不羣弱冠慕伊洛之學慨然以古人自
期待一時學者多宗師之登延祐戊午進士授德興縣丞爲政
強直自遂不苟詭隨郡守嘆曰儒教之見於此如是夫

前府志

明

夏浚字惟明號月川嘉靖進士授海鹽令鹽濱海浚甫至曰此

浙西要地也城築宜亟後倭寇變闔邑晏然人服其遠見遷祠部郎一時奏議出其手考入宗廟儀禮尤稱旨肅皇賜金帛縉紳榮之陞福建提學副使造士有聲尋轉溫處兵備時浙東海寇猖獗浚授方畧鶚渚平陽慶元金盤相繼奏捷廣右狼兵驕悍浚殲其渠魁軍中肅然擢廣西參政致仕居家著有月川類草懷玉書院志博取昭代典章倣朱子綱目勒成野史三十六

卷題曰皇明大紀

前府志
祀鄉賢

吳學字原思性穎悟日記數千言涉獵經史有志濂洛關閩之學謂聖人可學而至不慕進取鄉先生謂之曰居今非科目無

玉山縣志

卷八上 人物

三十二 儒林

以自表見將汨沒林莽已乎勉就試補邑庠受知於學使李崕峒曰吳生程朱之流不可量也不幸而卒所著有正議解井田圖擬古樂府諸稿卒之日自銘其墓曰無德可書有天不愧質之山靈山靈曰是

前府志

文苑

宋

詹叔義字仲和叔善之弟紹興進士又中博學宏詞科建炎後魁是選者例當教授外州然後用叔義以親老不能需次丐監嶽廟後復教授荆南府所著有拙齋文集二十卷詩集五卷狂

夫論六卷 人物志

汪喬年字房儒紹興五年以特奏名進士對策為第一人宗弟端明公稱其豈弟樂易不以世俗細故芥蒂其中於人無怨尤雖有惡聲至不較也臨事接物一以誠信未嘗逆設機械喜賓客每斥服為飲食費聞人之過如不聞得人一善則稱道不容口少以文學顯晚以年德尊而未嘗自居退然如不足者前府志姜凱字德安登進士第苦學強記所試宏詞汪端明每稱之後與里人鄭建德俱召試制舉前府志

徐文卿字斯遠抱道自守不求聞達葉水心序其文集云鋪寫

玉山縣志

卷八上 人物

三十三

文苑

縱送體勢各成詩險而肆對面崖壑咫尺千里初渡江時上饒號稱賢俊所聚如漢許下晉會稽焉風流幾泯議論將絕斯遠與趙昌父韓仲止扶植遺緒以文達志為後生法序載文獻通

考

前志按瀛奎律髓梓邱徐文卿字斯遠玉山人嘉定四年進士又見宋詩紀事通志選舉失載舊傳以字為名誤也仲止韓流字自玉山徙居上饒南澗號澗泉斯遠與昌父每從之遊當日遂并目徐趙為上饒人故於斯遠則日上饒稱賢俊於昌父則日上饒有二泉其實徐趙未嘗家上饒也直齋書錄解題云蕭秋詩一卷玉山徐斯遠作趙昌父而下和者十三人紹熙辛亥也通志謂斯遠晚第進士蓋在賦蕭秋後二十一年

元

楊仲宏世居玉山億族孫也第進士任翰林編修能詩文號百

戰健兒

通志

前志按百戰健兒虞道園稱楊載語載浦城人延祐進士詩與虞揭齊名非玉山楊仲宏也載字仲宏諸志遂訛莫辯元詩綜無兩仲宏

徐觀至正進士將仕郎紹興錄事陞浦城丞有惠政喜讀書手不釋卷所作文詞議論高古一時學者多宗師焉

前府志

國朝

陳纁字絲言順治甲午拔貢廷試第一會朝議停選南還甲辰就太學三課皆第六大司成陳鼓永學正范研經與給諫朱斐

玉山縣志

卷八上 人物

三十四

文苑

同鄉鄭日奎馮鏞皆調纁有良史才交章論宜留修明史會染痘卒於京一時投文奠祭者多名下士

唐志

吳浩字孟深號集亭性聰穎學書於梁山舟學詩於袁隨園尤喜作畫舉於鄉十上春官不第畢秋帆引爲軍前記室與子植偕授龍泉教諭葺翼宮恤貧士倣蘇湖制立學規丁內艱家居讀禮當事以品學足式固請立講端明授豐城教諭未赴任以截取知縣赴部銓卒於樞靈壽典史署著紅於軒詩文集

前志

吳文健字壽彭錢唐籍進士有異稟九歲作夷齊論研究經義多出心得聞蘇州段玉裁經本戴東原往請所著以參驗已學

起難辯論玉裁奇之謂不當在弟子列阮芸臺宮保撫浙時開
詁經精舍召文健校勘采其詩文入集嘗稱其明於小學爲一
時能事語載鐘鼎欵識序任武強縣未三月卒以廉能著著有
五經解義毋不敬齋文集 新增

鄭大邦字水仙邑諸生家貧刻意窮經時邑人士文趨綺麗邦
獨倡根柢之學與蔡孝廉世鋈交相推重著作亦相埒今俱佚
惟禹貢易讀猶有存者 子緇衣字子才幼穎悟博聞強記時
有小隨園之目以王文成公紀功碑百韻詩見賞於學使許滇
生先生尤長於倚聲邑王氏重鐫鄉先賢王斗山集衣爲較正

玉山縣志

卷八上 人物

三十五 文苑

樂府一卷頗精核晚登賢書卒 新增

巴廷梅字作羹歲貢生潛心經學以經解見賞於學使程松亭
先生拔冠七屬延至省署主教讀所輯經解盈尺以未梓行燬
於寇 全上

鄭之瀚字鯤池歲貢生勤學好問至老不倦邑科第多出其門
年逾九十猶能作蠅頭細書三舉鄉飲賓邑尊汪春生先生嘗
稱之曰伏生再見所著左繡類典燬於兵 全上

陳樹森號蕉雪歲貢生幼失怙家貧苦讀年十六輒訓蒙以贍
其母會江南名士石蘭臺主講端明一見器之攜院肄業得其

指授益肆力於詩古文辭兼精書法真草隸篆各擅其妙學使
潘芝軒先生見所書鍾靈橋碑稱其筆力遒勁翁二銘先生見
其詩以名士目之著有不自是齋詩文稿藏於家 全上

董和羹號梅嶺歲貢生博洽經史工詩文勤啟迪當事重其學
行三舉鄉飲賓再主端明講席著有一吹齋詩文稿未梓半燬
於寇 全上

吳樹芳字藹亭歲貢生授廣昌訓導嘗學詩於吳穀人得其指
授著有雪鴻小草燬於兵 全上

林毓賢字遠侯歲貢生家居教授垂四十年著有周易增參六

玉山縣志

卷八上 人物

三十六 文苑

卷藏於家 全上

玉山縣志卷八之中

忠義

宋

葉大用紹聖間任武職金人侵汴大用酣戰陷陣全軀以歸高宗親書拔身歸國節義可尙八字賜之隆興初授西京路兵馬

副都監

明一統志
祀忠義

明

詹軾字敬之由進士授行人正德己卯上將南巡軾伏闕抗疏尼大駕行因下獄撻諸朝而死世廟嗣位遣官諭祭贈及其父

玉山縣志

卷八中 人物

一 忠義

御史廕其子入監

探明一統志
祀鄉賢忠義二祠

汪蘭字子芳宋汪應辰後由歲貢授開化訓導致仕家居以節義自勵嘉靖辛酉廣兵袁三從浙駐玉蘭窺其將作亂往諭之曰若等爲此意豈不有所欲乎顧旦暮且擒及茲遂戢可轉禍爲福也賊已嘯聚勢不可已迫之行蘭正色曰死卽死耳吾豈從反乎罵不絕口被殺郡理姚公上其事於都憲胡公署其門

曰侃侃正氣

合府縣志
祀鄉賢忠義二祠

舒萬化字廷風由歲貢任彬州訓導奉檄撫永興桂陽桂東民變再監援兵往治臨藍二邑俱有功例遷龍泉教諭會直指邢

廉知萬化才以萬安七生大辟付訊平反之旨指閱讞辭曰異才也忍以廣文屈耶卽會撫軍交章薦擢青州博興令出難生王掄於獄豁一孝子寃壬午夏武定亂民萬餘逼城下嚴守得全其冬卒遇變不屈死妻程氏幼子懋友媳毛氏同日死

前府志祀

忠義

舒懷字克寬號仰泉長史彥章之曾孫貢士幼穎敏以奇童稱正德壬申姚源寇起猖獗莫制兵備胡世守奉命討賊旁求參輔邑令以懷應德興令以邑諸生程杞應時懷廬墓堅不肯出胡諭曰移孝於忠夫孰非孝與語連晝夜大悅遂令督諸路兵

玉山縣志

卷八中 人物

二

忠義

而以杞貳之設奇畫策絕嚴村之糧拔武山之壘寇平邑賴以安總制俞諫嘉其忠勤咨送成均肄業杞從請懷辭不就於是上官遣郡訓陳君謨獎之有才堪充拓策可濟時仗義督兵雖死不惜之語無何疾篤竟卒而杞官廣南府經歷嘉靖中撫按學使檄藩臬修墓建坊曰褒揚忠義家藏有忠義集

全上祀忠義

國朝

顏天相字子品一字燮亭由選貢充四庫館謄錄議叙直隸州州判分發黔省黔故邊地州判缺頗少嘉慶己未假署安南典史時值苗匪滋事羽檄交馳辦理軍需無暇晷積勞成病猶力

疾辦事遇瘴發死事聞

贈按察司經歷給銀葬祭廕其子祿卿主簿

前志

吳金鰲號海樓道光甲辰武進士先是庚子會試金鰲赴兵部
揀選二等授千總職就撫標分營効力至是以營守備用仍効
力於營需次咸豐三年補福建漳州營守備是時粵逆屢擾江
境撫軍審金鰲勇敢留江堵禦以故未之官既而寇退南楚頻
來告急撫軍命從南昌協羅某往援金鰲領兵先至楚之南樓
嶺遇賊卽戰戰卽勝追至桃樹港賊偵金鰲無後繼則大至金
鰲力戰死之時咸豐四年四月八日也事聞

玉山縣志

卷八中 人物

三

忠義

欽加都司銜追贈昭武都尉給銀葬祭並給予雲騎尉世職襲

次完時給予恩騎尉世襲罔替

節吳氏家傳

吳夢蘭改名兆蘭字紉秋道光甲辰舉人咸豐己未報捐知縣
分發浙江候補奉委紹興府籌餉局當差辛酉九月念九日紹
城失守兆蘭在城殉難事聞

贈知府銜廕一子入監讀書滿期以州判銓用

新增

從九品銜鄭獻珍詹世厚陳立信議叙八品童文燦均於咸豐
戊午庚申間粵匪竄擾先後禦賊陣亡同治八年三月初十日
奉護撫部院文彙咨奉部議照四品官以下陣亡例給予雲騎

尉世職襲次完時給予恩騎尉世襲罔替四月二十日具奏奉
旨依議欽此 全上

生員詹問渠陳瀾邱澍楊瑞田董又三增生王養源均於咸豐
戊午庚申間粵匪竄擾遇賊不屈死同治八年三月初十日奉
護撫部院文彙咨奉部議照舉貢生員新章傷亡例給予雲騎
尉世職襲次完時毋庸給予恩騎尉世襲罔替四月二十日具
奏奉

旨依議欽此 全上

孝友

玉山縣志

卷八中 人物

四 孝友

宋

徐軻字子車與兄輔同登進士第兄弟孝友鄉人推敬東坡在

黃嘗有帖與質夫提刑稱其爲佳士詳見雜志 前府志
祀孝弟

明

李亮字公信性至孝由鄉薦授懷安令考最陞廣州府判以親
老懇疏致仕惠政翔洽兩地尸祝之歸養時年已及艾而承歡
膝下輒嘻嘻有孺稚之態里中相謂曰不圖今日復見老萊衣
也居喪毀瘠骨立先是亮父尹初樂施邑南有溪水人方病涉
尹初募築玉虹橋橋成而亮生子玘登進士爲清白吏 節唐志
祀鄉賢

孝弟
二祠

葉忠字廷直由鄉薦授山東樂安教諭造士多方一時稱盛詳載樂安縣志陞太平府教授致政家居篤於孝友歷官俸資俱與弟信均之所著有靜軒集

節前府志
祀鄉賢孝弟二祠

詹泮字文化由進士改翰林庶吉士授禮科給事中甫六日訛傳母李病篤遂懇疏終養會大父卒哀毀廬墓產五色芝咸以謂孝思所感語在芝亭集中家居菽水承歡二十餘年交薦不起迨母李病篤昕夕憂皇形神俱瘁遂先母卒有少華遺稿

祀鄉賢孝弟二祠

玉山縣志

卷八中 人物

五 孝友

舒哲字天貽家貧事母至孝鄉先生為作怡萱集母病不解衣者三月由歲貢授會稽訓導躬行率士品藻尤精歿於官諸士咸痛悼之櫬歸多造廬而哭緒山錢公謂其生則盡人之倫死則致人之哀可謂無忝所生矣嘉靖中督學蔡公檄祀鄉賢子璘事哲亦孝縣令扁其門曰世孝之家

全上
祀鄉賢孝弟二祠

劉永孫母病篤家貧無醫藥割肉以活母者數而秘不令母知有人視其刀瘢斑斑然為之泣下萬曆三十八年邑令婁申兩院會旌之

全上
祀孝弟

周鳳翔貧甚竭力晨昏盡養無缺父母病劇叩頭流血祈天請

代屢荷奇應天啟三年事聞兩院給匾旌獎全上
祀孝弟

鄭一性母病家貧延醫久不愈顛以身代一夕焚香祝天割股和羹以進一啜而瘥天啟六年事也至崇禎五年邑令王之楨

旌獎其孝全上
祀孝弟

國朝

詹翊謀字次羽選貢生耿逆之變父廩生冠已故奉庶祖母偕母避亂山中崎嶇艱苦孝養備至獲選

廷試高等當肄業成均以母老告歸邑令沈聘主懷玉書院成就甚眾李志

玉山縣志

卷八中 人物

六 孝友

汪廣文定公後性至孝事母陳竭盡孝養事事得其歡心母沒廬墓三年藜羹芒履晨夕悲號聞者隕涕邑令甄表其廬曰純

孝性成前府志

尹宗芳字桂倫力田養親日食蔬飲水而父母有歡愉色兄與嫂早世姪未及週乳哺如己子尹氏故無公產芳首捐穀命子經綸經濟與族人同心經理其後得以建祠置田皆其力也祖山歲久遺契券盜砍墓木弗能禁芳出金勸止之無復再盜者經綸字求聖太學生祇聞庭訓醇厚謙和族黨敬愛一夕侍父側父忽掩袂而泣經綸惶恐請罪父曰爾無過吾向事爾祖似

能竭誠今爾事我乃過之吾自反多遺憾是以泣耳經濟庠生有幹才與兄協力拓祀產以成父志瀕卒呼諸子曰士君子當以利濟爲心也檢箚中數十券焚之

李志

潘梈字莊埜祖父俱有學術梈少籍諸生事母至孝母性嗜茶從友人所得佳茗必手烹以進又好音律梈從吳山人敬亭學琴母中夜不寐輒起焚香鼓琴一再行母年七十餘梈亦已六十矣啼笑如孺子容教讀必與家鄰近他方富室聞名爭延致之謝弗往

李志

王大受歲貢生以學行膺懷玉書院山長成就甚眾所得館穀

玉山縣志

卷八中 人物

七

孝友

分給諸弟家無餘蓄

全上

喻開一字時菴性肫摯年十齡失恃悲號哀慕水漿不人口二日事繼母同於所生疾病醫藥必先嘗侍養弗離鄉舉後詩書自娛足跡未嘗履城市以品行式鄉里

前志

李日曜字葆光一字佐巖幼失怙事叔父如父所得館穀必以佐甘旨待叔父之子甚厚出入與俱飢寒與共里中薄行兒爲之心動其爲文根本性情趙鹿泉主講懷玉一見卽期以遠大鄉舉後授萬年訓導率諸生以敦本行爲先年七十告歸讀書天馬山以文進謁者卒未嘗見其輕言笑子瞽女芝姑性貞孝

先日曜卒

王樹藩字屏宇一字介亭生而乳四髻齡應試舉業已爲鄉先輩所推年十五不一月而怙恃俱失哀毀過於成人繼祖母周性潔恒茹素菜羹必手進雖孤子當室無不稟命而行周旣沒乃與弟樹葵共肆力爲古文辭鄉薦北上歸閉戶授徒講治經義外舉古孝友爲子弟法傷劬勞之莫報偶有感觸未嘗不涕泣下也憂鬱成疾卒有北遊草

梁昇萬字兆龍其先南豐人生而質樸言訥然如不出口耕暇從村師問字輒通大義兄弟叔姪析爨後有急必與雖儉約有

玉山縣志

卷八中 人物

八

孝友

酒肉必奉親不問此日爲誰供膳也娶蕭氏生子三世恒世祿並服賈世德力田俱勤儉起家易簣時屬子孫曰梁氏族本寒微叔祖質人以布衣名動公卿著懷葛堂集傳世吾祖僑居玉山烏紗嶺吾父因之今欲歸省墳墓建家祠修宗譜置祀田非數千金不可而力有未逮生平所耿耿於中而不能釋然者爾小子敬識斯言時孫以勝在側年甫十三猶能切記之後三十年間家計日益饒凡邑義舉罔不樂輸襄事適南豐族人來商譜事以勝兄弟遂欣然往卒成昇萬志

李興賢父朝乾子六人興賢最幼早失怙母嘗攜之過株樹下

興賢拾其實啖之母曰汝知吾侍汝祖母時非此無以度日乎興賢泣及長承命貿易有所入必歸母不自私諸兄析爨後興賢家漸裕捐已分田六十畝爲祀產又置學田以勸族念前人艱苦起家乃援例以州同職得貤贈以云報也

吳文祥字明試附貢生有至性與弟文蔚同敦孝友父士登以蔚出嗣故置側室於杭又生子三祥在家事母楊氏孝歲必往杭省父杭故尙侈父性好結納費用無定數祥悉備以需未嘗有缺祥每省父必屬蔚兼視母祥歸則蔚必請代省兩人往返無間者三十年士登歿祥以哀毀成疾尋卒子俱幼蔚恐母憂

玉山縣志

卷八中 人物

九 孝友

祥念切爲祥經紀喪葬及家用務勗弟侄幼弟天慶姿敏蔚期之尤厚嘗於屋外池邊構一樓旁皆植竹命天慶與已子瑛教讀其間每風和日妍扶母憇竹林坐石欄上聽諸孫書聲琅琅以娛其志後瑛登賢書楊氏猶及見之天慶旋捷浙闈諸孫列膠庠者十餘人粵東徐延翰爲繪漁經樓課讀圖而繫以詩童大績字舜嘉郡庠生母早世父誓不再娶大績私竊金爲父娶繼母生弟四迄今子姓繁衍皆稱道大績弗衰

吳泮邑庠生父患足疾出則負以出入則負以入手浣溷溺器三十餘年不假人母病目眦以舌不效坐卧衣履皆泮扶持解

納終母之身忘其爲瞽也居喪盡禮三年不入內室年逾七十猶不忘哀慕

林仲舉字興周少讀書有兼人姿弱冠補弟子員旋因族與黃姓忿鬪致釀命案仲舉父爲家長被逮將下獄仲舉思脫父罪毅然以正犯自首縣主甄憐其父弱欲釋之多方詰諭仲舉供益堅乃定讞旣繫獄父念獄內囂隘構牢屋三間朝夕諷詠若忘其身爲纍囚者以獄尙有解免路得不死流陝西赦回父已歿展墓悲號欲絕

詹曰昌監生年十三與兄析爨兄遭洪水家產蕩盡二子飄零

玉山縣志

卷八中 人物

十 孝友

昌迎兄至家父事之兄歿喪葬盡禮戶部湯藩與昌厚於其卒也撰文表其墓

賴汝濱從九七歲失怙母患風癱暑則負就陰涼寒則負就暄曝至卒躡踊哀號絕而復蘇者再遇忌日必親拜墓依依不忍歸年七十卒勤儉成家推多潤寡族戚每賴以濟

吳士發字光超敦朝之子發居長次士登士仰士哲士勳士沛士昱生而敦朝歿發兄弟哀毀盡禮事祖母與母尤謹念治家非勤莫濟命登沛整理山田仰哲貿易姑蘇而已親課勳昱以學仰哲早世發撫嗣孤如己子時登沛手植成材發棄書偕

登售木武林居焉所得貲寄歸奉母屬勲昱攝其總有餘推恩族隣內外無私積有負發千金者度難償伺發歿謀捏非事誣抵登置不校其人卒感而化登年老委家事於勲昱食指踰千雍睦無間以居宅迫窄故異爨出入度支仍歸昱遇事子姪齊集昱室聽處分昱亦溫言相諭無厲色初發居杭與勞宗發吳鴻契好嘗得其講解錄歸以教子姪昱承其志日偕勲詣館督課雖姪輩登科第猶諳勗不倦家法讀書不干公事不聽招搖不趨游蕩凡聲色狗馬樗蒲之戲從不入其門

吳文炳字明丹天性純篤幼與弟文瑤同學俱聰敏比長遭兄

玉山縣志

卷八中 人物

十一

孝友

亡出理家政時父多居杭置側室馬氏又生三弟炳依隨母側備得歡心摒擋兩處家用雖劇煩百無一失父甚委任之父歿哀毀成禮服闋勸瑤應試入泮後以赴鄉試歿於省炳傷悼靡已念庶母暨兄嫂弟婦俱孀守以長子嗣兄後撫諸弟姪恩誼有加五弟文健爲錢唐名諸生炳渴望其成飲食衣服悉從豐不爲制及健登第炳已早卒教督炳子一如炳在日

吳文濂字明辨八歲失怙悲慟絕粒祖母陳諭以母方待養何自戕爲始勉進湯粥事孀母事無大小悉請以行出必按期返居常憶及父輒涔涔淚下及母至則神色爲之頓舒母嘗患心

疾思珍果百計購求獲然後已母歿哭無常聲哀慕如兒時遇祭日必指母素嗜某蔬某食命家人善治以進又以父在日屢念永春祖墳缺祀田適祖籍人來修譜卽捐金三百置產以贍其祀弟文儀亦善承兄意每食兄未至不先下箸雖白首相隨不離

蔡世鏌父士琳出靈湖姜氏世鏌自傷舉業未售見繼母生弟世鏌幼慧心獨熹晨夕督課偶扶弟母憐穉弱微不悅世鏌婉解色霽乃已攜弟應學使試榜發已落而弟雋急走報仆折其齒及歸妻以幼子殤告戒勿哭整衣冠爲父母賀曰姜氏當有

玉山縣志

卷八中 人物

十二 孝友

耀自他矣先弟登賢書一年卒以未及見爲恨

徐良玉字琢成性孝友躬耕養志父疾侍湯藥無間及篤顛天求代喪葬盡禮與妻吳事孀母尤謹兄產盡迎歸養葬弟瞽命子舐之得復明

姚國相字志綸一字拙菴隨兄館學童試屢冠軍兄歿父母多病竭力左右不假妻兒因母偶失足益不敢一日離也從弟幼失怙恃攜歸視若同胞訓習授室延師獨具膳邀戚友子弟與兒輩相切劘工書法所居室日繕格言盈案舒學博過之曰是亦爲政矣遂以榜其室嘗爲父塋兆數尺得古瓷函封之或曰

無主何害曰山歸我我卽其主耳自是醮祭無失平居製藥拯病施棺掩骼無德色知縣李大謨嘉其行書孝友乖聲以贈議舉孝廉方正科命二子玉輝殿輝固辭乃止

董時福字膺五一字景亭善體親心有必請所與之意事諸兄克盡弟道與人無粉飾戚族爭訟爲力解卽陰有所費不令知教子義方知縣黔阡張公稱其古處猶敦

王長發幼失怙赤貧弟先出繼獨養寡母苦澣澣不給勉服賈者數年旋念母老不復出朝夕視膳母子甚慰也母忽患疽視湯藥夜不安席亟起吮之經年以瘳弟後生計窘撫姪如己子

玉山縣志

卷八中 人物

十三 孝友

俾克成家

王嘉端性至孝年十九時母李氏病劇端齋沐三日後每夜人靜跪祝家堂媻黃氏審得其實乃以告其母後母病卒端哀毀骨立喪葬盡禮

姜天福父患牙疽毒氣壅潰穴眼眶而出醫藥不能收口福每夜攜香楮私禱於龍泉社父稍瘥然事秘不令人知其媻嫂猶能歷時竊爲人言之

江佑字天申幼失怙弟天錫六歲天授纔六月家貧藉營生以養母及兩弟比長家稍康曲體母意先爲兩弟娶兩弟娶而後及

錫病故妻李孀守慮外家之奪志也每私贍外家以完婦節天
申倡捐康衢會及文昌閣多義行

程希文幼失怙惟母氏是依抑搔扶持不離左右年六十猶孺
慕也嘗爲母請旌建坊與匠舁石躓石壓其身而獲全無恙人
謂其有神助以上皆前志

周學魁字廷拔性孝友嗣伯父榮賓後事所後與本生父母曲
盡孺慕所後母謝氏年廿五守節垂老家貧魁菽水承歡母或
哽必爲從容撫摩侍母病數年無一日懈居家有則口講躬行
一以朱栢廬治家格言爲訓課二子讀書俱成名餘子力田贍

玉山縣志

卷八中 人物

十四 孝友

養族黨無間言年六十五以積勞成疾病革時遺命繕句云我
生不信僧道事爾後毋忘聖賢書子雲章字倬軒漢章字壽
庵弱冠同榜補邑弟子員道光壬辰漢章以弟三人登鄉薦兄
弟自負笈從師及出與試皆同寢食均勞役漢章尤警敏以父
衰病治醫於靈素難經張劉李朱各家言靡不研究父病以意
調劑多奇效侍湯藥輒旬月不解衣帶如是者十餘年父歿兄
弟哭泣盡哀喪葬如禮遵遺命不延僧道母後父數年卒生事
葬祭一如其事父平居以完國課息爭訟爲鄉人約遇有鄰一
唯以孝弟至言委曲勸解不解必痛自刻責曰何遂不古若也

於是鄉人亦化之羣和睦咸豐間粵逆擾境奉當事諭辦團防時承平日久民不知兵多懼怯漢章奮然曰賊耳奚懼於是聯鄉里誓同憂患每軍事旁午當事輒委以郡北要隘漢章率眾堵守郡無後顧憂當事獎以保障珂鄉匾額辭不受曰分內事抑齊民嚮義耳無何以赴選入都至維揚道梗歸病噎自知不起囑兄以後事曰殺賊語不及妻孥漢章歿族黨咸哭之曰安得善言孝弟如我漢章者乎雲章後漢章八年每言及漢章未嘗不潸然出涕也雲章歿族黨哭之亦如哭漢章

新
增

張彥孚字信中邑庠張邦祿第三子性肫摯垂髫解溫清比長

玉山縣志

卷八中 人物

十五

孝友

視膳問安先意承志務悅親心咸豐間寇氛時警父兄奉諭赴團辦事孚子身負母遠避母夙患胃痛猝發迂道覓藥籲天求代母獲甦時甫成童羸弱弗勝連歲風聲鶴唳依依母膝遂以憂勞成疾卒年二十二娶未合昏以兄子嗣上饒副貢徐味道爲誌其墓

梁其俊字見山邑庠生援例充貢成均襁褓失恃比長父兄相繼歿篤志經書事繼母孝事寡嫂恭撫兄孤如弟繼母尹善病常屏傭媪躬親湯藥病或劇則終夜侍榻前呼湯水立至母駭曰汝又未眠耶則對曰適偶覺耳終母之身弗衰

顧文祿業農父葬處距家十里許每夜持械宿父塋云以衛父晨則歸治農事越三月不倦兄弟同爨適不戒於火徙建別業居其弟而自處焚餘

何起璠監生性友愛嘗遵父命析爨弟性豪每罄其貲璠輒仗助之旋復邀與同爨父亦欣然迄今五世猶遵守典型

董誠字一亭邑庠生性孝友工舉子業善楷法家貧佐父膳必豐僅餘祀產窺父愛弟遂以讓其弟女兄子邑諸生余英禰而孤誠任教養俾成立人以是重之

董冠明字亦照少失怙恃賴祖母撫養伯父教督成立年十九

玉山縣志

卷八中 人物

十六 孝友

兄嫂並逝兩姪未十齡教養備至事祖母尤謹晚乃究心歧黃求醫者踵至不受謝所居號中園人稱中園先生

葉振新邑廩生家貧藉舌耕佐膳爲文力追先正就塾必鄰近便問視持躬接物言動不苟卒年僅逾艾士論惜之

吳寬常字宏五兄弟五人常居三幼習舉業年六十猶應童子試父嘗有疾醫藥罔效焚香籲天割股肉和羹以進食已病瘥常弟寬恭未讀書性極孝會母病劇叩頭流血割股以療母病如寬常厥後常恭有姪名殿階家貧養母甘旨無缺母忽患血症數年不愈殿階齋戒沐浴割左股和羹以進母病良已事秘

不令母知後值暑月袒左臂人見刀痕始知殿階割股也吳氏一門三孝子鄉里稱之至於今弗衰

陳有理字節文家赤貧力田奉養啜菽飲水能得父母歡父有疾垂危醫藥無資朝夕焚香哭禱割股肉調羹以奉父病若失壽至八十餘歲

祝志龍性孝母黃氏病篤醫莫能療龍焚香籲天割股進之母獲痊

張青雲號霽堂邑庠生自奉儉約而養親必求豐腆母早世父病侍湯藥不離左右十八年如一日與弟景雲友愛鄉里無間

玉山縣志

卷八中 人物

十七 孝友

言

毛時引字紹先明萬厯間人割股救父崇禎間邑令表其門曰

愷行孝道諸志佚以上新增

善士前志義行

明

李冬佑樂善好施天順二年因建預備倉上穀千石助賑奉勅旌獎立碑於門陳仲華正統七年亦上粟五百石奉勅旌獎如

冬佑前府志

鄭大階鄭可遠俱威愍後裔階父素憐愛幼子光陞與同里舒

廷風交善階延廷風與弟同筆硯書籍館餼一切供給凡數年
後弟補博士弟子而廷風由學博擢博興令登堂拜父執階手
謝曰今日皆君賜也敢不拜族兄可達弟可遠俱施義賑族階
實倡之儀部鄭鶴賜定陽程帝錫贈序貽祠堂表其事客有徐
如德遺腰纏道上階拾之啟視有金籀七具券約十餘紙候郵
亭竟日徐至悉還之徐有女選華山王妃具以前事白王王召
階至敬禮之薦授典儀所典禮可遠自少時亦以孝聞萬厯庚
子歲滂凶釜米萬錢遠倡義捐穀存活甚眾知縣游鳳翔詳府
表其廬玉俗尙聲歌綺縠遠獨砥儉慤家賴以興然赴公周急

玉山縣志

卷八中 人物

十八 善士

身先四民雖費萬緡不愜也諸如葺城脩學治道路建橋梁置
祠堂義田凡族之子弟失學與婚葬之乏絕者皆給助之崇禎
九年御史徐養心檄通判徐日高給冠帶榮其身上

國朝

王濂字遵五一字曲塘邑諸生篤學好義凡遇公事毅然有爲
玉學舊額八名雍正三年濂與王應煥等聯名具呈請廣邑令
楊申詳題復學額十二名學舊有田百餘畝久荒沒濂請於邑
令張清復而張令復新置田若干畝他如修建書院造橋等公
舉濂不辭勞各有碑記

以下
李志

鄭士牲貢生兩倡建東津橋歲饑平糶府經歷董志宏道路橋梁修建不吝多金廩生魏永清字聖淑眾所信服郡守陳建玉虹橋劄試院俱委重焉舉鄉飲介賓

俞敬德字漢臣居家輯睦遇尊輩歆然自斂抑至族黨有紛爭者敬德排解之無不允服嘗儲皮油萬觔牙僧某頌朱商某求售議價六百餘金入直過半忽隣家不戒於火延燒一空詰旦客同牙僧馳視吞聲飲泣敬德出原銀并券還之客喜出望外謝去其他如倡建高橋碧峯等橋皆邑要津乾隆十年舉鄉飲賓

玉山縣志

卷八中 人物

十九 善士

湯其舒捐白金千兩倡造古城石橋改名永濟橋監生陳嵩捐造十里山渡船並田二十畝贍之南門外大王山下河畔內貼石脚外臨深潭多失足墮水者嵩置紅石爲欄高三尺長三百餘丈過客始免顛墜魏敬賢於古山地方建石橋一座名古峰橋費三百餘金陳元華出貲二百餘金助建文成塔賑粟施綿艷於爲義

葉士標字瑞五監生乾隆十六年饑斗米錢三百六十文六嶺內有終日不舉火者因思家止有穀千餘石碾米減價每斗取錢百六十文并勸近地殷戶量力平糶雖有應者亦難爲繼而

各處價昂遏糴米船不通因赴前太守秦具呈給照買米數百石運至仍減價如前念貧民無錢商建雙溪石橋令人以力易米諸佃人并給還佈錢令資種作并不加租六嶺內賴以存活又嶺內荒山地古塚甚多年久缺醮祭爲買石千餘塊各刻古墓二字以誌之

翁德桂字清遠監生待族鄰有恩義好讀軒岐書選良方揀藥料配合丸散有求必應雖昏夜叩門不少稽也程應瑞年荒施粟歲疫施棺皆好行其德

李宏三年七歲失怙依舅氏吳就學比長成家置祭田分爨讓產朱登彥童時父母繼歿兄弟俱幼相依爲命後年七十以子姪眾多析產推肥取瘠留祭田族黨稱之

劉宣猷字爾嘉廩生少失怙事叔父如父倡修先賢祠及義學郡伯陳提學金咸匾獎之

劉世憲字章周邑庠生性敏嗜學事母孝取予一介必嚴爲鄉里所矜式從游者多所成就尤樂爲善事十七都竹溪橋屢捐修不輟

董選字建侯有學行嘗主講懷玉生平每思敬宗收族廣行陰騭而恨力之未逮也以歲貢投金谿教諭未赴任卒子延祐延

玉山縣志

卷八中 人物

二十 善士

禮克成其志延祐字原姬亦歲貢倡建宗祠延禮庠生與李日初倡建平洋渡三洞石橋

童其勅字帝雲附貢生觀察李根雲興復懷玉書院學者日盛師生往來山中皆主其家欽饌精潔僕從醉飽咸稱曰賢主人山長張彌年老米糲食少進爲搆水碓於山中朱世榮屬料理師生器用纖悉曲備入山者如歸其家

符學棟原籍宜黃隨父昌掄來玉年十一歲偶行十里山有西濟橋東岸橋木朽壞將傾裸衣涉水時天寒水急幾至淹溺誓有力必成此橋經營十數年度可舉工呈縣改造石橋乾隆二

玉山縣志

卷八中 人物

二十一 善士

十二年秋經始二十七年春歲事督撫合詞具題部覆實准銷銀萬一千三百三十四兩有奇照山西樂輸例議叙以州判卽用選授狄道州州判分駐沙泥站莅任有賑粥施棺諸善政三十一年所轄二十八庄被冰雹詳請賑濟得

俞允以年老乞休

符中立邑建東津橋大工難竣中立獨捐三百金不足邀吳文仲各捐九百七十兩有奇又不足復捐三百五十金成之楊知茂建十二都仁壽橋四墩五甕費千有餘金後圯家已中落鬻產鳩工時年九十有一瀕卒戒其子曰停柩橋畔必橋成乃葬

子卒成之其他善行尙夥舉鄉飲賓

鄭大賓字晉初明諸生鼎革初盜賊未靖津梁不脩賓偶過所親涉水賊劫少婦至令負婦涉不許將刃之不得已負以涉婦曰我豈爲賊負婦者乎遂閉戶反覆誦關雎數語且誦且泣泣

罷自經

以下前志

蕭垂豈字恒佐一字通寶前明忠烈公漢從曾孫也祖名任南豐名諸生父挺生有隱操垂豈生而家益貧親歿遷居玉山遇遺橐中有銀錠二布券一坐道旁候其人還之妻父傳子龍夫婦年老無子垂豈迎養於家葬祭如禮屬子孫世祀勿替其忠

玉山縣志

卷八中 人物

二十二 善士

厚類如此子三樹人早卒 樹猷字有榮一字遠亭有至性與弟竭力營奉甘旨卒以成家喜施與倡義緣社建慶豐亭焚券之無力償者不下千金忠烈公無私產樹猷不忍其傳三世絕嗣也使長子溥智嗣樹人以承忠烈之祧世族中尤高其義樹勲字均饒一字豐亭魁梧美鬚髯倜儻軒豁性至孝生事葬祭必盡其情嘗貿易蘇州大遭折閱歸父問之不敢以告恐不安其奉之豐也父兄繼歿念劬勞之莫報迺捐職州同以榮贈其親撫諸孤成立四世同居恤親朋扶危困邑諸善舉不惜重貲襄事愛讀陳榕門訓俗遺規印裝數百部分送

吳有富字可求例貢生族里稱貸貧不責償歲稍歉卽減價糶艱於婚葬者屢以金助乾隆辛未大饑傾倉賑恤不繼復給錢以濟水衝鎮川石橋有富倡募脩造又置田十餘畝培宗祠嘗舉族正知縣李公世基給修善慕義匾獎之

陳良棟字宇峻例貢生乾隆辛未甲辰嘉慶壬戌歲饑皆減價平糶建東津橋倡捐不懈又捐田十二畝有奇爲三港橋修造費端明書院之建捐金外又捐田十五畝零助肄業膏伙

李步字雲衢縣丞職五世同居嘗失火步呼天曰願獨焚吾舍勿殃及居鄰也郡南建諸溪石橋步獨造一洞生平設渡濟人

玉山縣志

卷八中 人物

二十三 善士

施棺瘞骨又倡立康衢社

詹時芳字帝舉邑庠生無兄弟代理家務援例納監睦族恤鄰周家塢嶺路崎嶇砌以石級寒泉橋路通江浙舖以青石乾隆戊午捐助玉虹橋邑令李公泰來以材濟巨川匾獎子兆高監生有父風兆龍兆陽並武庠

顏國采字英建附監生好任卹族鄰告急無不應精醫學製丸散濟人不受值縣建玉虹橋捐金三百爲郡守陳所嘉與贈以敦本利人匾額子文耀善承父志乾隆辛未大饑傾倉穀三百餘石減價平糶煮粥以食老弱全活無數年八十一無疾終

顏光勳字英發附監生性慷慨所識窮乏有告貸輒周之恤鰥寡尤厚都內有橫槎渡邑要津也舊設木橋值春水暴漲輒衝去勳倡建甕橋五洞覆屋其上募緣不足悉佐以已貲橋成邑令李詣視高其義錫名高橋後圯於水子孫不欲沒其蹟仍設木橋置渡船撥證果寺田建餘慶菴於橋側令僧以所入租修理橋渡

董德超字拔干一字野塘邑庠生黃坂古壩溉數十頃通城郭內外乾隆甲子洪水壩址盡圯布以竹木填以土每易潰壞壬寅超倡集六村人等呈縣另立壩址委丞詣勘給示照號畝出

玉山縣志

卷八中 人物

二十四

善士

賞鳩工發石建新壩百餘丈三年始蒞事戊申水尤甚賴址固損十之一超復集六村人合力補苴綢繆鞏固負郭田雖旱不災

王應煥武庠舉鄉飲乾隆己巳造中淤喜承橋一洞楊光亮善醫不索謝雍正庚戌造汪清橋乾隆己卯造湖尾橋捐建福濟菴舉鄉飲壽九十五歲毛元璧王汲並監生乾隆乙卯元璧修皇勅塢石路數里汲修張里石路五里俱北鄉入城要道

吳士勳字光猷監生性倜儻勇於趨義遇道路津梁傾圯不憚捐脩嘗從新安曹含英學歧黃術所治多奇驗廣製丸散施舍

不倦有與以僮者士勲曰吾以濟人豈計利者哉却不受嘉慶壬戌大饑所居地山多田少遠近無可告糴士勲捐千金赴浙之長安鎮趕運米石減價平糴多賴全活年八十餘親見五世子孫讀書成名

王應元字子善監生少失怙讀書日誦千言祖母憫其孤弱不令卒業比長佐兄理家政多致贏餘而性好周恤乾隆癸丑八礫水發冲壞古堦及田廬人多淹斃時青黃不接念家無餘穀卽倡脩古堦百餘丈俾傭力得錢外糴多所全活嘉慶壬戌饑往浙運米平糴年六十七喪母猶晨夕悲號服闋卒邑令陸輓

玉山縣志

卷八中 人物

二十五 善士

以聯句稱任恤焉

廖振榮監生乾隆間修岡背嶺青石路一千餘丈助養濟院田貳畝零又建萬壽橋并捐田貳畝零以資修理

賴汝謀字其哲監生好施父應馨修下步嶺路數里建磚亭汝謀成父志屢加完葺又於眾水合流處倡建杏花橋卒之日卽給事日榮誄之曰一鄉善士

王起湖字聚川年八十以從九職舉鄉飲遇族鄰有恩誼活人以軒歧術有宜服重價藥而力不能致者不惜爲致之買山以待葬無後者皆識以石而祭之於日長至塚纍纍不下數百也

父萬鈺建南嶺五里亭又建儒溪石橋墩起湖重修倡置南溪渡以待漲其卒也盡焚券之未償者計千七白金

王允欽字敬彰一字慤菴以從九職舉鄉飲凡遇公事屬弟允聰襄成之雖屢墊錢緡不吝里有以窘迫告者各得其願而去舊儒學後牆外路逼湖岸坍塌不堪行獨輸囊累石平坦計數十丈邑令應曙霞以詩獎其尚義

童應斗字北辰康熙辛亥旱蟻隻身赴省告災撫憲董爲題疏蠲賑減徵是年麥食盡應斗預蓄麥種散給邑令唐匾獎焉嘗造亭懷玉山麓路旣改亭不當路又遷其亭時有歸甯而還路

玉山縣志

卷八中 人物

二十六 善士

旁遺金者聞之則應斗委也子五其進其遷並有聲庠序

童大鐸義士其謨子好施棺木治橋路尤以救荒爲急乾隆甲辰己酉甲寅嘉慶壬戌皆減價平糶有父風

童之理字道甫喪不能斂者則棺之寒不能燠者則棉之沙溪嶺盤紆十餘里建青雲寺施茶祝司之而置田爲久遠計遇歲荒身爲之倡凡童氏有穀之家一體酌損其價以糶村民德之蔣有祿自乾隆辛未後三次減價救荒邑令吳士涪匾獎子仕瑛仕璜皆能成其志瑛字子亮貢生好恤災眚施棺木廿七都中峽路崎嶇屢倡輸修治乾隆癸丑山水衝壞過半瑛獨力爲

之雖浩費無難色嘉慶甲戌又壞於水瑛子應魁應煊修之瑛
監生喜錄方書以歧黃術濟人

林文波字光澤少有才畧伯兄亡幸二弟竭力事親甘旨無缺
及長善排解族戚有忿爭輒備酒食邀至家巽言曲諭或代出
貲以息其爭雖數十年積怨無不釋社會積穀備報賽適文波
值年前歲穀已盡售置社倉有必領穀者卽出已穀以全其會
歲饑令舉家食粥以所餘濟親鄰囑子士炳檢質券不能償者
悉焚之士炳補弟子員

周驥篤宗族厚嫻戚鄰有舒姓者貧不能娶助之貲遇暑則施

玉山縣志

卷八中 人物

二十七

善士

茶以待渴乾隆癸卯街衢溝道汙塞雨集輒溢入肆鋪獨力疏
濬自朝京坊至化龍橋又挑平梅魁埂積土以培墳墓事稱兩
善

俞進賓乾隆丙子歲獨運穀五百石減價糶焉得甦一方之困
以州同職舉鄉飲人咸曰此陳太守所稱以義率人者也先是
太守建鍾靈橋進賓倡助橋工云

顧文質歲歉減價平糶子明侯亦好施有盜鬻其田與人營葬
者旣葬遂不與校又鄰某葬墳於山侵其田爲拜壇子弟欲阻
之侯不聽具酒食往且謂其人曰一拜壇需田幾何胡不擴而

大之其人慚謝

張可洪喜脩路年九十七猶能躬荷鋤雜諸孫畚揭間造施茶亭於廿九都出其路者無病渴

按可洪年逾百歲詳見雜志

鄭之瑛乾隆辛未大饑瑛發粟賑濟存活無數有貧病而死不能殮者施以棺木陳際聰樂善好施乾隆辛未大饑家僅餘穀十石散給鄉里並不索值事親以孝聞過允璣慷慨好施嘉慶壬戌荒旱減價平糶濟貧乏捨棺木

姜開暗號黍谷歲貢生自少奮志誦讀不苟言笑不入公門學師以守身謹慎立品端莊累舉優行生晚乃無意進取徜徉山

玉山縣志

卷八中 人物

二十八 善士

水以自娛年八十四卒

以下新增

張良舒字景雲監生家故貧習商頻年羈藩陽有以佳麗嘗之不少動同旅稱畏友慷慨周急遇睚眦忿爭片語立解事關名誼輒傾囊曲全無少靳里有豪某與某締好良舒固嘗過而聞焉豪某死家淩落而某則暴起豪某婦及子索某夙負某以豪某亦夙負渠彼此堅持互控至郡時良舒遠歸聞而嘆曰此非所以爲訓如泉下人何卽日馳白願以三百金爲某償息訟衅郡守詰所以則對曰故者無失其爲故耳守義之各慚退生平重師儒廣購古今名籍築山房曰調墨爲藏書所碩彥過從良

舒具杯酒掀髯抵掌有古烈士風年七十二無疾卒子淦邑諸生嘗令卒業鹿洞鵞湖孫彥穗能讀書世其業

雷振綱字育民明玉山令雷起龍後裔孝友任郵少孤能善事其母伯仲間怡怡如也道光十五年歲祲里中嗷嗷先期採運穀米減價平糶多賴全活咸豐三年郡戒嚴諸生周雲章張邦祿詣勸團練遽奮然起築礮堡勤守望率子姪旬春汝功等頗任勞勩當事深獎之

姜克嵩字大喬持躬敏慎輯睦鄉里家僅中貲道光二十三年歲歉斗米錢九百文路多餓孍居者或息炊嵩有穀數十石擇

玉山縣志

卷八中 人物

二十九 義士

里中公正者輾轉資運減價平糶年七十一卒鄉里稱善人鄭仕圻字仲邦貧不苟取會患背癰強步至委巷拾一囊啟視白鏹十餘兩或謂天賜則曰非所有而取不祥袖而俟有頃遺金者踉蹌以至詢驗得實輒還之其人欲以半相謝却弗受越二月背癰亦痊

王志鷹號牧野捐職州同性慷慨好施凶年輒碾米平糶族鄰六七百丁口多賴周全年八十一卒

周廷珠字友玉號葆厓少從鄉先生鄭水仙遊通經史百家言詩思清新書法遒勁比長家日以饒裕而性好施與偕兄連城

置義莊捐學田立鄉會倉以助試資凡諸善舉罔弗倡道光壬寅夷匪告警玉當江浙衝城久圯當事虞脩築艱珠慨然曰不能致身通顯佐理治平願得藉手竭吾力當事爲通稟上官遂命子以廉暨姪秉烜獨肩其任費錢五萬緡有奇而墉垣屹如一律完整厥後粵逆擾玉合圍十餘次卒賴以完晚年以書畫自娛壽逾八十無疾卒

黃治圖字奠波號崑源州同職銜性慷慨好義事父母人無間言旣失怙撫二弟恩義兼盡而友愛至老弗衰先是家無儲蓄見義必爲逮饒裕趨義尤勇有若建家祠以永孝思助信江書

玉山縣志

卷八中 人物

三十 義士

院膏伙以育人材脩造養濟院以恤孤貧暨捐脩郡城迭助軍餉累百盈千未嘗少靳前郡守拖獎以匾曰敦睦尙義學憲張獎以匾曰積善引年壽逾七十無疾卒

姚日暉字煦堂附貢生弱冠失恃事繼母以孝聞父歿弟日暘日暉日昕俱幼暉理家政日以饒聘鄉先生鄭鯤池立西席四十餘年諸弟子姪及邑之後才多所成就幼弟昕登賢書暉生平謹慎才具亦展邑公事多襄贊焉

陳九疇字洛書幼讀書有兼人質弱冠以父母春秋高終鮮兄弟援例貢成均理家政慷慨好施遇橫逆不校族黨以是多德

之從兄子其善貧而好學補邑弟子員九疇時時仗助之歲科鄉試諸費先期以贈無何其善卒妻寡子幼九疇更加周恤十餘年不勸鄰舍生周某亦貧士病卒遺孀孤難以自存九疇爲邀戚釀穀拾伍石之數秋收概給歲以爲常十年以爲期由是周孀得以終其節子亦藉以成立其他恤親朋扶危困大都類是邑義舉多所襄贊前令翟公楚材以才智過人獎之子作霖孫典五曾孫樹楠先後列膠庠親見五世年八十六卒

徐曰讓字謙光監生喜行善事倡立志仁軒以恤鰥寡育女嬰施藥膏棺木數十年不勸又捐田租儲家祠爲本族鄉試貲

玉山縣志

卷八中 人物

三十一 善士

詹光佐字興家躬耕起家以孝友聞尤勇於義與徐曰讓倡立志仁軒咸豐間粵逆踞蘇杭有從賊中逃出者困苦萬狀光佐與在軒首士徐維基等酌給資斧指引路途俾各歸其籍全活多人卒年八十有一

陳文淋字沛霑監貢生幼失恃悲號慟哭聞者流涕後事繼母色養無虧嘉慶壬戌早東鄉尤酷米價昂貴淋周濟鄰里不責償親見五世同堂郡學博某獎以椿榮五世匾額卒年八十有六子孫多成名

姚朝棟字廷球監生兄弟四人棟居幼五齡失怙惟母是依年

未冠三兄繼亡母因痛哭失明棟事母晨夕出入必親自扶持
母嘗嘆曰吾有棟兒目猶未瞽也撫遺姪開俊恩義兼至俊補
弟子員旣而叔姪析產棟有田便於俊俊請以田易棟輒與之
不受易厥後棟子傑亦補邑庠孫曾繼起

梁以勝鹽大使職居家孝友數世同爨食指盈百終其身內外
無間言事關義舉罔弗先睦嫻任卹蓋皆出於天性而非藉以
市義聲者

巫存鍼家稍裕乾隆甲辰歲荒鄉人乏食傾倉借貸不給復變
產以繼不責償前屆修志採訪者欲列其善鍼晦焉里族至今

玉山縣志

卷八中 人物

三十二

善士

傳誦孫文貞文臨俱好施

蕭貴攀家貧親老兄弟析爨攀獨任膳養以及喪葬皆不於兄
弟問也里族有爭訟得攀一言輒解

俞時珍字寶書家頗饒道光癸巳甲午間連歲荒歉珍減價平
糶施粥救饑乙未城市平糶珍家距城九十里運米百石赴焉
鄉里善舉捐助不少吝

葉廷賡字信唐由監生捐職州同兄弟三賡居長次森庭次以
封俱好義樂善以孝友聞同居五世食指百餘人一門雍睦子
孫遊庠及貢成均者十餘人

王聚有原籍南豐兄弟三有獨商於玉歲歸所贏於家爲孝養
資先爲二弟娶有年四十家益饒始自娶遂籍玉生子三俱克
承其志五世同居食指盈百孫禮鑫補邑庠

邱步鰲監生道光甲申捐助育嬰堂洋錢四百員又田三畝奉
藩憲潘給以尙義可風匾額

顧恭信躬耕起家好施道光壬寅歲大歉信有穀二百餘石碾
米減價散給里人歲冬收其值有不能償者弗較戊申饑亦如
之舉鄉飲賓

蕭溥智字景華監貢生以弟炳椿貴封如其官賦性誠篤善謀

玉山縣志

卷八中 人物

三十三 善士

斷未弱冠卽秉家政出入巨萬私囊不名一錢邑諸義舉罔弗
倡道光初遷建學宮邑侯武公者泉實倚重焉同釜爨百餘人
分授職業雍睦無間學使翁覃溪匾獎之曰世傳孝友

蕭炳棟字潛甫炳椿弟弱冠餼於庠經史莊騷皆能成誦遇事
有卓識分別如流年甫逾壯卒士林惜之

王作茗字商譜以子黻貴贈如其官性孝友母故兄弟析居茗
迎父獨任膳養二兄不時告匱靡不應一日伯兄來茗亦匱兄
信宿焉父疑無以應也憂形於色茗惶恐亟轉貸戚友授兄去
父色然以喜其先意承志類如此茗吶於言然里黨有爭端輒

邀致茗茗至輒冰釋人問之茗曰世情競利吾兩勸不聽則兩遂之又何多費口舌爲生平恨少讀書延師課子竭誠致敬妻游氏亦治館膳惟謹卒致子孫成名仕宦爲邑望族

朱椿字錫茲幼失怙勤儉起家母病親侍湯藥衣不解帶者月餘有弟四撫養成立仲弟炳南甫投室因家式微強請析爨未三年窘急不支椿乃按月給予錢米并爲其三子教養婚娶厥後炳南夫婦相繼歿復爲清還舊累計錢千餘緡另給田租穀百石與其三子度日生平酷好青鳥術祖塋有未愜意者悉改卜焉延師課子成名以子鴻貴封如其官

玉山縣志

卷八中 人物

三十四 善士

徐允直號秋樵兆麟曾孫弱冠補郡庠八歲時爲親負米三里外遇雪僵於路幾斃居喪不作佛事遇忌日哀慕逾常弟析爨常分館穀給之妹適詹而寡撫其女若已出復爲之立嗣請旌以成其節與人質直遇有過輒面折之而獎善赴急常汲汲然若不可終日嘉慶癸酉學使王文恪公賞其文擬選拔萃科弗果旣乃屢困秋闈泊如也常語其子曰科名自有分定顧讀書所重不在此汝曹當以立身行己爲務毋墮吾矮屋家風先是兆麟致仕隱居舊廬曰矮屋者密邇縣署而令莫之知有秦太守勇均者造訪焉人兩賢之

語詳前志

允直第三子有斐受知於學

使張文毅公公旋開府江西既罷任奉

命視師皖江過玉有斐謁焉贊以其先人行狀及兆麟本傳公爲誌允直之墓表兆麟之廬而去

陳涪號松溪增貢生幼聰穎過目成誦年舞勺從孝廉王樹荀遊荀悅其篤志妻以女遊庠後因父年邁理家政日以饒裕好結納所與遊多儒雅士邑諸善舉無弗解囊以濟延師課子寒暑無間二子及從弟濟先後遊庠卒年六十有七

周位子下濂溪人居瀕河遇橋圯常雇人以濟築亭五東門外務本亭尤當孔道逢歉歲借貸不取償姪耀安不戒於火位子

玉山縣志

卷八中 人物

三十五 善士

爲徙宅使與同居

王允聰字達聲兄弟三聰居幼父母早世家故貧弱冠負販營生及壯與兄商開宏盛烟作貿易姑蘇年餘兩兄繼亡聰獨自籌度置田產累貲鉅萬而不蓄私產亦不自表勞績晚年誠其子與諸子日後析爨須三股均分不可爭執酬勞郡邑公舉罔弗倡前後守令咸倚重焉道光間修築郡城太守拖尊爲七邑董事之首援例捐州同加級以榮其先子毓華毓藩並有聲庠序次子毓英以武闡魁於鄉年八十兵部尙書許滇生先生獎以匾曰曼齡碩德壽終八十有五

徐旣行號健齋年十五補弟子員嘉慶癸酉登賢書屢上春官未第家居葺宗祠以禮範族中子弟其秀而文者教以詩書督課不倦兄旣清敦倫行善人稱競爽

李前烈字承武自幼業儒兄前業力田伯仲友愛前業卒遺孤二前烈撫如已出婚配先姪而後子後析產兩房均分

吳筠號淇園母早世事父及繼母以孝聞弱冠蜚聲庠序石陽劉子敏以名進士主講玉山少所許可獨器筠誦於秋賦教授里中四子書五經外尤諳諳以立身修行訓迪生徒家僅中人產遇貧乏及急難者飲助無難色居恒以睦鄰任卹爲鄉里率

玉山縣志

卷八中 人物

三十六

善士

里中鉅細事有爭持不相下者得筠一言立解去以子聯奎貴

贈如其官

節進士金兆基撰本傳

曾元順有至性母病侍湯藥數月不懈弟希魯憲魯從師應試順爲擔簦笈弟屢却之順曰汝學業有成我始弛於負擔二弟先後登邑庠

姚之瑛字金詔一字薌渠早歲以詩文著聞旣序貢疊主懷玉端明兩書院講席泮宮後進多出其門道光初邑侯武者泉先生重其學行延教其子者四年時纂修邑乘多所採輯其卒也前令姚公韻軒爲誌其墓

鍾星提少孤貧事孀母惟謹經營起家性好施周恤親鄰無吝色乾隆甲寅造杏村上流木橋年八十三臨終遺命勿使朽壤子惟監惟芬承父志撥祀田貳畝零捐贍至今無病涉

徐亨祓字德輝勤儉起家性好施親鄰有稱貸者貧不責償死不能殮者給棺木道光丙午造三官廟石橋一洞名三佛橋年八十無病卒

賴誠邑庠生凡祖父創修亭路均修葺不怠里有爭持事誠爲排解必消衅乃止前令陸公翥鴻因禱雨過其村訪焉獎以詩姜則忠明永樂間人累充萬石長景泰癸酉饑施穀八百餘石

玉山縣志

卷八中 人物

三十七 善士

全活甚眾事聞立石旌表又所居桑田梅溪南依山之田五頃有奇池塘未足灌溉則成遵祖父遺命經友人鵞湖公修撰宏奏准掘引溪流爲桑田壩灌蔭之淵五里有餘至今享其利前志佚

隱逸 前志處士

宋

鄭同字亦虛有義行爲鄉里所服嘗舉八行科而不果上善書有名於時襄陽米芾嘗有帖與亦虛云晝寢夢龍蛇遶榻及覺乃小兒披來翰也其稱之如此隱居終身不仕

華黼郡志

朱處士居南鄉因號南山博學通經隱居教授著有南山集其高弟若徐觀之易孫自強之詩皆有名於時 李志

元

王奕字伯敬號斗山與其子介翁居玉瑯峯讀書素與文文山謝疊山友善及疊山就執北行送之有詩云兩生無補秦興廢一出仍關魯重輕白骨青山如得所何須兒女哭清明詞旨激烈宋亡建斗山書院居之杜門不出 李志

鄭大邦玉斗山人集跋 四庫書目云玉斗山人集三卷元王奕撰舊題宋人者誤也其人雖初稱遺老終仕新朝無所怨尤亦無所文飾視曠節儉生猶作倔強不屈者有間嗚呼先生之得歷祀鄉賢正以大節炳千古耳信如所

玉山縣志

卷八中 人物

三十八

隱逸

云是洩忍戀祿稍有志者不為而謂先生為之然則當時祀典固可濫叨耶今一再讀其詩文絕無仕元之跡况斷春化雨與青田陳中州官玉山時去先生皆未甚遠其敬慕先生也或比之伯夷或稱為靖節夫伯夷恥食周粟高餓西山靖節編詩不用劉宋年號以二人况先生則先生之不臣元益較然矣或者先生在宋時嘗為邑教諭後之人不察遂因此致誤耶於此益嘆論世知人之難附論之以示王氏諸君子并以質後之論先生者

按王斗山奕諸志皆列隱逸志惟前志據四庫書目數語改列文苑今觀斗山全集及本傳初無仕元之跡即集中有文軌之同幸混車書及律以忠孝實為罪人等語亦士君子危行言孫之常文山不有黃冠備顧問疊山不有堯舜湯武之語乎甚矣責人之無已也

明

程顯中字遂良衣錦鄉人博通羣書隱居教授以信義為鄉約



推重號誠一叟子孔安剛方有勇事親盡禮友於兄弟終隱不仕弟子出其門者多至顯達有題詠諸作

唐志

祝麟字應祥號靜菴善詞章隱於鄉之雲林構書舍以自娛不求聞達鄉黨以隱德稱學者多歸焉有靜菴集藏於家

前府志

葉上芝號貞子博學強記避亂隱居懷玉山三十年不踐城市日坐羣書中手自抄纂字畫精楷見者不知其爲八十老人也

全上

程瑛字桃如弱冠補弟子員古今書無所不讀下筆敏妙崇禎末深自韜晦不肯以文辭名後進之士卽而叩之隨事援古証

玉山縣志

卷八中 人物

三十九

隱逸

今必究其根抵處深山中五十九年卒年九十七

節前府志

徐一鴻字羽儀九歲善屬文爲邑令游推賞踰年補弟子員錄於庠秋闈擬元遭忌置乙榜少貧缺載籍乃就大家乞經史諸書涉獵一覽輒記遇有得手抄秘本自是出入古今下筆言語妙天下初治蔡氏尙書兼通夏侯都尉諸家言尤精易學卜筮推測咸謂得京郭異傳晚專治春秋厭主文命題割裂頗謬於聖人常出獨見評隲左氏春秋一卷性極孝知父愛憐少子歲取束脯備兩親綿帛外悉與幼弟治服御自擁單衾敝絮恬如也父母先後亡合葬黃谷山廬墓哭泣三年如一日嘗有省示

諸門人曰汝一日間有萬物一體時否又曰讀書憂不明道耳
毋慕富貴富貴能福人亦能禍人其達識定性如此世力田家
懷玉中尋挈家依內兄於浙以子託焉還玉守先人墓田屢舉
不第隱鶴田村舍崇禎末土寇起倉卒以身抗賊反覆開諭脫
諸父老走乃大怒罵賊死子旭齡年十五方爲諸生上書直指
張灑泣國中求父骸有德鴻者告以故處拾全蛻歸於杭時順
治二年也舅華國作負骨記前志

國朝

姜志學號恕菴選貢生康熙五十七年白中丞闢豫章書院延

玉山縣志

卷八中 人物

四十

隱逸

名師教授所賞拔皆英俊次第取甲科志學好爲高古疎宕之
文居恒勵名檢同學如劉斗田裘穎孫俱目爲畏友厚畚
初稿

姚聯字及三號均堂性穎敏讀書一目十行郡守陳世增重建
玉虹橋七洞洞各嵌以二字屬聯撰書讀之迴環成文郡守敬
服敦請掌紫陽書院講席明年常中丞名試博學鴻詞屬郡得
三人聯名第二將以應

詔會丁繼母憂不果子濟庠生能讀父書病羸早世聯憂鬱成
疾卒郡守哭之慟銘其墓曰人何以生生如草苗人何以死死
如葉脫覆杯水於均堂兮擊不能三千而去不能六月息嗚呼

春風秋月兮懷玉山前玉虹橋畔共徜徉乎其側

李志

王以仁字元長別字似山工制舉業太守陳世璠興復紫陽書院選能文者入肄業值嘉節誕日幣帛羊酒盈門以仁獨持空刺往及太守喪歸前時嗚嗚者或走匿不赴以仁往奠有加禮乾隆六年選貢故事以身言爲去取士皆盛衣冠習儀節以仁布衣履雜其中竟獲選

廷試高等入成均未嘗一謁貴人有欲爲之地者曰某父春秋高不願仕也歸家養親課子弟外急於爲善如趨利十六年江右饑玉山餓孳枕藉行路有戒心以仁念力足足賑貸無遠近

玉山縣志

卷八中 人物

四十一

隱逸

日給大小三口米一升又憂男之溷雜也分東西廡遠者舍之病者藥之死者瘞之賴以活者計人口二千有奇自正月至六月計米千八百有奇所出貸金不與焉或欲請於有司以聞辭曰義所應耳敢以煩令長是秋赴鄉試卒於道男女來弔日數十百人弟以義視兄所欲爲者爲之甚力兄死義益自勵初以仁年二十喪母父欲爲娶婦主家政或謂已請期不妨隨俗也以仁援公年喪娶之譏反覆泣陳乃止

李志

鄭廷鳳字鳴岐辛酉舉人故農家子貧甚好讀書父曰嘻家啼饑枵腹誦經飽何時旣以病弱足不堪荷鋤耒送縱之學苦無

書從人借抄詩文數帙讀之曰此未離黃口乳香氣聞同舍生所讀文異是乞傳抄不許亦不復朗誦晚飯後解衣擁被僞作嚶嚶聲俟同舍生高吟乃起徙倚戶外一再盡識之天明書之册他日同舍生見之曰世固有敏且勤如斯人者乎何復秘惜爲試於學使者屢冠其曹授徒以自活節縮購書讀之爲文日益進

魯鴻五雲館錄

朱世榮字浚將庠生讀書慕古高躅興復懷玉書院糜數千金破家不自顧惜時湯中丞督學莅任深爲嘉獎院中諸生所資器用纖悉具備復恐山佃當青黃不接時借貸無門建立義倉

玉山縣志

卷八中 人物

四十二

隱逸

以舒其困日徒行崎嶇間百餘里十餘年間心力畢瘁是大有造於懷玉者

李志

童良居懷玉山麓樂善不倦稱清時碩望子孫祠之康熙中知縣沈景韓題其楹曰孝弟力田秉周官之法度詩書執禮守孔聖之雅言至今其裔猶有義風懷玉山長往來卽其祠館焉

前志

徐兆麟字發剛一字敬齋唐徐叔倫之後選貢大司成孫錫公修春秋講義大學講義與分校焉旋充教習知甘肅成縣假歸杜門不出太守秦勇均聞兆麟賢因公莅玉以詢令令對不知

訪之居人乃得縣署前矮屋中太守造焉劇談竟日從者忍枵腹跛倚立太守自忘饑也禮聘主紫陽書院人兩賢之子之潮孫人杰皆有兆鱗風 之潮字慶安一字渤菴恩貢生就直隸州州判職性爽直取與不苟莫干以私鄉里爭訟得一言卽解及老病戚友來視猶以立心行已相勗疾革人杰泣請訓曰疆爲善遂歿 人杰字景元一字芝山髫齡試輒冠軍數奇不遇乃棄舉業母病湯藥必親調饋及卒弟尙襁褓待哺力不能乳代以羹餌雖中夜必屢起及成人婚配其愛護之勤慮深於在襁褓時也家居對書啜茗待月澆花聞戶外剝啄聲則握衣走

玉山縣志

卷八中 人物

四十三

隱逸

避罕得見八十翁者時人爲之潮語曰矮屋深如海寒儒重若山如人杰者亦能不愧矮屋矣

程學灝字勝州號厚齋性剛介讀書必求精義舉於鄉投峽江教諭進諸生講四子書環聽者罔弗心折秩滿送部引見致歸與弟學涵立族學建義倉而祠規尤整飭男婦禮教肅然祭之日無敢後至者丁明府嚴正見學灝曰吾之徐孺子也旣興復端明書院卽聘爲山長多所成就學灝病親往視之及卒輓之曰身後有人題墓道座間何處覓春風

鄭起觀字達夫一字瀾泉以副貢就教諭職有司重其學行延

主講端明十餘年未嘗干公事惟與諸生以制舉相切劘楊霽菴進士吳月川陳寶齡李廷琳四孝廉並出其門

鄭圖南字峻飛優貢生性孝友天資敏絕長受業於仁和趙鹿泉之門卒業而歸有夷然不屑之意然循禮蹈義毫髮不苟其論文不拘奇平濃淡惟其是訓二子皆成名邑之茂才異等多出其門所著有四書口義隨筆雜錄諸書

尹文純字賓陽一字穆菴幼能文年十六補弟子員以明經貢禮部投徒歲入脩脯敬奉甘旨父久嬰疾辭館親視湯藥歷三年如一日常訓諸弟子曰讀書非爲功名起見宜志聖賢之志

玉山縣志

卷八中 人物

四十四 隱逸

學聖賢之學立品安命吾儒一生著脚

楊大中字克基一字和亭恩貢生苦志力學訓蒙日課畢夜分猶挑燈自讀入庠食餼屢薦不售無幾微惆悵見於顏面及貢後不復進取家居教授多所成就性謙和與物無忤凡所趨舍截然不出禮度之外族故有義倉大中維持之春散秋斂井井有條

董履謙字鳴六一字東浦謹言慎行爲諸生時名噪甚知縣張延教諸子論詩文外毫無干及張重之後令萍鄉邀偕往還任聘主講懷玉屢舉鄉飲以明經終其造就人才如徐孝廉旣行

及張公子海瀾陳婿正頤並成進士

李必泰字象中一字草庭幼穎敏咏菊云知己可能逢漢魏閒情直欲傲羲皇浙中馮藕船先生見而歎曰此生格固不凡但恐遇慳耳隨父仲良任粵歸以例貢應錄科試時學憲謝以其中二字命題策問周官九拜儀若何蓋難之也閱必泰卷驚異錄第一秋闈報罷旋患心疾平居言動不苟遇人一以誠敬著對竹山房草二卷今散佚有詩刻平南志中

詹曰莊字則敬一字愚齋早失怙弟曰密甫七歲日莊事耄年祖母及孀母並得歡心習舉業食餼郡庠兼督諸子弟姪學每

玉山縣志

卷八中 人物

四十五

隱逸

日暮必採珍味歸佐甘旨承色笑候寢息方就館弟長家務必商之明侍郎燕峯公瑩墓御史寒泉公祠宇圯壞俱出重貲脩建又念宋知止公書院故址奉給本嗣起造今祠就圯病革囑曰必建是方瞑目焉蓋欲以綿祖澤而培書脈也子體溫補邑庠有父風體良膺歲薦三舉鄉飲恭儉並業儒納監孫輩多列膠庠嘉慶間四子卽舊址倡造祠宇成日莊志邑令應曙霞以祖武永繩匾獎

陳宗字濂亭性恬泊棄舉業讀書自娛築別業十二尖下家雖貧圖史充斥手植槿以餉客子四客至伯仲周旋宗與客談經

問字而飲饌立具庖俎無聲身後一鄉稱任卹而莫知宗門內之樂也漢中守鄧簣山來玉講學孫聲鉅從遊始爲表其墓吳瑛字琴舫號媚川乾隆乙卯舉人嘉慶丙辰會試後有疾歸會母蘇氏亦患病遂親視湯藥不復計偕延名師課子弟文行交脩雍睦無間爲士林矜式子姪輩入學食餼者至數十人登賢書成進士相繼而起外來就學者如賴禮陳紀及浙江龔自闔皆出其門後以子華春官安徽迎養廬江縣署卒年八十有新
二增

方伎

玉山縣志

卷八中 人物

四十六

隱逸

宋

俞直通素問玉冊之書內外常變之辯至河洛易象太元數三統九經五行納音之旨無不求其義而爲說秦檜爲相欲館置直謝不肯就紹興辛巳金人犯淮用事者遣使問以兵退之期言皆切中直之學雖不可盡知然而被褐飯蔬老死田野雖方伎之士恥以奇術異行售於人亦賢於人遠矣

合通志
唐志

明

程福生字梅巖明神宗時人精書法燕京承天門關王廟石碑其真蹟也八分書特妙畫梅清庾絕倫有金石遺文四本今失

傳全上

程福山字孟儒

朱謀聖云號六岳山人萬曆中官中書

篆法壽承隸法徵仲小楷

法麻姑仙壇又法黃庭草法章草

詹氏小辨

前志有程福生今查

御製書畫譜又有程福山表字亦異自當是兩人

府志原跋

王適字太古初充府掾後棄去改名棄之究詩書尤工於畫或

強索之雖重幣不應遇知己酒酣下筆淋漓殊足珍玩所著太

古集二卷今佚

通志

劉叔榮少好仙佛輒不冠總其髮為兩髻好遊得看旺氣術專

玉山縣志

卷八中 人物

四七

方伎

堪輿家不純用曾楊法惟占人家氣數與其後將興者為卜亦

取謝否則不往雖與之錢必却嘗主郡城楊信齋婁一齋諸家

久不見信辭去脫迹方外後所語皆驗始識其能占旺氣

節府志

喻希連字素痴善作痴仙山水自題短句遠近名士多折節訂

交猶有存者賞鑒家不惜重價易之

唐志

徐原字香水善詩精楷書長遊於吳越荆楚中相國鄭方水金

華周延光長與聯吟字畫馳名海內

前府志

周文翰字宗儒其父茂盛授軒岐之術精通內經素問諸書治

病能明標本審運化辨風氣不拘拘古法以為得河間長沙正

傳尤長小兒諸症踵門求醫者無虛日賴全活甚眾間有奇疾方書無載者卒以意立方投之輒效幾於神巧惜其書不傳全葉嘉穀字太倉博聞強記厄於遇常應鄭昌圖公新昌幕豁無辜大獄三十五人究精醫脉活人尤多邑侯樊公何公王公道臺貢公咸給文牒冠帶以終天年 李志

國朝

蔡輅

原注舊志載尹時輅

精倉公術善畫梅至老不倦邑令唐世徵贈以

詩曰九十老人能畫梅興來爲我掃枯煤正當東閣題詩候不

問南枝開未開

節前府志

玉山縣志

卷八中 人物

四八

方伎

陳叔茂字五蓮業醫率平緩而治多奇中必酌病之初中末與患者強弱施治輒驗其人心行平樸亦與醫等士大夫多獎贈以言全

朱采字素先邑廩生精岐黃術與校醫家秘訣遠近延治者咸以爲活人方在肘後也僑居章門適郡守錢唐陳公入都舟次負沉疴投以劑立效郡守謝以詩有云馬卿消渴時增劇羊叔交情近更長旋飲一杯輕體骨不憂二豎入膏肓子景魯邑庠從弟希元監生並以醫名 以下前志

佟毓華二韓人任玉山縣丞善畫墨龍翎毛張應奎江南人入

籍玉山翎毛得其筆意而墨龍尤佳子雲程亦以畫遊燕趙齊魯間而豪氣未除不若蔡西玉得其神趣落墨時幾忘化工之在我也西玉名士俊邑人

吳理詹曰正皆工牡丹而吳理以梅竹勝有百梅詩雖童二樹一幅梅花一首詩若使同時而生應亦相視莫逆

詹穎麒業醫嘗受業太醫沈紅鞋之門精製丸散普施病人就醫者纍纍悉爲調治康熙中捐建塔石背懷德亭及監修學宮知縣吳振區其廬曰有功後學

黃卓誠字海峯幼具夙慧五歲時述未誕前母歸舅氏家舉止

玉山縣志

卷八中 人物

四九

方伎

及舅氏家房屋曲倉箱安頓一一不爽九歲習楷書愛率更體比長夢巨人授以椽筆書法大進弱冠蒙家難棄制舉業遨遊山水樓閣地遇高人秘授青烏術旣歸不輕洩爲人葬不言富貴第云積善俟之比卒前一月整理故編付焚如語諸子曰某月日時我殆將謝世矣至期果無疾卒時年八十有四以下新增姚樂英善軒岐術診病恒以藥自隨不受謝與人藥亦不問值卒之日里人悼之

汪浩字仙航邑增生因母病習軒岐術遂精於醫母獲保壽終兄弟三祖遺田產六畝零終喪後分授二弟而自擁遺書所得

醫賈猶分潤二弟不少吝生平言動不苟鄉里推端人老病囑
二子曰學重敦倫醫可救世卒後子樹滋孫日暄相繼以醫名
陳懋本字木初幼敏慧遊庠後奉父命業醫施藥不索謝咸豐
乙卯粵匪竄擾江浙登門乞食求醫者多徽饒被擄良民本爲
敷創調治得慶生還甚夥

洪占廷邑之松窩人也性謹篤弱冠因母患痿痺究心岐黃侍
奉湯藥昕夕無倦母旋患咯血症夜夢一老人謂之曰汝母若
以桑汁糯米熬膏服之當愈比覺如法治之病若失後以醫藥
救人不索謝

玉山縣志

卷八中 人物

五十 方伎



玉山縣志卷八之下



列女

按前志分節孝節烈貞孝貞烈四小目今從省仍做各志按年代叙列冠以宋舒氏二女於史家列女傳

例為合

宋

舒氏二女紹興間值苗傅亂被執將逼與俱二女佯許之行至

崖墜側二女相目執手投崖死其塚在縣西七里周坂園中

豫章

書 祀節孝 按苗傅之亂 在建炎三年以為紹興誤

元

壽安蒙古人妻楊氏貴溪人至正庚寅壽安監玉山壬辰春寇

玉山縣志

卷八下 人物

列女

偏信城左丞相命壽安領兵拒之累戰不利中流矢死楊氏聞之哭數日不食死

明

李文宣妻詹氏伯誠女既嫁而夫有惡疾詹執禮恭甚無幾微見言面夫亡事姑尤謹姑亦患惡疾舉家避之或勸詹去詹曰吾所為未亡人者欲事姑代有終耳豈忍若犬彘皆棄其親哉

躬紡績備湯藥姑亦尋愈年八十餘卒

增通志 祀節孝

葉德彰妻王氏夫早卒守節不渝洪武間奉旌

通志 祀節孝

鄭叔松妻周氏夫亡誓以死從家貧撫孤事紡績以養舅姑孀

居五十餘年咸稱節孝全上
祀節孝

詹清妻毛氏年二十二清歿撫遺腹子垢容惡誓不再嫁姑徐
久患風癱毛與共寢浣滌穢惡孝謹備至年七十提學李夢陽

題旌全上
祀節孝

孫景雲妻鍾氏浙江上虞人景雲以進士為玉山令宏治十五年卒於官鍾哀悼迫切自縊以殉提學邵寶為之立亭記其事

於石通志 祀節孝
按亭記俱見古蹟志

李鴻妻孫氏流寇剽掠孫與側室俱被執側室方有娠孫謂之
曰爾死如李宗何乃給賊請以所攜金贖之既脫側室遂抱橋

玉山縣志

卷八下 人物

二 列女

柱厲聲罵賊賊怒磔之事聞旌表全上
祀節孝

夏曦妻楊臨姑夫亡撫孤瑛守節哀泣喪明瑛領鄉薦出仕有

聲氏孀居六十年壽八十四全上
祀節孝

王玉妻喻氏給事則成孫女玉故時喻年二十二撫孤日宣甫
六月喻泣仆地剪髮覆棺誓不再醮守節四十餘年撫按督學

給賜布帛以勵其節前府志
祀節孝

舒城府志 妻王氏僉憲受孫女通女訓書傳年二十二城徂役
作城

溺死訃聞王哀痛幾絕子在襁褓紡績供養守節六十餘年巡

按李表其廬全上
祀節孝

程勝祖妻吳氏歸程六年而寡子德茂在襁褓族有謀奪其志者吳誓死撫孤艱苦備嘗卒年八十有五巡按李循義表其門德茂生海膺鄉薦通判福州濬桂陽同知澤清清生龜歲薦永安教諭曾孫五十五人濬生輝燭皆明經輝樂清訓導燭國子學錄餘皆郡邑諸生吳耄年猶及見之府志

董百昂通志百作伯妻陳氏工部主事陳昂女幼習女訓誦孝經年

二十七夫故守節奉姑祭葬盡禮撫孤士芳底於成立知縣方中請旌節通志祀節孝

庠生李春榮妻陳氏名睿年二十四榮死陳痛哭曰姑在堂子

玉山縣志

卷八下 人物

三

列女

在乳不得從夫子於地下矢志守節周親莫覩其面者四十餘年侍御洪表其門唐志祀節孝

處士程維泰妻吳氏知縣吳禎姑也二十孀居門戶蘄蘄邑令游上其事巡按陳及院司屢加獎賚年七十有二卒全上祀節孝

陳嘉賓妻夏氏年十七夫亡遺腹子一孀守育課以延夫嗣閭里嘉其節以聞院司屢獎前府志祀節孝

國朝

庠生徐一鴻妻昌氏新安人鴻歲出授徒昌紡績具甘旨常任春恐女啼驚舅姑抱持懷中搢搢操杵曰後鴻偕昌依內兄徙

居杭杭俗侈不御布臬昌失織紝業乃學糊錫箔取給升斗自灌園蔬買小稊飯兒女而已食糠麩鴻遭亂死懷玉昌泣血督其子旭齡後十餘年登科第官侍御昌時道往事訓之曰士能甘貧賤乃可富貴也

前府志 祀節孝 按據一鴻傳庠生當改副貢

庠生鄭焯通志 作焯妻姜氏孝廉掄芳女也年二十一而寡孝養老

姑撫穉子成立苦節三十年如一日節前 府志

童明煥妻祝氏年二十一守節祝夢蘭妻毛氏年二十八守節

養姑撫子備極艱辛俱建坊李志 並祀節孝

程儔妻余氏年二十三夫亡母哀其窮迺以歸諷令再醮氏恚

玉山縣志

卷八下 人物

四 列女

甚終身不歸母家姑老子幼雖烈日嚴霜襁負其子汲水拾薪十餘年如一日建坊全上

葉良材妻周氏年二十三守節孝事老姑姑死鬻宅以殮棲身

蓬戶祭葬盡禮題獎曰清標彤管全上

廩生姜天祈妻徐氏年二十守節撫姪為嗣教養備篤建坊全上

祀節 孝

庠生吳憲麟妾丁氏年二十一夫亡未有所出嫡魯氏有賢德待丁如妹或勸令改適丁曰子弱主母老安忍違去且婦人不二天奈何以賤妾廢禮嫡子事之如生母以節孝聞旌表全上

祀節
孝

吳欽厚妻羅氏處士秉煥女年二十五而寡誓從夫地下姑以大義諭之乃強食粥朝暮一溢米姑痛子兩目失明醫者謂病非六淫不可治氏聞古有舌舐法日日舐之病果痊姑憐氏忍饑作勞乃祥作飽態趣之寢倚牀假寐姑熟睡復起治婦功達旦嘗訓其孤曰惟勤可以脩身也子浩見選舉洙邑庠建坊全上

祀節孝

魯鴻節婦吟 誰謂妾無夫夫死妾有姑姑痛子失明愛妾如掌珠忍饑兮溢米忍寒兮單襦恐姑覺兮長吁旦復旦夜復夜舐姑目兮目復明良人瞑目黃泉下誰謂妾無夫夫死妾有孤始孩痛失怙稍稍識之無鳴機兮贊幣斷鬢兮醋酷恐兒覺兮廢書治鎔金石攻玉兒能成人匪妾

玉山縣志

卷八下 人物

五

列女

功貽孫子兮君子穀 按此詩係從明章綸母守節自勵詩脫胎首句誰謂妾無夫前志改作雖謂詞意淺薄今改從原本

魏芳通妻余氏年二十七守節卧起一室撫遺孤以事尊嫜旌

表全上
祀節孝

周之美妻胡氏年二十七守節六十一卒庠生舒倓妻吳冬英

姜國順妻潘氏俱年二十四守節吳年九十一卒潘年八十三

卒詹錡妻劉氏年二十二守節六十餘卒祝發龍妻毛氏年二

十一守節卒年八十有三鄭建五妻徐氏年二十四夫亡遺腹

生一子薄有羸餘建亭造橋力行善事年九十卒全上

程應龍妻王氏年二十四夫疾篤慮母病子幼反給王曰我死若當改適王矢之曰奈何禽獸我竭力奉姑喪葬無失禮子成立卒年八十有一

前府志

上高教諭程拔先側室汪氏子洙甫四歲教諭終於任汪年二十六扶柩歸葬艱苦撫兒眼見孫曾林立病不服藥曰吾今可見夫君於地下矣卒年六十八

李志

程授先妻葉氏年二十七夫亡奉事舅姑喪葬盡禮撫育二孤成立年六十卒

全上

廩生李天祥妻毛氏年二十七夫故男僅七齡苦心撫育娶婦

玉山縣志

卷八下 人物

六

列女

生孫未幾子母並亡家寒徹骨友人陳天桂素重天祥學行又知母賢延至家衣食之年六十一卒孫僅成童

全上

劉天申妻潘氏年二十二守節翁瞽姑廢疾侍養備極勞瘁生姜天祥繼室鄭氏年二十守節撫孤陳伯達妻鄭氏年二十守節李于敬妻鄭氏年二十三守節李鳳翔妻詹氏鄭起魁妻周氏俱年二十五守節州同毛大章妻周氏年十九守節俱年逾六十卒

全上

選貢王以仁繼妻周氏年二十二夫亡撫前室子如巳子於其幼者延師教督恩義曲至服闋爲長子淮雋授室卽勅斷家事

足不踰闕婦請命周曰禮有之舅沒則姑老祭祀賓客固冢婦職也惟晨夕弄孫自娛聞子有過舉輒涕泣不食子長跪謝罪乃已于歸後頗讀孝經內則皆以仁口授族黨以為有禮太守康基淵匾獎全上

潘祖球妻鄭氏年二十四守節雖然斷十指未足事舅姑哺兩幼子也鬻簪珥忍饑寒必使老年人含飴分甘怡然色笑然後已舅病百計醫藥不效姑既哭子又哭夫憂傷所積遂成癰鄭曰非可藥治也吮之夾旬愈二子成立請旌建坊以下前志祀節孝

吳敦本妻毛氏年二十一孀守子甫三月既無舅姑又鮮伯叔

玉山縣志

卷八下 人物

七

列女

懼無所依以成立也繼負歸母家是年父母相繼歿遺兩髻齡弟毛以一身撫兩姓遺孤閱辛苦數十年蓋孫又生子矣父族亦並茂而重負始釋

徐奪標妻鄭氏父應登太學生初歸徐家故貧廟見後即撤去簪珥衣布操作以事孀姑供膳不足則紡績以繼姑遭疾扶持抑搔侍湯藥至沒無懈夫病調治六年卒之日死而復甦者三念七歲孤無以成立強起飲食遣就傅竭機絲佐脩脯子建中學早有成鄭積勞成疾年五十四卒

凌祥妻董氏年廿九夫故誓以死殉姑曰我年逾七旬何人侍

養若忍遽輕生耶董悟居喪盡禮請卜地爲同穴計晨昏不離姑左右奉養廿餘年姑以上壽終而董亦五十餘矣每念夫卧瘋疾身無男女七年中扶持起居如昨日事也嗣子業儒增生吳洙繼室楊氏年廿八夫故楊未有所育呼天搶地絕粒數日姑曰爾夫有遺孤善字之卽若子也吾爲爾舅孀守至今幸爾夫成名得邀旌表輕死何益耶因稍進湯粥勉繼姑志終始無缺禮撫夫前子極恩勤不恤家貧延師課讀雖鬻衣典釵數十年無怨言

吳霖妻周氏年廿七夫亡哭幾絕累日不飲食姑曰子死媳在

玉山縣志

卷八下 人物

八

列女

尙可苟延媳死吾難獨生奈遺孤何周慟極而止從容謂姑曰姑在堂子在抱家無伯叔婦何敢死雖死何以慰夫地下迺委曲以悅姑意自奉蔬水甘旨無缺於供年六十二未嘗與親戚慶筵教子耀寰耀南俱成名

胡景星妻周氏年廿七夫死舅復病侍湯藥惟謹病篤囑曰若子僅二齡吾病不起奈何周知舅意曰舅保重身體毋他慮分所當盡婦敢委他人乎後四年子繼亡或憐其無出勸之嫁周變容正色曰諸姪輩卽吾子也勿妄言生死胡家婦耳以長房次子繼教讀成立

王兆參妻劉氏年廿九孀守紡績食力事姑不以貧廢禮遺腹子保護備至教養成立六十八歲卒

庠生尹肇榮妻劉氏年廿五肇榮遊粵舟次失足殞命劉聞訃哀慟欲絕矢志孀守婦兼子職母盡父道

詹文濱妻楊氏年廿四孀守家計蕭然舅姑年邁奉養一出紡績而能甚得其歡子六齡保護無所不至調娶媳生孫可稍慰也子又死亡撫孫成人以養以教七十九歲卒

吳瑞槐妻王氏年廿三孀守侍奉舅姑生養死葬一以禮撫育孤子教讀無虧始成其名五十五歲卒

玉山縣志

卷八下 人物

九

列女

鄭攀林妻祝氏年十九孀守孝養舅姑情文備至撫育孤子教讀無虧

羅福湘妻吳氏年廿八孀守勤事紡績朝夕無間撫養孤子俾克成家

吳湘妻王氏年廿四夫亡家貧無子以紡績營生奉養孀姑撫繼子成室繼子又歿苦節人無間言

朱輝宇妻王氏年廿九孀守侍奉舅姑生養死葬禮無或虧及孤子成立極撫育之劬五十九歲卒

周昭濶妻陳氏年廿二孀守遺孤甫二齡孝養甚得舅姑歡勤

儉持家紡績不倦和睦妯娌訓子成立五十八歲卒

鄧近山妻姜氏性賢淑年廿四失所天孤子零丁以柏操自誓家貧姑老莫奪其志生事死葬克盡婦職日夜紡績備嘗艱苦蕭逢茂妻黃氏年廿六孀守舅沒姑老饗殮不繼紡績承歡無倦色養其藐孤迄於成立

游碧泰妻舒氏年廿四孀守家貧侍養孀姑無懈志撫二子成立

陳竣妻冷氏年十七于歸又明年夫外出病故飲冰茹蘖竭力事病姑不間寒暑撫姪成立無異所生道光初學使王給貞筠

玉山縣志

卷八下 人物

十 列女

挺節匾獎

金登泰妻余氏年廿五孀守家貧舅姑早世勤紡績以養遺孤戚屬慶筵從未往赴

朱景曦妻雷氏年廿九守節孝養孀姑撫育孤子兩盡其道七十九歲卒

姜子錫妻吳氏年廿八孀守子女俱幼事孀姑孝養備至紡績度日撫子成立八十七歲卒

黃廷松妻王氏年廿九夫故侍奉孀姑甚得歡心日夜紡績教子八十一歲卒

林廷簡妻姜氏年廿二孀守家貧躬紡績撫孤子事舅姑盡禮

以上
城市

庠生楊文榜妻詹氏選貢翊謀孫女年廿九夫亡文桂妻鄭氏
監生惟寬女年廿八夫亡皆監生楊正榮媳也詹無出鄭生二
子俱幼同志守節孝事孀居繼姑勤儉持家笑言不苟子煥元
煜魁俱成名詹七十卒鄭八十卒

楊雲階妻潘氏職員之珙女年廿四生子寶田甫五歲夫亡誓
以身殉太姑諭之曰汝舅姑年俱五十予逾八旬汝死此遺孤
誰撫字之潘勉起受命孝事太姑舅姑晨昏不懈督子讀書成

玉山縣志

卷八下 人物

十一 列女

名以承夫志孫俱業儒年五十九請旌

邱堪發妻李氏年廿七孀守撫養二子成立

徐日盛妻陳氏年廿九孀守家貧紡績以養翁姑撫孤子清來
教讀成名九十六歲卒

庠生王如梅妻毛氏年二十孀守遺腹子一撫養教訓底於成
立五十六歲卒

王兆堂妻楊氏年二十夫亡孝養翁姑撫繼子成立八十一歲
卒

徐尙福妻楊氏年廿三孀守事舅姑克盡婦職撫孤成立六十

二歲卒

徐尙祿妻應氏年廿一孀守奉姑無虧婦職教子兼盡父道

黃自陞妻黎氏年廿六夫故家貧養舅姑撫二子所需皆出黎

手以上一都

監生王維睿妻吳氏年廿八孀守撫養繼子成立七十四歲卒

二都

錢毓璋妻毛氏年廿三夫故奉事孀姑撫子課孫備極勤勞六十歲卒

錢玉麟妻李氏年廿二夫亡孝事孀姑撫養二孤成立

玉山縣志

卷八下 人物

十二 列女

錢光科妻祝氏年廿五孀守孝養舅姑撫子成立不出戶庭人罕見其面四十三歲卒

錢德隆妻周氏年廿九夫亡矢志撫孤侍奉孀姑尤極篤摯

庠生程文彬妻王氏年廿四夫故守節撫孤孝養九十六歲老姑承歡無間

程文猷妻毛氏年廿九孀守孝事舅姑撫姪為嗣教養兼至孫俱賴成立七十九歲卒

武庠朱景昂妻楊氏年廿四夫亡孝養孀姑雖貧無缺禮育繼子有成八十四歲卒以上三都

徐上賓妻梁氏年廿七夫亡子在襁褓泣曰氏甯以家貧子幼而有異志乎誓苦守中年孤又歿梁慟哭幾絕勉撫兩孫成人備極艱辛

張光興妻劉氏年廿三孀守勤儉紡績孝養翁姑撫子以繼夫後

監生尹名楷妻周氏年廿二孀守奉事舅姑皆以壽考終方舅卧病弗起者七年定省歷久不懈撫繼子穉弱忽罹狂症逾年不藥自痊僉謂孝感

朱性靈妾葉氏年廿五夫故守志不渝事嫡育幼賢惠可風七

玉山縣志

卷八下 人物

十三 列女

十歲卒 以上四都

樂孟育妻徐氏年廿四守節遺腹子一撫養成立學博劉贈以聯曰與孝子忠臣並峙如蒼松翠柏長春嘉慶庚午學使汪給苦節遐齡匾獎八十二歲卒

詹時和妻陳氏年廿五孀守撫孤成立

詹志珠妻李氏年二十孀守撫繼子成人婚配又亡遺幼孫三資紡績以養以教

庠生李參杜妻程氏年廿九孀守撫子成立

楊知忠妻詹氏年廿九夫故撫孤子廷榑成立七十六卒廷榑

妻亦氏詹年廿六守節立繼爲嗣七十四卒姑媳同心孀守堅貞不渝

雷作潮妻楊氏年廿一孀守撫孤成立七十八歲卒

徐紹溇妻黃氏年廿九孀守奉姑孝撫養幼子成立

舒文均妻黃氏年三十孀守撫養繼子成立服事翁姑歷久無間 以上五都

監生羅廷棋妻米氏年二十孀守撫繼子成立

祝天瓊妻吳氏年廿八孀守撫養三子成立五十九歲卒

祝永模妻黃氏年二十孀守撫繼子成立四十五歲卒祝天龍

玉山縣志

卷八下 人物

十四 列女

妻吳氏年廿三孀守撫孤成立六十二歲卒 以上六都

柯遠禎妻詹氏年廿七夫亡事舅姑生歿盡禮撫孤子婚配成

立家世清貧備極勞瘁曾孫二

陳可通妻劉氏年廿九守節撫姪爲嗣教養兼至五十七歲卒

毛文清妻祝氏年廿四孀守奉老舅姑生歿無缺禮撫繼子成立

毛連城妻任氏年廿八夫亡矢志守節撫孤有成敬事翁姑姑卒遺夫幼弟在乳皆任撫養居舅喪葬祭盡禮 以上七都

吳永發妻周氏年十七歸吳五月夫故悲號絕粒誓從地下舅

姑諭以宗祧大義乃飲泣受命撫繼子如已出教養兼至延師課孫皆其力也初周幼時讀內則知孝道母瞽一載周日以舌舐之目復明及事舅姑亦如其事父母七十歲卒被旌 祀節孝

吳望洋妻楊氏年廿二孀守勤紡績以撫遺孤克底成立八十歲卒

庠生吳應昇妻毛氏年廿八夫亡矢志守節撫姪爲嗣教養兩全七十歲卒

吳暄妻鄭氏年二十孀守敬事舅姑撫遺腹子成立七十八歲卒

玉山縣志

卷八下 人物

十五 列女

吳棕妻孫氏年廿九孀守孝養舅姑晨昏不懈撫二子成立五十四歲卒

張仕傑妻徐氏年廿七孀守遺孤一齡撫養成立

吳望湖妻王氏年十九夫故家貧無人可繼王績紡度日誓不改節六十二歲卒

周世鉗妻吳氏年廿六孀守言笑不苟四十年間水操如一撫孤廷璐成立 以上八都

詹元芳妻劉氏年廿六孀守勤儉居家紡績撫孤督責訓誨俾克有成七十歲卒 九都

吳成榘妻毛氏年廿二孀守日夜紡績存活二孤

劉應矩妻陳氏年廿七孀守舅姑衣服飲食靡不躬視一疾痛疴癢必敬抑搔也撫一歲孤備歷三十四年劬勞卒

庠生毛大倫妻周氏年廿九夫故家貧或勸其改適誓曰吾直餓死不能爲狗彘行也苦守六十八歲卒

陳廷晴妻祝氏年廿二孀守甘貧撫遺腹子成立

毛達夫妻詹氏年二十而寡孝舅姑撫繼子嗣 以上十都

毛東陽妻周氏年三十孀守孝舅姑撫遺孤有成

陳觀道妻吳氏年廿八孀守勤紡績以養舅姑

玉山縣志

卷八下 人物

十六 列女

徐世祿妻盧氏年廿八孀守盡瘁三十載以存立二孤乃卒

陳楠蘊妻周氏年廿五孀守至年六十有一孤亡媳嫁而遺孫一人賴焉

庠生徐祥光妾黃氏年廿四孀守敬事嫡共撫嗣子持身勤儉不苟

吳世澄妻徐氏年廿九失所天勤儉治家撫育課督子文椿恩貢孫四人俱列膠庠苦守四十九年卒

柳其梓妻周氏年十八夫故無子矢志守貞不出戶庭孝舅姑撫繼男備極辛苦 以上十都

邱貴山妻譚氏年廿八孀守教三子成人晝灌園夜紵織以致
孝於其姑被旌 祀節孝

祝標積妻劉氏年廿七夫故非紡績無以爲生苦守五十七年
卒

鄭士均妻詹氏年二十失所天遺孤在抱事舅姑一出紡績喪
葬盡禮苦守六十三年卒

任嵩年妻祝氏年廿八夫歿子幼雖窘極無以自存猶苦守族
里罕有聞其言笑者年過五旬未嘗一過喜慶家

吳瀚繼室戴氏年廿二子未及週夫歿以舅姑爲已責姑疾藥

玉山縣志

卷八下 人物

十七 列女

不效百計圖存幾斃命妯娌稱其誠五十七歲卒

陳方言妻祝氏年廿一守節子良棟僅及週姑早世遺夫弟纔
三齡皆賴撫養成立知縣李獎以節培丹桂匾額年踰八十卒
李永體妻曾氏年廿四孀守奉事老姑撫育孤子

邱九臯妻陳氏年廿一夫故子甫週誓不再適忍飢寒撫孤兒
以承夫後中饋外妯娌或詢以家事則曰未亡人不敢言

莊允位妻李氏年廿六孀守善事舅姑孝養無缺撫繼爲嗣從
不與喜慶事 以上十
二都

方良華妻胡氏年廿五孀守事姑撫嗣紡績無間寒暄近八旬

猶未倦勤

王寯妻周氏年廿四夫故家貧撫繼子興祚成立艱苦不移五十五歲卒

周兆麒妻吳氏年廿二孀守撫襁褓孤兒每破涕作笑容以娛舅姑八十四歲卒

王大纁妻周氏年廿四痛夫亡欲殉姑慰之曰媳死孫幼奈王門姒續何周承順收淚且養且教雖子已生孫而飲泣如故

十三都

賴氏族居步古際多節孝 汝溪妻饒氏年二十孀守撫姪嗣

玉山縣志

卷八下 人物

十八 列女

赤貧無二志五十一歲卒 士寶妻鍾氏年廿七孀守子世燦

尙幼自奉飭粥紡績有餘貲卽具甘旨進姑年六十五卒 光

親妻陳氏孀守年廿三事姑撫孤備極辛勤 時仰妻連氏孀

守年廿五盡禮舅姑孤歿以姪嗣教養尤篤 明舉妻魏氏孀

守年廿七教讀遺孤翁姑嘉其孝

李乘時妻董氏年廿四孀守孝舅姑勤紡績以奉甘旨撫遺孤

教讀成立

以上十四都

姜曰楠妻徐氏年廿六孀守克孝舅姑遺孤炳四歲煦二歲以養以教至於成立五十一而終 王氏者志學妾也性端謹事

嫡如禮年廿二未育而志學病篤氏矢之曰死傍姜氏土身自是屏跡樓居五十四年 文淦妻明經徐之潮女少嫻家訓夫故年二十遺三歲孤曰梓慟幾絕復甦曰姜氏兩世只此點血耳紡績以盡教養待老姑寢膳無違姑疾終夜不敢就寢

陳連璧妻蔡氏年廿九夫歿事老姑能體其志勤育二孤夜績課讀黎明卽呼起就塾雖一家五世共爨井曰不辭勞瘁七十餘歲卒子德建妻詹氏年甫十六性貞靜識大義嘗默禱進湯以療夫病及卒詹年廿四無出誓從夫地下其太姑與姑怱之曰汝娣已舉子今娠而男俾後汝夫矣逾二月生男撫爲已子

玉山縣志

卷八下 人物

十九 列女

鞠育甚周

董廷轡妻徐氏年廿四孀守撫孤艱苦備嘗

董肇觀妻孫氏年二十孀守撫二月遺孤大浩稍長謂之曰汝父救人於險必當有後毋隳讀書志也及補邑庠知縣曾以柏節松齡匾獎八十四歲卒

歐陽文炳妻姜氏年廿八孀守姑老子幼無伯叔可依資辛勤具甘旨必怡顏以進延師課讀使子成其業

庠生廖綸妻洪氏年廿九孀守素嫻內則事老姑撫孤兒一如禮節

楊世海妻鄭氏年廿六守節姑老子幼無以爲生日夜紡績以
佐飢粥有勸其再適者卽厲色曰婦人安有二天耶七十一歲
卒以上十
五都

李觀妻王氏年廿八守節順老姑督幼子井曰外一無所知詬
諍不聞冰霜自矢

柯念華妻曾氏年廿八孀守撫育嬰兒身任勞瘁遭姑廢疾恒
推食伯氏以得其歡

曾吉孚妻鄭氏年十九孀守滄澹無缺於舅姑延師教遺孤不
隕其志四十歲卒

玉山縣志

卷八下 人物

二十 列女

倪有義妻鍾氏年廿五孀守家無餘粒減已食以奉舅姑及遺
孤成立而憂少釋七十二歲卒

王應麟妻邱氏年廿九夫亡僅遺一幼子家貧紡績度日至老
猶勤

柯念應妻吳氏年廿八孀守孝舅姑撫孤兒以上十
六都

王兆良繼室吳氏秉性淑柔素嫻內則兆良當兵部差官以親
老疾回籍終養吳佐視湯藥竭情致孝兆良終喪起復赴選
故吳年廿九迎柩歸里誓從九泉時側室李氏生菜纔數月曹
氏生如梧亦僅五齡吳念兩孤俱幼家政莫操勉強飲食俱作

殯葬涕泣調李氏曹氏曰夫君供職有年薄產幾盡汝二人勤儉教子成立庶了未亡人願耳因與歛跡深閨不衣帛不赴宴會其銖積寸累以課二子者皆數十年紡績之力也如梧太學生蔡邑庠生屢舉優行蔡生母先卒學使潘嘗給荻式松貞匾獎孫冕業儒

鄭元燿妻徐氏年十九孀守克盡孝養撫孤成立五十三歲卒
鄭廷機妻蘇氏年廿五孀守孝養舅姑撫孤成立五十四歲卒
徐敬敦妻許氏年廿八孀守孝養舅姑撫子教孫

李秀斌妻楊氏年廿九孀守孝養舅姑撫繼子成立

玉山縣志

卷八下 人物

二十一 列女

李攀桂妻楊氏年十八孀守孝養舅姑撫遺孤成立

張起彞妻柯氏年廿三孀守孝養舅姑撫繼子成立六十七歲卒

庠生劉豐妻詹氏年廿七孀守孝養舅姑撫遺孤成立

潘廣魁妻鄭氏年廿二孀守事舅姑始終不懈撫繼子大經恩義兼至

鄭毓珍妻吳氏年廿七孀守事舅姑無缺定省養遺孤一本義方六十歲卒

以上十七都

劉首乾妻邱氏年廿二孀守撫遺孤成立

何仕壽妻章氏年廿一孀守撫遺孤成立

周文燭妻張氏年廿六孀守撫育二子教讀婚配之資俱出一手以上十
八都

傅正鍾妻姜氏年廿四夫亡止生一女子尚在娠也舅沒姑老雖艱於菽水事之必盡其歡及子年近五十但日以弄孫自娛初不言苦節

毛兆璵妻傅氏年廿七孀守孝養舅姑撫繼子成立

徐履謙妻程氏年廿九夫亡誓以死從太姑曰汝不念子幼獨不念予老乎程勉進食勤紡績太姑病侍湯藥不離及歿葬祭

玉山縣志

卷八下 人物

二十二 列女

盡禮四十四歲卒

庠生王沛妻劉氏年廿六孀守躬勤紡績以養舅姑延師教子

底於有成六十七歲卒以上十
九都

周光遠妻黃氏年三十孀守撫養遺腹子成立八十五歲卒

趙明助妻王氏年廿一孀守撫養遺孤成立八十六歲卒

胡啟斗妻周氏年十九孀守孝養舅姑撫繼子成立七十八歲

卒

黃正權妻俞氏年廿七孀守孝養舅姑撫繼子成立

增生王江雋妻吳氏年十六歸江雋而江雋病腫易狂怒每入

侍湯藥輒遭扶有爲之戚者曰易怒病耳愈當自止歲餘無怨色亦無倦容病篤江雋目吳謂所親曰如此艾年終屬他人婦耳吳聞之中夜飲泣欲先夫死遂自經懸絕得不死江雋卒吳年廿八幡然堂上姑子樹荀樹荃俱幼每慟哭幾絕未嘗不念仰事俯育強吞聲忍淚也遣二子就傅義方之嚴過於師保二子先後爲諸生益期以遠大及樹荀迎養湖南唯以勤慎廉仁爲勗凡所衣食無異窮經生母焉年六十卒於署庠生渭雋妻舒氏於吳爲叔妯事姑孝事夫敬年廿九渭雋病屢籲天以身代及卒慟不欲生旣而語吳曰一月遺孤夫不絕如縷與若共爲未亡人難以死塞責也於是出入必偕水操共勵後吳十餘年而卒

玉山縣志

卷八下 人物

二十三 列女

王樹芬妻周氏年廿八夫亡以遺孤故節哀盡禮有祖姑周氏風舅淮雋與夫相繼歿事姑色養無少懈爲孤授室生孫孤歿僅存田十餘畝猶能躬紡績以撫諸幼孫不致鬻先人產

以上二
十都

陳仁誥妻林氏年廿三孀守孝養舅姑撫遺孤有成卒年八十
三孫曾林立儉泊居家手置田產垂老猶勤

徐欽發妻張氏年廿九孀守侍奉太姑舅姑孝養備至撫育遺

子延師教督年七十餘猶勵子孫勤儉讀書子遵禮庠生

監生徐克勤妻余氏年廿九孀守善承夫志孝養舅姑每紡績中饋暇則以義方訓子孫成均庠序並有聲八十二歲卒

徐望江妻毛氏年二十孀守家貧子亡撫繼子成立

葉承繡妻陳氏年廿九孀守育螟子

以上廿一都

鮑景淵妻查氏年廿九孀守孝養舅姑撫三孤成立

趙振熊妻毛氏年廿二孀守事舅姑撫孤六十九歲卒

趙元源妻許氏年廿九孀守甘貧勤績撫孤

韓開畿妻徐氏年廿三孀守誓死不嫁孝養舅姑撫繼子有成

玉山縣志

卷八下 人物

二十四 列女

洪揚妻喻氏年廿一生子未彌月夫歿誓以身殉時舅與祖姑在堂諭以撫孤爲重強起受命家故貧資紡績佐膳未嘗以匱乏告舅與祖姑繼歿哀痛盡禮紀喪葬教子讀書期光大門

閻孫鈞補弟子員道光二年請旌

以上廿三都

吳伯達妻鍾氏年十七歸伯達入門遭姑喪哀痛逾節生子敦賢敦懷而伯達歿時年廿七念翁老子幼勉作未亡人勤繅織以事翁甘旨不缺翁歿喪葬盡禮教二子有義方七十八歲卒

羅文勇妻吳氏年廿七孀守孝養舅姑撫孤及孫成立

顏仕榮妻張氏年三十孀守孝養舅姑延師課子不少姑息八

十一歲卒

顏學淮妻吳氏年廿二夫歿矢志靡他事孀姑得其歡心撫孤成立斂跡深閨者二十二年卒

顏學銘妻陳氏年廿五孀守勤儉持家撫繼子成立

顏學鉞妻吳氏年廿二孀守孝養舅姑課子成立

顏天初妻張氏幼端莊孝事父母年十七歸顏舅姑暨祖舅姑在堂並得歡心夫歿張年廿七遺孤三俱幼慟不欲生舅姑諭以撫孤爲重始飲泣受命督子力學三十年如一日子祿珪補弟子員

玉山縣志

卷八下 人物

二十五 列女

顏學釜妻吳氏年廿七孀守孝養舅姑撫孤成立

張維址妻花氏年廿一夫亡子方在娠踰月葬柩出至路子生因名曰路辛勤撫養教以成立事舅姑無失職路年七十爲母洗腆邑進士尹文炳贈以耄操古稀匾額又六年乃卒

吳開嬰妻張氏年十九歸吳事舅姑能得歡心生子光復甫一歲夫歿時年廿二矢志孀守遭舅姑喪哀痛盡禮撫孤成立

吳開標妻顏氏年廿二孀守孝養舅姑撫孤成立七十二歲卒

以上廿
四都

吳伯挺妻黃氏少以孝聞年十七歸伯挺家故貧親操井臼不

辭勞勩生子敦朝敦忠而夫歿時年廿八哀慟昏絕旣念姑老子幼不難於死而難於守遂嚴鍵閉勤紡績以資姑饌子稍長督責防閑不少姑息姑亡二子後先繼歿黃益熒子辛勤撫諸孫教以習正務親正人不數十年孫曾繼起科第仕宦爲邑望族乾隆十三年旌表

祀節孝

吳士發側室馬氏年廿九夫亡矢志守節撫子文仁文健文俊就傅歸篝燈自課寒暑不輟比長督責益嚴及文健成進士文仁文俊皆登仕籍處之泊如或問之曰儒者事業無窮豈科第仕宦可了子請迎養不許曰母累汝治家內外整肅遇祭祀誠

玉山縣志

卷八下 人物

二十六

列女

敬有加族戚貧乏者必周恤之嘉慶四年由錢唐縣請旌

祀節孝

吳士仰妻蘇氏年廿八夫歿痛欲身殉念夫本出繼又無子當勉爲其難遂請於本生姑撫姪文蔚文雅爲嗣延師課督不少姑息嘗詔兩嗣子曰爾父與伯叔同事艱苦遺命爲我後者家產悉照七兄弟均分不得以我過繼妄思析半今爾讀書明理當知和睦周親毋使爾父抱憾九原後分產恪遵蘇命以文雅捐授州同加級贈宜人嘉慶十三年旌表長孫瑛登賢書

祀節孝

吳士哲妻林氏少以孝聞年十七歸士哲哲貿易姑蘇晨昏定省皆賴林無內顧憂生二子士哲歿林年廿五誓以身殉絕水

漿者數日姑諭以養老撫孤始強就食終身不踰閨闈惟日潔滄漣以博姑歡撫子文廉文儀教督成立儀無子先林數月卒命廉以子章鋹嗣鋹籍杭州嘉慶四年由杭請旌 祀節孝

吳文正妻賴氏小字午娘年十八歸文正夫原抱病未四十日而亡賴矢志靡他孝養舅姑撫姪爲嗣教督成立垂五十年未嘗聞其笑語嘉慶九年旌表 祀節孝

庠生吳文瑤妻郭氏少有至性家瀕河父隔岸耕抵暮郭必詣門候父歸一日見父涉河至急流跌亟喊躍入水眾聞奔救父女始免胥溺時以曹孝女目之年十七歸文瑤爲繼室有雞鳴

玉山縣志

卷八下 人物

二十七

列女

戒旦風庚子鄉試文瑤病歿於省郭年廿九聞訃大慟喪歸以首撞棺者再誓不欲生族眾諭以事姑撫子大義始飲泣受命晨夕不離姑側子二皆聰慧延師教讀冀成夫志未幾姑亡長子殤撫次子尤謹次子授室後夫妻相繼歿僅遺一啞孫不絕如綫嘉慶十七年旌表 祀節孝

吳文饒妻顏氏性端淑遭姑喪哀痛盡禮事繼姑尤謹年廿七文饒病咯血舅亦卧病顏兩視湯藥不解衣帶者經年文饒歿舅以傷子疾篤繼歿顏與繼姑同寢處甘旨無缺姑嘗患弱症需參朮鬻衣釵佐之撫夫兄子章瑄爲嗣教督成立嘉慶十七

年旌表 祀節孝

林長掀妻顏氏年廿九夫歿遺孤甫四歲家貧父母勸其改嫁泣曰舅姑垂老所需菽水幾何顧兩世僅此藐孤去將誰屬遂矢守撫子成立歷四十二年而卒後嗣多列膠庠

林文佐妻吳氏年廿三孀守孝養舅姑撫繼子懷香教督成立五十一歲卒

林士僅士珊並娶顏氏兄弟相繼歿瑾妻年廿三珊妻年二十
姊姒矢志孀守出同操作入同寢處撫養孤子善事舅姑越四
十年無變志稱林門節者首推二顏

玉山縣志

卷八下 人物

二十八 列女

林高蓬妻廖氏年廿二孀守孝養舅姑撫孤成立

黃元澗妻楊氏年廿八孀守家故貧或諷以他適楊截髮自誓
足不踰閭撫三子成立七十二歲卒

黃志鎔妻林氏年廿九孀守孝養舅姑撫孤成立五十八歲卒

張如鉅妻王氏年十九孀守事姑盡孝撫嗣子成立

張學潛妻陳氏年廿二孀守孝事舅姑撫孤成立 以上二十五都

王仲輝妻姚氏庠生姚際盛女也年十七歸王甫一月夫歿欲
殉姑諭以義乃含哀強起事姑撫兩族子嗣各生孫一曰應勳
應元兩嗣繼亡勳又亡益勵志訓勳元子成立請旌建清標彤

管坊卒年九十一親見孫生孫者十餘人祀節

賴汝明妻張氏歸賴五年生一男而夫歿欲殉舅姑諭以撫孤

乃聽命孝養無違男賴成立八十五歲卒

庠生劉鶴鳴妻吳氏年廿七孀守敬舅姑撫孤子姑卒哭之喪

明以上二
十六都

李興發妻周氏年廿七孀守拾株實療飢勤紡績以膳老姑子

孫業儒賴檢討峯贈萱秉松操匾獎

邱際唐妻程氏庠生邱書祥母也年廿五守節書祥與兄光蘊

又早故無出程撫繼孫為嗣

玉山縣志

卷八下 人物

二十九 列女

邱叔鑑妻程氏年廿五孀守甘貧紡績奉事舅姑義方訓子至老不倦

陳新醮妻黃氏年廿六孀守孝事舅姑撫孤成立以上二
十七都

童應瑁妻程氏年廿一守節撫遺腹七月孤名之曰達魁習文

不售遂習武入庠而歿媳林氏依姑矢志貧苦不移林無出待

繼為嗣稱童家坊雙節

山頭店王起沛妻葉氏文模妻李氏亦以雙節著葉年廿三夫

故無子或勸改適曰吾舅姑誰與養也劉學博彪以勵貞匪石

匾獎六十八卒以姪嗣李年十九歸王三月而夫染惡疾卧床

七載躬紡績供湯藥及卒李甘貧撫孤事舅姑尤謹

花大門陳姓又有稱雙節者庠生基妻吳氏年廿七夫亡孝事
孀姑訓三子以義方七十四歲卒梧妻余氏年廿三夫亡孝事
舅姑撫嗣艱苦成立

孫文生妻楊氏年十八守節甘貧勵志奉舅姑撫繼為嗣八十
三歲卒郡守周錚元以冰霜節操匾獎

武庠生王飛熊妻余氏年廿六夫亡家貧勵志孝事孀姑撫孤
成立

余兆均妻程氏年廿五夫亡矢志苦守孝養舅姑撫孤成立

玉山縣志

卷八下 人物

三十 列女

王懋通妻葉氏年廿九孀守甘貧事姑撫孤成立

王思懋妻陳氏年廿九孀守奉事舅姑撫孤成立 以上二
十八都

楊宗民妻巫氏年廿二孀守孝養孀姑撫孤成立五十三歲卒
二十
九都

雙溪口葉氏有節孝婦四焉元哲妻蘇氏庠生士楷孫婦也年
廿三歸葉明年姑卒夫繼亡翁虐嗣斬娶繼室又納妾踰年翁
亦卒時楷妻尙在蘇事祖姑及二姑曲盡婦道從伯蒼為立嗣
起錫生孫不育而起錫亡庠生元馥妻王氏年廿三夫亡欲殉
翁諭以義乃撫繼子養舅姑備極勤瘁兆蘇妻程氏文惠妻楊

氏俱年廿五孀守撫繼爲嗣壽逾七旬賓貢童其遷贈楊詩云
守身清潔欺霜雪矢志堅貞傲柏筠立後爲夫完大節他年不
愧未亡人而程之食貧苦節尤有難者

陳彬妻程氏年廿四孀守矢志堅貞撫繼爲嗣八十歲卒

姚樂芸妻汪氏年廿四孀守訓諸姪成立清節無玷以上三
十都

周日德妻張氏年廿六夫亡事翁撫繼六十二歲卒其族榮賓
妻謝氏年廿五夫亡撫繼勵志甘貧稱周氏雙節

葉應祥妻王氏庠生庭芳母年廿五孀守教子成名以上三
十一都

庠生蔡朝聘妾馬氏年廿五與嫡守嫡歿遇嫡子士仰士望厚

玉山縣志

卷八下 人物

三十一 列女

於己子卒年五十八子士俊請旌祀節
孝士仰妻賴氏年廿三夫

亡子庠生元河妻顏氏年廿四夫亡姑慈媳孝相倚四十年前
壽終賜稱三世守節顏無出姪嗣

雷德修妻周氏夫亡守節撫族子鴻翽嗣年逾五十得旌後乃
卒祀節
孝

張大鏌妻李氏年廿四守節撫嗣

祝德光妻毛氏年廿六守節撫孤

魏志魁妻李氏年二十守節謹事孀姑撫三月孤成立約束有
方

李鳳翔妻詹氏年廿四孀守奉養翁姑惟謹撫育孤子成立卒
年七十九以上三十二都

儒士邱巖妻王氏年廿五弟峻妻俞氏年二十巖峻同舟應試
溺於水涕似矢志終事翁姑無出以姪嗣王孤娶室而死同

志苦節稱一門雙璧三十三都

陳廷五妻楊氏年廿七孀守孝事老姑撫孤成立六十五歲卒

顧曰寬妻余氏年廿九孀守奉繼姑無懈撫孤成立

顧曰聰妻李氏年廿九孀守善事翁姑撫三孤成立

鄭清玃妻羅氏年廿二孀守無子以姪泰昌嗣飲食教誨如所

玉山縣志

卷八下 人物

三十二 列女

生以上三十四都

陳鏞妻余氏年廿九孀守躬親家政日夜勤勞孝養繼姑撫孤
成立三十五都

陳玉書妻余氏年廿四孀守撫養遺孤備極勤勞六十四歲卒
監生余廷杞妻董氏年廿一守節姑老女幼遺孤英甫七月仰
事俯育備極勤勞姑歿盡禮英補邑庠六十七歲卒孫輩成行

以上三
十六都

顧世銘妻詹氏年廿五孀守遺腹子一以家事付內兄管理杜
門不出撫孤成立七十五歲卒

姜吉仔妻何氏年十七歸姜未半載夫溺死撫伯穉子爲嗣又
歿何終苦守五十二歲卒

劉光彪妻鄭氏年廿三守節孝養孀姑男女婚嫁俱出二手
廩生林世弼妻邱氏年三十守節姑媳孀居勵志撫孤成立知
縣李公鴻翔匾其廬曰雙節流輝

林宗疇妻吳氏年三十孀守孝翁姑撫二子長子華補邑庠
林良棟妻徐氏年廿七孀守孝事病姑謹侍湯藥撫孤成立

姚光祥妻陳氏年廿四孀守事舅姑督諸子以孝慈稱以上三
十七都
何維參妻吳氏年廿一夫亡孝養孀姑撫孤成立學使汪給苦

玉山縣志

卷八下 人物

三十三 列女

節遐齡匾獎八十四歲卒

宋伯興妻羅氏年十七孀守養孀姑撫孤子

何仕海妻毛氏選貢世球祖姑也年廿二而寡遺腹子學寶歿
以姊子嗣又歿遺孫一甫二歲孀媳徐年二十共守無玷撫孫

成立以上三
十八都

鄭起桂妻詹氏年廿六孀守善事舅姑撫孤成立七十三歲卒

吳敦麟妻鄭氏年廿五孀守撫繼子成立七十九歲卒

吳士深妻黃氏年廿五孀守孝事翁姑撫二子有成六十三歲
卒

邱泓淮妻黃氏年廿五孀守孝事翁姑撫二子成立八十歲卒
邱朝儼妻李氏年廿五孀守事姑撫子孝養無虧八十歲卒
吳敦寬妻余氏年廿七孀守孝翁姑教二子成名學使王給節
堅萱茂匾獎八十六歲卒

鄭天裕妻潘氏年廿九孀守事姑撫孤兩盡其道七十歲卒
歐陽璋妻周氏年廿九孀守孝事舅姑二子成立

邱之冠妻賴氏年廿六孀守養老姑撫孤子

以上三十九都

貢生陳家瑗妻尹氏年廿四孀守孝事舅姑繼子歿矢志不渝
江天錫妻李氏年十九夫亡撫姪嗣辛勤教督五十歲卒人罕

玉山縣志

卷八下 人物

三十四 列女

見面

庠生姚光樂妻戴氏年廿九夫亡矢志堅守撫子成立七十二
歲卒元登妻蔡氏年廿四孀守長男光南亦早世媳林氏年廿
七無子相與撫立繼嗣教督有成姑媳俱清節無玷卒玉秋妻
柯氏年廿四孀守家無擔石十指辛勤玉韶妻張氏年廿六夫
亡兒未晬躬紡績孝養孀姑撫子成立姚氏以節著者五人
鄭永清永江兄弟相繼卒清妻謝氏年廿三江妻黃氏年廿六
誓不俱生姑諭各撫孤勉承姑志諸娣姒微覘之無日無淚痕
也晚年各子婦孫兒繞膝

洪廷卿妻樂氏年廿四孀守孝養舅姑撫遺孤成立四十五歲卒以上四都

姚玉上妻惠氏年少姿美同夫避亂三十八都巖下遭賊搜捕挾以上馬堅拒不從賊怒亂刃副之前府志 祀節孝

吳昇妻詹氏遭亂遇賊於三十八都洪橋溪被賊執有子在抱義不受汚母子投河死全上 祀節孝

鄭永祿妻王氏子甫一歲戊子年三月初二日被亂兵所執堅志不從抱子投河死全上 祀節孝

庠生程觀象妻舒氏丁亥被兵獲脅之不從即解所佩剃刀割

玉山縣志

卷八下 人物

三五 列女

頸血淋漓仆地兵驚走久之始甦戊子夫婦避亂山中夫被戮舒伺賊退收骸掩葬年方二十有勢豪謀娶者斷髮以死拒之

養姑訓子凡二十餘年節唐志 祀節孝

舒氏女許字艾廷勲年十八廷勲卒從母往弔見翁姑年老侍養乏人即謝母留代夫終事翁姑流涕曰事非朝夕汝年少毋以吾兒誤也舒泣曰嘗聞吾母訓矣婦人貞吉從一而終翁姑復曰吾家世貧薄豈不懼餓死乎又泣曰失節何如餓死遂留撫猶子爲子妣詹氏孀守三年微有去志見娣之留也遂誓守共紡績事育翁臨終曰不知艾氏何德得此賢婦道光壬午請

旌節魯厚畬初稿

許菊姑尚明女年十三字徐忽右膝病癰癰痊足微跛徐氏子欲別議婚父使媒致命曰願以少女代徐允焉妹聞議成終姊臂奪金條脫去明年妹適徐旋卒而菊姑誓不適人孝養父母以終

魯鴻五雲館錄

王春英性貞靜年二十許聘母舅吳之姪夫故誓不再字勤修中饋奉親益篤年四十二父亡五十六母故兄亦故兄子事之如母

畢瀛妻劉氏年十一歸畢爲童媳夫歿尙未合卺也劉清貞自

玉山縣志

卷八下 人物

三十六

列女

矢孝養舅姑撫繼子成立

程節姑士祿女年及笄未有兄弟母多病慮湯藥無依也遂矢志不字盡情孝養至三十八歲而母病故勸父續娶復孝事如初後舉弱弟與繼母同撫成立終貞其身以七十四歲卒

吳吉姑父紹宗被媒欺受江邑某聘爲僕婦比覺悔無及矣白於族族以紹宗不謹陷女於賤祠法當黜紹宗憂鬱無措女曰族議黜父以我故也毋留我以羞玷父族夜赴池塘死越日屍浮衣裙密縫面色如生

祀節孝

按以上自姚惠氏至吳吉姑十口前志分載節烈貞烈今合記

程國球妻毛氏年廿九守節甘貧終養舅姑苦育兩孤成立卒年六十二

程儲楓妻吳氏年廿九守節甘貧撫孤成立卒年五十六

陸繼基妻程氏年廿三守節撫兩世孤心力俱瘁以上三都

錢明瑾妻程氏年廿一守節甘貧撫兩世孤成立

錢上溜妻祝氏年廿三夫亡子開來在抱紡績奉舅姑八十三

歲卒開來領歲薦

程溱詩 巍巍冰雪心皎皎柏舟節課讀慰亡人心枯存點血

朱大松妻曾氏年廿二孀守舅姑定省無懈繼子養育有成卒

玉山縣志

卷八下 人物

三七 列女

年六十二 以上四都

吳渚妻周氏年廿七孀守撫孤賴紡績以底成立卒年五十九

八都

詹元佐妻周氏年三十孀守撫孤晨夕無間舅姑詬誶不聞妯

娒俯仰皆資紡績

吳應台妻董氏年廿八孀守侍奉無虧訓子克立知縣張員外

郎裴先後匾獎踰七旬卒 十一都

祝兆祥妻陳氏年廿八孀守事奇艱辛閨範能恪卒年七十七

十二都

俞棠妻吳氏年廿八孀守終事舅姑撫孤成立卒年七十八

六都

蔡兆旌妻魯氏年廿六夫亡無嗣紡績完貞

八都

以上前志補遺

吳欽彥妻劉氏年廿八孀守秉性仁慈撫孤成立卒年五十八
旌 以下新增

吳攀桂妻阮氏年廿四孀守青年貞節艱苦備嘗卒年四十三
旌

姚壽遠妻吳氏年廿八孀守性甘淡泊安貧紡績旌

玉山縣志

卷八下 人物

三十八

列女

吳必光妻羅氏年廿八孀守青年勵志勤儉撫孤旌

李芝姑舉人日曜女三歲許字本邑陳盛為妻及笄未嫁陳流
蕩杳無音耗芝姑以父老母故一弟瞽日矢志守貞代子事父
年三十病不服藥卒旌

蕭其玉妻巴氏歲貢廷梅女封職溥智媳也年廿五孀守堅貞
獨矢節孝無虧撫三孤成立長子慶銓以大父故理家政援例
入監次慶燿三慶綸遺腹生均弱冠遊庠綸登道光己酉賢書
氏年逾七十奉旌

梁一鶚節母詞 湘東筆蕭氏續書節孝宜金管節孝全
兮奉褒旌蕭母巴女兩姓榮 一解 母昔于歸七年夫

歿手撫夫兩孤腹孕夫遺血未亡人不亡翁姑滿頭雪
二解 兒孤露母心悲兒成立父不知父雖不知母心靡
遺吁嗟乎母心靡遺靡有窮期 三解 母心長兒壽促
予季捷蟾宮仲兮旋不祿伯也傷弟死一慟命莫續嗟嗟
予季熒熒孤鶯 四解 母曰嗟兒無兄矣兒身單矣兒
名成矣母心殫矣兒其珍惜矣母頭白矣 五解 嗟母
與兒運阨陽九兒病疴兮拜星斗朝南斗暮北斗願生我
兒乞代以母嗟兒病疴嗟母心寒嗟昔兒生父蓋棺 六
解 惻惻孀閨姑媳是依撫我孫枝如我兒時嗚呼我孫
冠者相繼死少小之孫一綫耳母年邁矣孫年纔幾孫成
人兮母乃死 七解 堅乎母節枯矣母血血雖枯兮名
不滅峩峩坊表玉城闈千秋萬載風霜閱 八解

邑庠何道生妻舒氏年廿七孀守靜默寡言背人輒向隅泣家
食常日一食留餘以食子子非母食亦不食聞者嗟異年三十
七卒

玉山縣志

卷八下 人物

三十九 列女

吳觀生妻羅氏年廿三孀守安貧孝養撫孤子蕃昌成立現年
七十三

吳兆元妻潘氏年廿七孀守家貧無子躬紡績以事舅姑苦節
四十餘年而卒

監生符定瀾繼妻葉氏年廿一孀守事舅姑以孝聞現年五十
八

監生符超羣妻詹氏年廿九孀守事舅姑無缺禮撫孤成立現
年五十四

凌倫炳妻艾氏年廿一孀守孝事舅姑撫遺腹子集英教養備

至現年六十二

凌倫輝妻吳氏年廿五孀守孝事舅姑撫孤子懷仁成立現年

五十四

楊關生妻吳氏年廿八孀守甘貧紡績事舅姑惟謹子歿無嗣就養女家卒年八十八

監生曾之梅妻羅氏年廿九孀守孝養舅姑撫孤子曰唯成立年六十八卒

張金雲妻戴氏與雲俱年逾八十咸豐戊午七月髮逆蓬至索雲金不遂毆雲戴泥首爲夫乞命賊不聽毆益急雲匍匐門外

玉山縣志

卷八下 人物

四十 列女

仆戴以夫死憤罵賊怒火其居戴與屋俱燼雲後獲甦常哭曰戴爲我死

黃玉權妻邱氏邑庠淑聖女咸豐戊午偕夫家族姑避亂猝遇賊邱知不免解襁褓子付族姑泣曰黃氏只此點血乞善撫養賊逼邱邱義不受辱極口罵詈賊刃之破顱死時年三十三

羅新舜妻黃氏年廿九孀守事舅姑孝撫繼子紹基成立咸豐辛酉抱病避亂猝遇賊索金黃罵之賊縛其兩將指於樑死年五十一

黃宗藩妻李氏同治癸亥正月避亂舟中至楊宅灘遇賊義不

受汚投河死有子十歲女十三歲俱隨母死李年三十一
周國器妾李氏生五子年三十夫亡事嫡如姑撫孤成立年六
十六卒

周德元德英德修俱國器子德元妻梁氏年廿九孀守有子二
現年五十八德英妻羅氏年十九于歸五月而夫歿誓不欲生
姑諭以同守以德元次子爲嗣現年六十四德修妻王氏年廿
一孀守以從姪嗣卒年五十八周氏一門蓋四節婦焉

姚文靜女福屏年十四未字咸豐辛酉三月母女避亂賊至掠
女去母執女手乞哀賊怒欲殺其母女謂賊舍吾母則汝從賊

玉山縣志

卷八下 人物

四十一 列女

舍之又顧謂母曰速去毋兩斃度母旣去遂忿詈格鬪賊殺之
委屍於壑

陳壯圖妻王氏年廿九夫亡甘貧勵節撫三孤成立卒年六十
九

尹瑞燮妻湯氏年廿九夫亡紡績孝養撫孤成立卒年五十四
王定邦妻李氏年廿九孀守孝養舅姑撫子殿臣成立現年五
十七

樊文斗妻吳氏年廿三孀守甘貧紡績撫孤成立卒年九十
州同職符勲妻曾氏年廿九孀守勤儉持家孝養無缺撫孤成

立現年五十六

王新喜妻聶氏常邑職員紹本女也年廿四夫亡勤儉持家撫孤成立卒年五十二

朱元豐妻羅氏年廿七孀守事姑以孝聞

潘兆湧妻張氏年廿二孀守紡績度日撫孤存德成立卒年六十一

從九職鄭詩若妻畢氏杭州畢綸女也幼習班氏女誠通大義詩字亦可觀綸與詩若父維亭同官直隸遂訂婚歸鄭三月而詩若卒氏號痛不欲生姑泣諭乃止旣而綸致仕維亭亦解組

玉山縣志

卷八下 人物

四十二

列女

氏隨父母回杭侍晨昏不離一日父欲觀其志謂曰汝舅以書來欲爲汝作百年子孫計若何氏曰舅爲兒作子孫計其以夫之猶子嗣乎外無他計也父善其志爲慰藉者久之父母卒詩若之兄詩敏官玉山如其言以次子嗣之迎養署中閉戶獨坐隻字不復作卽家人罕見其面卒年三十八後詩敏卒於官子孫遂籍玉山

從九朱德鈞妻徐氏郡庠允直第三女也幼以孝聞大母年七十餘五更輒口渴思飲氏雞鳴輒起瀹茗以待及笄旣納徵請期適父喪夫家欲乘喪娶氏不可終喪乃嫁無何德鈞卒氏哀

慟不欲生絕粒者五日僉以夫嗣未立爲勸乃稍進薄粥旣殯掃斗室奉夫木主晨夕相對如平生初德鈞家小康旣中落舅姑雙櫬猶未葬曰此吾夫未了事也紡績數年積錢三十緡交夫弟某營兆焉

監生吳國祥妾麻氏年廿五孀守孝養老姑喪葬如禮生子復殤撫族子爲嗣勤儉教養現年六十九 以上城市

徐方葵妻王氏年二十孀守堅貞自勵撫孤成立旌

楊仕羣妻舒氏年廿七孀守和睦妯娌衆稱賢淑

徐士馨妻洪氏年廿五孀守孝事舅姑撫孤成立現年六十五

玉山縣志

卷八下 人物

四十三

列女

楊開文妻黃氏廩生軼羣女爲童媳咸豐戊午年十六未合卺也七月十五遇賊不屈投河死

詹延義妻喻氏年廿五孀守翁失明氏甘貧紡績以養翁姑喪葬盡禮現年六十一

徐樂華妻鄭氏邑庠琢成女年廿七孀守孝養翁姑撫孤又歿苦節不渝現年七十六

徐方花妻陳氏年廿八孀守孝事舅姑撫孤成立現年五十八楊達孝妻張氏年廿七孀守孝事舅姑撫二子成立卒年八十

九

楊仕筐妻蔡氏年廿六孀守孝事舅姑撫孤成立現年六十四
楊仕笙妻徐氏年廿二孀守誓撫遺孤貧無二志現年五十八
楊甘霖妻朱氏年廿八孀守事太姑及舅不怠撫三子成立卒
年五十三

楊榮升妻姜氏年廿一孀守孝事老姑和睦妯娌撫夫姪爲嗣
現年五十七

舒朝孫妻章氏年廿一孀守甘貧勵志孝事舅姑撫遺腹孤成
立現年五十九

武庠吳廷耀妻徐氏廩生含章女咸豐戊午七月隨家屬避亂

玉山縣志

卷八下 人物

四十四

列女

遇賊遮之氏指路側陂塘語其屬曰世代書香可受辱乎幸歸
告屍我於是語畢奮袂躍入賊大駭援以槩浮沉之頃轉入深
際以沒 以上一都

米家玉妻官氏咸豐辛酉遇賊守節不辱死時年四十七

米家石妻任氏年廿九夫亡青年孀守秉性堅貞旌 以上二都

程兆烜妻王氏年三十孀守勵志貞淑奉事舅姑旌

程宗燦妻錢氏婦道素謹遇賊不屈死

錢士鍾妻程氏年廿九夫故無子矢志靡他撫夫姪爲嗣卒年
八十九 以上三都

監生周德盛聘繼室朱氏婚期未及而德盛歿氏從母往弔因
守喪帷誓不再字代夫事姑撫前室子十年卒年三十二旌
徐上漳妻朱氏年廿四孀守孝事老姑子喪復撫孤孫成立卒
年八十四

徐之純妻符氏年廿八孀守勤儉持家撫孤成立卒年五十

錢士速妻王氏年廿六孀守孝事舅姑撫孤成立卒年七十

錢士蘭妻余氏年廿九孀守撫孤成立現年五十五

饒孔炤繼室李氏年廿一孀守撫孤成立卒年八十三

饒孔振妻王氏年廿八孀守甘貧勵志撫孤成立卒年六十五

玉山縣志

卷八下 人物

四十五 列女

以上
四都

李士貴妻羅氏年廿五孀守孝事舅姑撫孤成立氏幼習詩書
長嫻禮義鄉里欽其淑慎延請訓童男女十有餘年聆其教者
咸知禮法不愧師表并痛念本身父母乏嗣積館穀羨餘爲父
母奉木主入祀羅氏宗祠道光二十四年旌

董成炷妻魏氏年三十孀守矢志堅貞不出戶外卒年五十旌
梁以祖妻祝氏年廿八孀守苦節孝養清白無玷旌其倬妻毛
氏歲貢毛鴻賓女年十九孀守事姑嫜盡禮撫繼子以慈卒年
四十五監生其璠妻丁氏年二十孀守孝養翁姑撫遺腹子成

立卒年四十二其璋妻凌氏年廿二夫死無子以璋弟之子爲子孝養無虧卒年四十梁氏一門以節著者四

徐翔麟妻楊氏年廿九孀守孝事翁姑撫四子成立現年六十

四

王延陵妻楊氏年廿四孀守甘貧勵志撫二孤成立卒年五十

三

謝應道妻舒氏年廿八孀守孝事翁姑撫孤成立卒年五十三

余爾相妻蔡氏年三十孀守冰霜勵節慈孝無虧卒年六十七

沈德和妻舒氏年三十孀守子歿復撫孤孫成立勤儉持家增

玉山縣志

卷八下 人物

四十六 列女

置產業拓大門閭鄰里時賴濟卹卒年八十一

沈德意妻李氏年廿四孀守紡績撫孤并撫兩孤姪成立卒年

七十三必端妻林氏年廿八孀守孝事翁姑撫孤成立卒年四

十六必財妻蔡氏年廿五孀守撫孤成立克增產業並舒氏稱

沈門四節

江德生妻李氏年廿八孀守十指經營撫孤成立卒年六十五

黃振羣妻劉氏年廿七孀守撫孤成立年七十六卒

六都

周昌瑞妻鄢氏年廿九孀守紡績勤儉撫五子成立卒年六十

五

監生毛錫霖妻詹氏年三十孀守孝事繼姑撫孤成立現年七十七 以上七都

吳祥妻俞氏年廿八孀守孝事翁姑撫孤成立卒年六十九
李嵩靈女名芹字須江姜姓咸豐戊午三月粵匪至嵩靈集眾拒之斃其一而退然審賊必大至舉家倉皇謀避女曰賊勢偏至此避將安之願父量力女惟一死報父母耳既而賊果蠡擁至殺戮甚慘獨憙女而握其手女曰胡不斷我手捉其髮女曰胡不斷我頭賊逼之則内外衣摺疊密縫女織賊駭怒女大怒罵不輟延頸受戮死

玉山縣志

卷八下 人物

四十七

列女

吳洙妻錢氏年二十孀守安貧事畜子歿撫孀媳童孫成立卒年六十四 以上八都

詹文麟妻王氏年廿九孀守子在抱舅姑繼歿辛勤紡績撫孤成立現年五十七

詹世義妻毛氏年二十孀守子在抱辛勤紡績孝事舅姑撫孤成立現年六十二

毛廷揚妻劉氏年廿四孀守家貧子幼紡績度日青年勵節白首完操現年七十三

劉清璧妻毛氏年十九孀守子未晬家貧勵貞撫孤成立卒年

七十五

陳有經妻吳氏年二十孀守子在抱勵志甘貧孝養無缺卒年七十五

陳文修妻吳氏年廿八孀守勤儉持家撫孤成立卒年六十一
姚曾孫妻周氏年廿四孀守紡績辛勤撫孤成立現年七十八
祝宏興妻鄭氏年廿一孀守孝慈兼盡子又不祿撫二孤孫成立現年七十三

吳嘉賓妻陳氏年廿二夫故無子矢志守節孝事舅姑撫夫姪為嗣現年五十八

玉山縣志

卷八下 人物

四十八 列女

余高年妻陳氏年廿八孀守甘貧勵志撫孤成立現年六十四
毛鴻藻妻姜氏年廿八孀守孝事孀孤撫繼子成立現年七十五

陳廷鈺妻余氏年廿六孀守不出戶庭撫孤成立現年六十三
徐日選妻王氏年廿五孀守甘貧勵志冰霜節操旌日起妻王氏亦年廿五孀守孝事舅姑撫孤成立卒年六十四旌

祝世讓妻徐氏年廿四孀守舉動循禮不出戶庭卒年八十三旌

祝恒泰妻徐氏年廿九孀守紡績撫孤克完苦節卒年五十二

鄭學泮妻李氏年廿六夫故無子矢貞善事舅姑卒年五十五
詹文元妻游氏年廿六孀守甘貧勵節撫二孤成立卒年七十
八

陳通睿妻符氏年廿一孀守孝慈和睦教子有方子允功補邑
庠有聲卒年四十八

傅世平妻吳氏年廿二孀守甘貧紡績撫孤成立卒年七十三
陳懋梧妻董氏年廿六孀守子女不祿賫志捐生卒年二十九

以上十
二都

毛永燦妻董氏年廿九孀守孝養舅姑撫孤成立旌

玉山縣志

卷八下 人物

四十九

列女

王作霖妻姜氏年廿七孀守事姑盡禮撫孤成立卒年六十三

周永壽妻吳氏年廿七孀守撫遺腹子成立現年五十七

趙上斐妻陳氏年廿八孀守撫孤成立現年八十六

陳維韜妻王氏年廿四孀守撫孤成立現年七十三

王歡明妻徐氏年廿八孀守撫孤成立現年五十七以上十
三都

羅百臨妻毛氏年廿六孀守貞心自勵撫孤成立卒年八十旌

董廷勳妻徐氏年廿三孀守青年苦節白璧無瑕卒年五十七
旌

董大堂妻汪氏年廿一孀守冰霜之操凜然可敬旌

羅維則妻吳氏年廿九孀守柔順堅貞賦性仁慈旌

徐文波妻周氏年廿三孀守孝養翁姑撫嗣子成立卒年六十
三旌

傅學相妻柯氏年廿四孀守撫孤成立現年五十五

陳德樹妻徐氏年廿八孀守孝養翁姑撫孤成立現年七十一

周懷青妻吳氏年廿四孀守孝養翁姑撫孤成立現年六十四

朱世新妻董氏年廿六孀守孝養翁姑撫繼子成立現年五十
四

王仕豪妻吳氏年廿四孀守孝養翁姑撫孤成立現年六十

玉山縣志

卷八下 人物

五十 列女

王世燮妻陳氏年廿八孀守撫遺腹子成立現年六十七

歐陽慶生妻符氏監生宮槐女咸豐戊午秋夫妻避亂遇賊夫
被執氏罵不絕口賊殺之數日夫得脫歸斂其屍夜夢氏告以
首飾藏處果得之

姜開嘉妻楊氏年廿一姑病禱於天刲股以療年三十二暴疾
卒

李顯錫妻涂氏夫故剪髮納棺撫遺孤成立卒年五十二

張星姚妻邱氏年二十孀守撫遺腹子成立侍姑病十餘年不
倦現年五十六

張啟華妻林氏年廿一生子五日而夫故矢志孀守孝事翁姑
現年六十二

嚴定麟妻彭氏年廿四孀守孝養翁姑甘貧撫孤現年六十二
歲貢生張維斗繼室黃氏年廿二孀守勤儉持家課孫成名孝
年七十六

黃道中妻張氏年廿一孀守截髮自矢終事翁姑現年五十六
黃金權妻楊氏年十九孀守孝養翁姑撫繼子成立現年五十
八

夏淺俚妻李氏年十九孀守撫遺腹子成立現年八十三

玉山縣志

卷八下 人物

五十一 列女

王紹詩妻姜氏年二十孀守孝事老姑撫繼子成立現年七十

董輝傑妻吳氏年廿八孀守冰霜矢志人無閒言卒年四十二

董維康妻陳氏年廿六孀守諸孤俱幼撫養成立卒年逾六十

以上十
五都

陳開泰妻劉氏年廿九孀守撫孤聚雲教養成立咸豐己未聚
雲爲建延慶亭氏親見四世卒年七十九

柯義賢妻陳氏郡庠麟女年廿四孀守孝養老姑教子汝欽補
邑庠卒年逾六十

羅爲妻吳氏年廿九夫亡守節事姑卒年八十七

邑庠黃瓚繼妻歐陽氏年十九夫亡誓從地下有疾不服藥後

夫七年卒

以上十
六都

蔡有芬妻甘氏年廿七孀守撫孤成立現年七十八

李永錦妻張氏咸豐戊午八月隨夫避亂魚村塘見夫被擄投塘死身尙懷娠時年二十七

蔡志壽妻鍾氏年廿四孀守甘貧勵志孝事孀姑撫二孤成立卒年八十一

李濤妻徐氏妾張氏濤歿徐年廿九張年十八同心共守撫繼

玉山縣志

卷八下 人物

五十二 列女

子成立徐卒年四十一張現年六十九

李憲章妻陳氏年廿八孀守甘貧紡績撫三孤成立卒年四十

以上十
七都

洪三慶妻陳氏年十九夫故苦節撫孤始終不二

洪更新妻徐氏郡庠毓咸女年廿七夫病療侍湯藥三年夫歿孝事翁姑撫孤濟清補邑庠

洪必剛妻吳氏挈二子一女避賊於二十都東源山洞中被賊

縱火死於洞子女俱斃未詳年月

以上十
八都

黃廷松妻王氏年廿九孀守孝養老姑撫二子成立旌

毛曰淮妻李氏舉人詠芳女年廿一孀守孝養舅姑和睦妯娌
勤儉持家撫姪成立旌

黃禮杰妻過氏年廿八孀守青年勵志白璧完操旌

王永標妻陳氏年廿八孀守耐貧勵節勤事女紅旌

毛尙瓊妻洪氏年廿九孀守日夜紡績孝養無缺旌

顧宏通妻陳氏年三十孀守善事舅姑撫孤成立卒年六十七

毛曰良妻江氏年三十孀守甘貧紡績撫孤成立卒年六十五

顧宏迓妻汪氏年十九孀守甘貧紡績撫孤成立卒年七十四

王有樑妻余氏年廿四孀守孝養老姑撫二子成立卒年八十

玉山縣志

卷八下 人物

五十三 列女

七以上十
九都

舒立槐妻嚴氏年廿八孀守青年勵志苦節堪矜卒年六十五
旌

舒廷英妻翁氏年廿一孀守青年勵志白璧完操旌

柯明天妻陳氏年廿九孀守苦節堅貞歷久不渝現年八十三

柯月訓妻鄭氏年廿四孀守苦節堅貞現年五十七

舒興旺妻吳氏年廿九孀守甘心苦節抗志不回現年六十四

黃朝高妻邱氏年廿七孀守苦節靡他現年六十五

王純辛妻鄭氏歲貢之瀚孫女成豐辛酉避亂山巔賊追及之

奮身投崖死

以上二
十都

李文樹妻喻氏年廿八孀守素性幽閑閉戶操作卒年五十一
旌

陳元俸妻許氏年廿三孀守苦節自勵不出戶庭旌

喻兆椿妻楊氏年廿八孀守二孤俱幼教養成立卒年七十

詹晉才妻廖氏年二十孀守孝養舅姑撫孤向榮成立現年七

十八

喻登越妻許氏年廿一孀守矢志靡他撫孤成立卒年八十三

喻懿璽妻鄒氏年廿二孀守孝養舅姑撫孤成立卒年五十八

玉山縣志

卷八下 人物

五十四 列女

徐遵麟妻童氏年廿四孀守孝養舅姑撫孤成立卒年八十

徐鳳翔妻鄧氏年廿三孀守孝養舅姑撫孤成立現年六十五

周兆河妻毛氏年廿七孀守孝養舅姑撫姪成立現年六十三

喻昭晨妻廖氏孀居孝舅姑教子孫卹孤寡現年七十八

廩生喻鯤妻陳氏年廿九孀守孝養舅姑撫孤成立卒年七十

三

喻西山妻鄭氏年廿六孀守咸豐七年氏年六十避亂茅坂地

方罵賊死

以上二
十一都

王學發妻劉氏年廿七孀守青年勵志白壁完操旌

張學坡妻鄭氏年廿四孀守青年勵志白璧完操旌

吳漢基妻喻氏年廿三孀守青年勵操洵稱賢淑旌

張煥柿妻顏氏年廿七孀守舅姑俱歿二孤幼念夫兄嫂年長以倍舅姑視之教讀婚配事請命惟謹二子亦克遵母教庭除內外肅然有規現年五十六

顏天配妻吳氏年廿九孀守遇經豐齋志不二三撫育繼兒心甘節苦卒年五十一

顏祿局妻吳氏年廿二孀守屏除簪珥終身不御色衣迨晚年或謂血氣衰非帛不煖則曰未亡人與寒習耳卒年五十一

玉山縣志

卷八下 人物

五十五 列女

顏學鑰妻張氏年廿八孀守青年矢志白首不渝卒年七十七
顏祿雕妻吳氏年三十孀守勤事紡績不出戶庭卒年四十一
顏天祝妻林氏年廿四孀守先是侍夫病五年極爲婉摯夫病篤數月不解衣履夫自度不起泣告曰吾悞汝氏曰是何言萬一不諱誓不二天耳比彌留一慟而絕尋以救甦子三歲家徒四壁兄弟析居已久紡績撫孤忍飢耐寒垂四十年獲見孫成立卒年七十一

吳章地妻顏氏年廿九孀守孝養老姑代終無媿撫子女成立嫁娶如禮卒年六十

顏學鍊妾王氏年廿九孀守或以誼非敵體無子盍他適氏曰婦人之義從一而終無貴賤一也自是深閨獨處雖妯娌罕見其面現年八十八

顏景倬妻張氏年廿七孀守遺孤二幼者生纔數月長亦須提攜備極艱劬白奉儉約而事姑餉客必求豐腆現年五十五

顏天裔妻陳氏年廿六孀守苦心勵節勤儉持家撫繼子成立現年六十六

顏天拾妻吳氏于歸時夫病已篤奉侍湯藥無少懈年廿一夫故痛絕復甦者三姑諭以立嗣始強起辛苦支持垂三十稔而

玉山縣志

卷八下 人物

五十六 列女

姑與繼子復歿氏自傷命蹇志益勵撫孫成立卒年五十五

顏祿趣妻邵氏年廿四孀守孝養舅姑勤紡績慎語言撫繼嗣成立現年六十五

顏祿器妻林氏年十九孀守飲冰茹蘖誓死不二撫繼子成立卒年五十八

以上廿四都

吳文學妻顏氏年廿九孀守天性貞淑克敦節孝卒年四十四旌

吳文儀妾錢氏年廿四孀守裙布釵荆性情恬淡卒年五十五旌

程順湯妻葉氏年廿六孀守甘貧勵志撫孤成立旌

吳華詩妻陳氏年廿九歸時夫病已篤未逾百日夫故氏年十八誓死靡他撫繼嗣成立現年七十二

吳華謀妻顏氏年廿九孀守撫孤成立備極艱辛卒年七十七
監生吳珩繼室陳氏年廿六孀守撫養繼嗣苦節堅貞孫曾蔚起現年七十二

吳華鏘妻蘇氏年廿四孀守勤儉持家撫孤成立現年七十六
尤亨翼妻張氏年廿八孀守孝養舅姑撫孤成立卒年八十五
監生吳章班妻林氏年廿九孀守苦志自矢教養諸孤成立卒

玉山縣志

卷八下 人物

五十七 列女

年六十二

武生吳華守妻顏氏年廿八孀守苦節堅貞撫繼子成立卒年五十九

吳華椿妻陳氏年廿九孀守遺孤未晬苦志堅持撫育成立卒年六十二

尤貞多妻彭氏年廿九夫故無子僅遺二女奉事舅姑教養二女子歸現年五十六

張學洌妻林氏年廿六夫故無子甘貧紡績孝養舅姑艱苦備嘗現年七十二

吳華閔妻顏氏年廿一孀守苦節堅貞撫繼子成立現年六十
二

吳華開妻蘇氏年廿九孀守二孤繼殤苦節堅貞撫夫姪爲嗣
現年六十八

吳章初妻顏氏年廿九孀守甘貧撫孤辛勤紡績卒年七十六
監生吳文昇繼室劉氏年十九孀守孝養舅姑撫繼子成立卒
年六十三

增生吳華敷繼室張氏年廿九孀守先侍夫病數年無少懈及
卒前出子二氏子女各一皆穉教養無二姑歿氏以冢婦主中

玉山縣志

卷八下 人物

五十八

列女

饋阿舅瑛邑名孝廉年高多病親友過從杯盤豐腆咄嗟立辦
舅所須藥餌惟氏調劑得宜舅賢之囑司藥政先是氏母家世
以醫名故通曉其理尤善婦女及小兒各症居常製丸散濟人
有求必應鄉里稱節孝賢婦現年六十七

吳章璞妻顏氏年十九孀守撫繼子又殤矢志不二白首完貞
卒年七十三

吳章鑣繼室陳氏年廿二孀守撫前出遺孤恩義兼至教督成
名孫曾繼起現年七十二

陳學輝妻王氏年廿三孀守勤儉持家撫孤成立現年六十

林君舉妻王氏浙江開化都司職王華有女年十八孀守遺孤
一男一女仰事俯育代終惟謹無何子授室顏氏生孫男女各
一又卒哭夫哭子益勵艱貞攜媳撫孫苦節數十年孫又生孫
氏現年六十二以上二
十五都

陳喜雄妻徐氏年廿四孀守奉老姑撫繼子孝慈兼盡卒年七
十四

劉言宏妻郭氏年廿三孀守柏舟自矢撫孤成立卒年七十八
王毓秀妻吳氏年廿一孀守孝事舅姑撫孤成立咸豐癸丑學
使張獎給冰心霜節匾額卒年七十八

玉山縣志

卷八下 人物

五十九 列女

王建章妻吳氏年廿三孀守孝養瞽姑惟謹撫育孤子有方現
年六十四

王步壇妻洪氏孝養舅姑撫孤成立卒年六十八

劉永嘉妻郭氏年廿四孀守孝養舅姑撫孤成立現年八十八

劉言歐妻童氏年廿四孀守孝養舅姑撫孤成立現年七十

王燿妻賴氏年廿七孀守孝養瞽姑撫育孤子卒年三十七以上

二十
六都

程耀庠妻顧氏咸豐辛酉二月粵匪至童家坊耀庠挈家避黃
巖山遇賊氏厲罵死之

童大杭妻葉氏年二十孀守勤儉持家撫繼子起煥成立不赴親戚宴會者三十餘年鄉里引爲閨範現年六十一

汪丹桂妻王氏年十九孀守苦節堅貞撫螟子成立現年七十

三

童文曙妻王氏年廿九孀守冰霜勵志勤儉持家孤克成立現年五十九以上二十八都

程仁鑄妻黃氏年廿二孀守天性純篤克敦節孝旌

俞士鈴妻葉氏年廿五孀守甘貧勵志日夜紡績旌

俞秉法妻董氏年廿五夫病革謂曰無子可他適董誓以死夫

玉山縣志

卷八下 人物

六十 列女

卒哀毀甚後二年卒

王仕箎妻陳氏年廿八夫故不食三日族黨責以撫孤乃就食

矢志貞潔不入喜慶家孤甫應童子試天撫夫兄仕塤次子爲

嗣現年五十九

何茂亨妻方氏年廿五孀守孝養舅姑撫繼子成立復捐田入

家祠爲祭產卒年四十九

程福壽妻邱氏年廿一孀守矢志甘貧紡績自給現年六十八

章志剛妻徐氏年廿五夫故守節撫孤成立現年五十六以上二十

郡庠葉璧聯妻毛氏年廿九孀守紡績以養舅姑撫二子成立
卒年五十二

鄒有發妻程氏年廿六孀守撫孤成立內外無閒言現年五十
七

陳文煒妻俞氏年廿八夫亡母曰家貧子幼又無舅姑奈何氏
曰願依母爲陳氏養此塊肉誓無貽母羞母聽之自是常在母
家撫子經入邑庠現年六十五人并以是賢其母

張春庚妻程氏年廿八孀守事舅姑喪葬盡禮訓二子勤儉成
家卒年八十

玉山縣志

卷八下

人物

六十一

列女

監生俞志芬妻蔣氏年廿八痛夫罵賊殞命誓以死從病不服
藥逾年卒

邱貴昌妻張氏年廿九夫亡苦守撫孤成立現年六十六

葉夢熊妻戴氏年廿三孀守甘貧勵志紡績勤儉旌

以上三十都

巴仁華妻蔡氏舉人蔡世鋌女歲貢巴廷梅媳也年廿九夫故
遺腹生子遺瑞矢志撫孤事舅及繼姑孝姑尋病廢卧牀蓐者
五年侍奉無少懈舅姑歿喪葬盡禮遺瑞後入郡庠改名立芝
上其狀於學使張獎給冰心霜節匾額請旌建坊

周學騰妾甯氏年廿九夫亡廿守撫孤事嫡有禮卒年六十三

以上三
十一都

余肇麒妻鄭氏年廿九夫亡矢守現年八十二

鄭士興妻王氏年廿四生子甫七日夫亡矢守撫孤成立現年五十八

庠生鄭桂林妻姜氏年廿七孀守桂林嗣叔父建德後所後早世氏奉夫本生父母惟謹撫三歲孤不出戶庭卒以痛夫飲泣悵鬱以歿距夫卒九年人稱完節

童廉鈞妻張氏年廿一孀守孝養舅姑撫孤成立現年六十八
魏月鏞妻李氏已旌節婦魏李氏孫媳也鏞亡氏年廿三矢繼

玉山縣志

卷八下 人物

六十二 列女

大姑節孝撫雙孤成立現年五十七

吳瑞妻紀氏年廿八孀守撫夫姪敬芳爲嗣紀粗知文義愛讀孝經及文昌帝君陰騭文年五十六病失明後八年卒

吳洺妻陳氏年廿八孀守撫六歲孤家事悉聽伯氏主持日侍姑側族隣喜筵未嘗與孤成立授室周氏卽姑從孫女未幾姑卒孤子勤亦卒陳幾不欲生轉念夫仍無後度媳志堅乃謀諸族眾撫夫姪孫崇階爲子勤後姑媳相依垂二十年陳卒年七十周三十而寡現年五十六

鄭鳳麒妻翁氏年廿六孀守孝養舅姑撫兩孤成立卒年七十

一以上三
十二都

鄭連鎮妻俞氏年三十孀守循禮無虧鄉評孝媳旌

孫啟珍妻余氏年廿九孀守撫孤成立現年七十四

沈景堂妻顧氏年廿八孀守紡績孝養撫二子成立卒年七十

九

顧文學妻侯氏年二十孀守撫孤成立卒年七十六
以上三十
三都

卓廷魁妻邱氏年十九孀守青年勵操清節無玷旌

鄭士瑚妻徐氏年二十孀守撫二子成立卒年八十二

卓興忠妻王氏年廿八孀守撫養遺孤治家勤儉卒年八十六

玉山縣志

卷八下 人物

六十三 列女

鄭學淵妻葉氏年廿五孀守撫孤成立卒年六十六
以上三十
四都

劉良恭妻黃氏年廿二孀守撫遺腹子成立現年五十八

劉良裕妻詹氏年廿一孀守撫孤成立現年五十六

鄭新富妻李氏年二十孀守撫孤成立現年五十四

桑錦山妻吳氏年廿九孀守子仕鰲娶徐氏年廿七鰲卒遺孤

日暉自是姑媳相依冰霜共矢徐卒年五十一吳現年七十

監生過嘉訓妾孔氏年廿九孀守勤儉持家撫繼子坤杰成立

卒年六十三

過坤柱妻詹氏年廿五孀守孝養舅姑撫孤成立現年六十五

以上三
十五都

劉紹斗妻林氏年二十孀守甘貧紡績撫孤成立卒年七十
曾聖棟妻饒氏年二十孀守孝養舅姑撫姪爲嗣卒年六十

余瑞成妻饒氏年廿六孀守孝養舅姑撫孤成立卒年七十九
以上三
十六都

顧兆漢妻李氏年廿九孀守孝養舅姑撫孤成立卒年四十五
邑庠姜志弼妻李氏夫病篤刲股以進夫故絕食累日旣念舅
姑垂老強起奉事閱十有四年卒無嗣

黃符祥妻林氏年廿四孀守紡績勤儉撫二子定炳定燦成立

玉山縣志

卷八下 人物

六十四 列女

卒年六十四

林亦萱妻舒氏年二十孀守孝養舅姑遺一孤子卒年二十六
以上三
十七都

曾宇忠妻程氏年廿九孀守性甘淡泊安貧紡績撫姪爲嗣教
養成立旌

趙由華妾顧氏年廿六夫死無子撫姪爲嗣事姑及嫡盡禮勤
儉持家現年五十九

余連濱妻符氏年二十孀守事姑盡禮撫嗣子成立現年五十
八

何佳時妻毛氏年三十孀守甘貧紡績撫孤成立現年五十五

以上三十八都

蘓石涵妻吳氏年廿八孀守艱苦備嘗撫孤成立旌

邑庠吳松妻方氏年廿九孀守孝養舅姑撫二子耕讀分任勤儉持家長子廷楨補邑庠氏現年九十有二

吳文湖妻楊氏年廿八孀守秉性貞淑訓子勤儉現年七十五
胡文龍妻鄒氏年三十孀守課子耕種勤儉持家現年九十八
親見五世同居

周觀浩妻徐氏年廿四孀守撫姪爲嗣勤儉持家現年六十九

玉山縣志

卷八下 人物

六十五 列女

吳章陽妻周氏舉人漢章姊年廿八孀守寡言好施家中落周
急無吝族黨賢之撫四子成立孫枝蕃衍現年六十五

王如長妻鄭氏年廿四孀守孝養舅姑撫孤成立現年六十八

以上三十九都

陳保仁妻蔡氏年廿三孀守青年苦節白首完操旌

鄒昌麒妻董氏年廿九孀守孝養舅姑撫孤成立旌

吳崇禮次女玉雲年十九父病葺刲股以進父死兄多病矢貞
事母家貧無以爲養朝夕執女紅以佐母膳兄死益勵邑釐卡
委員仇松齡嘉其志而憫其窮贈以貲置田八畝爲膳產

廖文七妻甘氏年廿七孀守甘貧苦節教養無虧卒年八十
羅福彩妻姚氏年三十孀守孝養舅姑撫孤成立咸豐戊午罵
賊死年六十九

羅炳權妻鄭氏遇賊自溺死未詳年月氏年六十七

鄭成勳女桂珠年十七字符姓未嫁侍父病數月不倦父病篤

以封股進嫂窺見駭不敢言父歿女哀毀骨立手不能舉嫂
告宗黨咸嗟異焉

陳德慶妻楊氏年廿五孀守孝養舅姑撫孤成立學使張獎給
冰心松節匾額卒年八十一

玉山縣志

卷八下 人物

六十六 列女

鄭子甯妻謝氏年廿三孀守勤儉持家撫孤成立卒年六十一

黃長興妻鄭氏年廿八孀守艱苦備嘗撫孤成立現年五十九

以上四
十都

李守緒妻吳氏年廿四夫亡無子甘貧勵節現年六十四

董樹修妻顧氏年廿三夫亡遺孤一翁姑諭以家貧子幼盍他

適氏矢不二紡績佐養撫子成立二老俱年逾八十卒喪葬盡

禮氏卒年五十六

湯朝顯妻黃氏年廿二孀守孝養老姑撫孤成立卒年六十

柯勤媿妻李氏年廿九孀守孝養翁姑撫育子女未幾又天有

勸以改適者氏矢不二現年六十五

柯勤生妻鄒氏抱二歲女避粵匪之亂遇賊自投於池賊援之以槩氏怒罵羣賊躍入池中割其兩乳殺之女亦斃未詳年月
葉啟盛妻祝氏年廿四孀守家貧紡績撫孤世貴成立卒年五十一
世貴妻董氏年廿八孀守撫孤成立卒年七十七柏舟矢志姑媳聯芳稱葉氏雙節

柯陳氏夫某業草屨者佚其名咸豐五年三月二十八日粵匪竄境經其村氏侍夫病不忍避姑促之終不去賊至脅從氏乞勿傷其夫命賊許之促行氏泣別其夫與姑至途次躍入池水

玉山縣志

卷八下 人物

六十七

列女

中賊援以槩氏怒罵被殺

黃章氏者其夫不知何許人也年八十六遇賊罵之被賊用茅

刺死

以上各採訪原稿未詳都分

按黃章氏及張金雲妻戴氏皆年逾八十皆未聞有子若孫皆死於賊烈矣粵逆之禍慘矣忍令終湮歟

寓賢

唐

閣立本西安萬年人官中書令卜居武安山下讀書暖水三山之左置南莊五都自太宗殂高宗立權移武后立本舍宅爲普甯寺舍讀書處爲智門寺舍南莊爲普圓禪院又築墓於普甯寺後委僧護守之

前通志

宋

楊億字大年建州浦城人也生之夕其祖文逸夢一羽衣自稱懷玉山人覺而億生有毛被體其長盈尺踰月始墮母口授以

玉山縣志

卷八下 人物

六十八

寓賢

書隨卽成誦六歲學吟詩七歲善屬文年十一以童子名對試詩賦五篇下筆立成太宗歎異以爲秘書省正字制曰汝方在髫齡不煩師訓精爽神助文字生知越景絕塵一日千里予有望於汝也從祖微之知許州億往依焉微之間與語歎其學問該博曰興吾門在汝矣涪化中命讀書秘閣遷光祿寺丞太宗觀華後苑召命賦詩明年苑中曲宴億復以詩獻太宗詰有司不時名對曰非貼職不與卽以億直集賢院真宗卽位拜右正言修太宗實錄凡八十篇而億獨成五十六卷出知處州召還拜左司諫知制誥咸平中詔近臣議靈州棄守億上疏景德初

同王欽若修冊府元龜大中祥符初爲翰林學士嘗以疾在告
真宗遣使挾太醫療之億表謝真宗批紙尾賜詩有副予前席
待名賢之句其顧遇如此及章獻后之立也真宗欲得億草制
使丁謂諭旨億難之謂曰大年勉爲此不憂不富貴億曰如此
富貴亦非所願也乃命陳彭年草制億旣頻忤旨而王欽若陳
彭年深所讒毀億嘗入直夜召見禁中命坐賜茶從容顧問久
之出文藁數篋以示億曰卿識朕書蹟乎皆朕自起草未嘗令
臣下代作也億皇恐不知所對頡首再拜而出乃知讒言得行
矣億有別墅在陽翟億母往視之會母病億不俟報而行讒者

玉山縣志

卷八下 人物

六九

寓賢

以爲慢朝廷億素體羸至是以病聞乃授太常少卿分司西京
秘書監起知汝州會加玉皇聖號召爲寶冊參詳儀制副使天
禧二年遷工部侍郎知貢舉坐譴降秘書監母喪詔起復爲翰
林學士億嘗代寇準草奏請皇太子親政斥丁謂等姦邪事準
旣逐億亦憂畏而卒年四十七

東都
事畧

李彌大字似矩蘇州人崇甯進士履行端方爲一時之傑累官
至工部尙書後以顯謨閣學士致仕寓居於信之懷玉山

前府
志

韓元吉字旡咎開封人仕至吏部尙書龍圖閣學士封穎川公
嘗師尹焞得呂祖謙爲壻師友淵源爲諸儒所推重徙居上饒

所居之前有澗水號南澗南有園築亭竹間號蒼筤卒葬城東
所著有愚懃錄周易繫辭等書子琥字仲止號澗泉與趙章泉
同時有詩名稱二泉先生方虛谷詩上饒有二泉指此

前通志

前志按通志有維之子與兄元隆俱登甲第語今刪去葉
紹翁四朝聞見錄韓南澗先生雖襲門蔭而學問遠過於
進士孝宗謂兩制之選能者爲之顧何擇於進士任子據
此則謂與兄俱登甲第者謬也又周輝清波雜志韓持國
維寶元間偕兄弟應進士舉預南省奏名五世孫元吉尚
書乃謂維之子亦誤維卒元符間年八十二至孝宗隆興
又六十餘年其
爲五世孫無疑

趙暘字义若鄭州人元祐館職趙獻彥思之子也世居東里直
龍圖閣以提點坑冶鑄錢行提舉江州太平觀來居智門寺作

玉山縣志

卷八下 人物

七十 寓賢

亭爲臨眺之所施舜顯因呂忠穆公語摘君子字以名其亭且
爲記 前志改通志

唐志按歿葬章泉子澤終胸山縣主簿孫渙終通判沅州
曾孫蕃承議郎直秘閣致仕世爲玉山人自獻至蕃皆有
文集名之曰東
里趙氏四世集

晦菴朱文公熹與汪端明友善嘗講學懷玉山中手植梨樹
至今尚存山中人呼曰大梨

懷玉山志
按梨樹見古蹟

呂不問字季昇中原人徙居縣之西以谷隱名堂并以自號其
從子舍人居仁嘗爲賦詩

前府志

呂祖謙字伯恭金華人夷簡七世孫早擢高第官著作郎以明

道爲務聞晦翁與汪端明陸象山講學懷玉遂就玉拜端明爲弟子尋歸有省倡道於婺稱東萊先生玉人至今與端明並祀

全上

國朝

趙佑字鹿泉仁和人乾隆壬申入庶常講學於懷玉書院以闡明經義表章先賢爲務後以大理寺卿兩典試江西旋留視學不復至舊遊地矣著詩書質疑三傳雜案四書溫故清獻堂集

前志

按通志列入尹少稷稽徒以東萊方齋一詩耳今存方齋

玉山縣志

卷八下 人物

七十一

寓賢

於古蹟錄呂詩於藝文足見少稷三十年前所以自期與師友所以相期者固斷斷不苟矣必要其終始而命之曰

賢嗚呼史傳具在豈得而誣焉

前志原跋

朱承煦字海客益都人乾隆丙戌講學於懷玉書院以前明夏月川先生懷玉山志湮沒惟志叙志目凡例及易簡堂記僅存因增訂纂修復成完書鉛山蔣大史士銓爲之序

新增

饒廷選字梅臣福建侯官人咸豐間以衢州鎮駐防玉山三年樵蘇不擾與吳舍人華辰李上舍含章友善聘爲行軍記室雅歌投壺有祭征虜風先是廷選以材武受知於廣督林文忠公

咸豐六年郡守沈公葆楨文忠女兄子其夫人文忠女也是年八月粵匪逼郡城沈及夫人林氏刺血書求救於廷選廷選赴救解郡圍語在武事志中後積功陞浙江提督死於戰奉詔立功所在建祠同治五年與湖南羅忠節公並祠於郡城曰羅饒二公祠 全上

按班固古今人表列九等善惡並著志專紀善彰往者勵來者也然而名實之間蓋難言矣前志云古人務實今人近名儻亦非定論也古者今之所積今人古古人後人亦古今人豈名於今者實於後耶君子疾歿世而名不稱焉苟其實有不容泯滅者將不徒以邑乘名斯亦庶幾乎能名者矣名顧足爲士累哉

玉山縣志

卷八下 人物

七十二

寓賢

